

كيف تنجذب النساء

كيف تنجذب النساء

إبراهيم ناجي

تصميم الغلاف أسماء عاصم

جميع الحقوق محفوظة للمؤلف ويحظر نشر أو تخزين أو طباعة
المصنف بغير علم المؤلف وبإتفاق رسمي موثق وإلا يعتبر إنتهاك لحقوق
الملكية الفكرية ويعرض الفاعل للمسائلة طبقا لقانون رقم 82 سنة
2002 لحماية الملكية الفكرية

الطبعة الأولى مايو 2021

رقم الإيداع 10221/ 2021

[email/fesafesal500@gmail.com](mailto:fesafesal500@gmail.com)

whatsApp 01286725886

Phone number 01152337936

إهداء

أهدي هذا الكتاب لوالدي، فهو أكبر ملهم لي وأكبر داعم وأكبر مصادر فخري، يدعمني حتي وهو متوفي وغائب عني من أكثر من عقد.

أهدي هذا الكتاب لأخي فهو أكثر من أحببت وأكثر ما أعتز به في حياتي وهو من القليلين الذين أحترم فكرهم لذا كلمات دعمه كانت فارقة بالنسبة لي.

أهديه لكامل اسرتي وعائلتي فهم مصدر إعتزاز لي.

تعريف بالمؤلف

إبراهيم ناجي : كاتب ومفكر مصري

*له بحث حول اختلاف طباع المرأة من الحضر للريف في المجتمع المصري وتنوع قناعاتها في معايير قبول الجنس الاخر علي حسب اختلاف مجتمع المنشأ.

*بحث حول فاعلية التواصل المجتمعي وعلاقته بالاحتيايل الفكري والمادي.

*مقالات حول تحسين قدرة الانسان علي التفاوض وخلق فرص جديدة بإستخدام الكلمات فقط لتحقيق اكبر مكسب لطرفي التفاوض. بحث حول حرية الاختيار ومستويات التأثير علي اختيارات الفرد، وتحسين قدرة الفرد علي الإختيار إعتمادا علي وعيه الحر.

*بحث حول الفرق الجوهرى بين الإنسان والحيوان وأسس بناء الحضارة الحديثة

*مقال حول النظر خلف الحواس ودحض فكرة قصر المعرفة علي مستقبلات الإنسان الحسية فقط .

كتاب

كيف تنجذب النساء

إبراهيم ناجي

كتابي دا ما هو إلا وجهة نظر شخصية ناتجة عن تجارب شخصية وإستقراء لتجارب تانية تم عرضها عليا ومشاكل كنت سبب في تقديم حلول ليها أكثرها بين المتزوجين، وهو تفرغ لأكثر من 1000 علاقة مع 1000 بنت مختلفين لكن كل ما ورد يقبل النقد والتفنيد وأن يرد عليا كله إن بدا ما يخالفه مقنع أكثر.

إستطعت مساعدة عشرات الاشخاص علي تحسين فرصهم مع الجنس الآخر من خلال الافكار والمعرفة المطروحة في الكتاب.

أكثر ما أعد به القارئ إني هخليه يلمس الحقيقة في أكثر من موضع وإني هلمسه هو شخصيا ومن أعماقه، هلمس مشاكله وهواجسه ومشاعره وقناعاته تجاه الجنس الآخر وهساعده على تعديل كل دة.

مقدرش أنفي إن الكتاب وجهة نظر لكن يمكن لوجهة النظر أن تتسق إتساق تام مع الحقيقة ولربما دي الفرصة علشان تقابلك الحقيقة ولو مرة في حياتك وإنت بتقرأ الكتاب.

مقدرش أوعدك إنك هتبقى براد بيت والبنات كلها تجري وراك لأن دة أمر متوقف عليك إنت أكثر مني، إنما أقدر أجدملك إنك بعد ما تخلص قراءة هتحس إنك في مستوي تاني خالص من الوعي غير اللي كنت عليه من ذي قبل هيخليك تستغرب كل حاجة كنت بتعملها قبل كدة وهتلاقي مفيش مبرر إنك متغيرش من نفسك، لو الإحساس دة وصلك يبقى أنا كدة نجحت في مهمتي.. ياريت ماتفوتش ولا كلمة من اللي جاي علشان كل فصل وكل جملة بتمثل قالب هيساهم في إعادة تشكيل وعيك من جديد

وكمان متستعجلش في القراءة وإقرأ الكتاب أكثر من مرة , رحلة سعيدة يا صديقي.

سؤال مهم

على الرغم من إن الجزء دا هو آخر شيء كتبته يخص المحتوى دا إلا إني حابب إنه يكون أول ما يواجهه القارئ في بداية قراءته للكتاب. والسؤال هو هل محتوى هذا الكتاب يعتبر مؤامرة على البنت؟ هل هذا الكتاب اتعمل بهدف الإيقاع بالبنت؟ أو هل يحمل أي شكل من أشكال التحيز للذكر دون الأنثى!

عمل بهذه الجرأة إضافةً إلى إنه مفيش موضوعات مشابهة له في المحتوى العربي، ربما يلقي الكثير من النقد والاستهجان إذ إنه قد يبدو للقارئ إنه مكتوب بهدف إيقاع البنت، أو نشر شيء غير مرغوب ومخالف لتقاليد المجتمع، وإحنا في مجتمع شرقي بيرفض العلاقات الغير رسمية على الأقل ظاهريًا.

ومن هنا تيجي العلة، وهي نشر محتوى مخالف، وربما يجلب ضررًا لأقرب الناس لكاتب المحتوى نفسه، إلى هذا الحد ربما يكون الطرح معقول في نظر العامة، وإن ما جاء به الكتاب مخالف ويجلب الضرر أكثر من إنه يكون نافعًا، وبعد تمحيص في الأمر أريد أن أرد هذا التساؤل قبل أن يطرح. إذا قلنا أن الكتاب يحض على شيء مخالف أو يساعد الولاد على فعل شيء يرفضه المجتمع، فدي نظرة مُجتزأة للأمور لا تعبر عن الحقيقة كاملة. في ولا موضع في الكتاب كانت هناك دعوة مباشرة للولاد بتعدد العلاقات غير الشرعية، لكن كل ما ورد بالكتاب من الممكن إنه يساعد أي شخص غير سليم

النية على القيام بعلاقات متعددة مع بنات بشكلٍ غير رسمي، ودا لا يعني تأييدي لهذا التصرف بل أنكره عليه، وأنا مؤمن تمام الإيمان إن العلاقة مع البنت بغير ما أحل الله قد تُسبب خللاً في حياة الشخص في الدنيا، إلى جانب ما قد يناله في الآخرة.

قد يظن البعض إن محتوى الكتاب موجهاً للولاد لكن هو محايد جداً ويمكن لكلا الطرفين أن يعتمدا عليه، وهو مفيد للبنت أكثر من الولد بالضرورة؛ لأنه ببساطة يتكلم عن طبيعة البنت، وهو فرصة لكل بنت علشان تحسن وعيها بذاتها.

الديناميت من اختراع الفريد نوبل ونوبل صنعه بهدف نبيل، لم يقصد به إيذاء البشر لكن اللي حصل عكس كدا وأصبح أكثر ما يستخدم فيه هو قتل البشر، والمسدس لو أطلقت رصاصه على حرامي بيغتصب منزلك فهو صوتٌ حق وفي الحالة دي المسدس بيقيم الرحمة والعدل. بس الحرامي كمان بيكون في إيده مسدسًا يشبهه ومن الممكن أن يسبقك هو ويطلق عليك من مسدسه، وفي الحالة دي المسدس هنا صوتٌ باطل تسبب في ظلم، وأزهق روحًا بريئة. الحقيقة إن المسدس لا يمكن شكره مع صاحب المنزل ولا يصح لومه في يد الحرامي؛ علشان ببساطة المسدس أداة محايدة لا تحمل أي إنتماء للخير أو للشر، حاجة بالظبط كدا زي الأقمار الصناعية اللي عليها قنوات دينية وثقافية وكذلك قنوات بورنو لنشر الرذيلة اللي إحنا بنرفضها بالضرورة. قرار الشخص اللي قاعد قدام التلفزيون هو اللي بيوضح إن كان القمر الصناعي نشر فضيلةً أو رذيلة، كل دا على أساس اختياره القناة اللي هيشغلها. تبقى إرادة الإنسان هي التي تصبغ كل المعارف المحايدة في الكون حوالينا بألوان الخير والشر، وكذلك المعرفة التي حاولت تجميعها في الكتاب هي

محايدة جدًا وموجودة بالضرورة، وإجلائها وتوضيحها لا يحمل أي معنى للحث على استخدامها في اتجاهٍ مخالف للعادات والقيم.

البنث على وجه الخصوص لو حابة تطور وعما بذاتها فهي محتاجة اللون دا من المعرفة أكثر من الولد واللي بتوضح لها إزاي هي بتتأثر عاطفيًا وإزاي ممكن يتم الاحتيال عليها من الجنس الآخر. البنث لو حابة تنهي قدرتها على الرؤية المحايدة فهي محتاجة لمثل هذا الكتاب بالضرورة علشان عواطف البنث تجاه الجنس الآخر هي أكثر ما قد يصيب الفتاة بالخلل في اتخاذ القرار.

للقائلين بأن الكتاب يحمل مؤامرة ضمنية على كل بنت، وفي الحقيقة الأمر مضحك جدًا، إيه معنى أن تُحاك مؤامرةً على شخصٍ وتفصيل المؤامرة دي كلها على مسمعه، بمعنى إني لو قلت لأخويا إني نصبت فخ لجاري أمام منزلي، وعملت حفرة وغطيتها بقش علشان يقع فيها، بس الكلام ده أنا قولته لأخويا قدام جاري، بيتهيا لي من السذاجة إن دي تنسى مؤامرة لإني بمجرد ما أتكلم قدام جاري كإني بقول له انتبه من الحفرة اللي متغطية أمام البيت لأنك ممكن تقع فيها، حتى لو مقلتش دا بشكل مباشر فدا مش معناه إن في حاجة ممكن تضر البنث إلا بمزاجها هي ورغبتها في التغافل عن الحقيقة.

ربما بيعي الخلل في تقدير الأمور عند الأنثى من عدم فهمها للخطر المعنوي والنفسي اللي ممكن يلحق بها نتيجة الانسياق من غير وعي وراء شخصٍ آخر ودا نتيجة الاحتيال اللي ممكن يقوم بيه الولد عليها واللي ينتج عنه تلبيس للحقيقة وسوء تقدير للعواقب، إذ إنه لا يمكن نوعي البنث أن يختلف على الضرر اللي ممكن يسببه القطار ليها لو صدمها وهو مسرع، علشان على الرغم من إن القطار ممكن يودي بحياتها إلا إنه صريح في التعبير عن نفسه،

ولا يمكن أن يأتي في يوم بنتيجة غير المتوقعة منه أو أن يتصرف على غير عادته فيسبب الخديعة للشخص اللي بيتعامل معاه.

دا معناه في كل الأحوال إن البنث لازم تملك نظرة ما بعد مشاعرها وتفكر أبعد من إن يكون كل شغفها هو إنها تعمل أشياء مريحة أو تبحث عن سعادة لحظية دون النظر لعواقب المساعي دي.

إن الفهم العميق للأنثى ممكن يكون سبب إصلاحٍ عظيم، إذ أن الطبيعة البشرية تقتضي التزاوج بين الجنسين وفهم طبيعة الأنثى ممكن يجنب مشاكل كتيرة جدًّا قوامها هو جهل الرجل ببعض العناصر التي تُرضي احتياجات عميقة داخل الأنثى وكذلك جهل الأنثى بنفسها أو عدم قدرتها على صياغة الأمر بشكلٍ مفهوم لزوجها.

كل دا قد يسبب ارتباكًا في العلاقة وتؤدي إلى نتائج غير مرجوة من فكرة الزواج، وأضيف لكم إن كل ما ورد بالكتاب هناك من يتفق معه تمامًا ويستغله أسوء استغلال دون الافصاح عن تركيبه اللي هو بيعمله دا. في ذكور وصلت للمعرفة والاستراتيجيات المذكورة بالكتاب قبل كاتب هذا الكتاب اللي هو ما أنا ما أجي الدنيا أصلاً.

ويستغلون القدرة والمعرفة دي في التلاعب بالجنس الآخر والنيل منهم على حساب جهلهم بالأمر المذكورة تفصيلاً داخل الكتاب وعليه فإن الافصاح عن الأسلوب دة يعتبر بشكل ضمني حقيقي هو تضامن مع الأنثى، وليس حض على النيل منها أو التلاعب بمشاعرها، وذلك لأن المحتوى المكتوب هو استقراء لتجارب الآخرين اللي هما متقنين فعلاً لفكرة التطبيق إلى جانب تجارب شخصية مع الجنس الآخر، استشفيت في إطارها ما ورد ذكره في الكتاب.

وأنا أبرأ نفسي من أي شخصٍ قد يستخدم محتوى الكتاب في الاحتيال على بنت لتحقيق غرضًا غير شريف أو غير أخلاقي، وأوصي بالكتاب للذكور المتزوجين أكثر من العُزاب أو اللي لسا سناجل، علشان المتزوج عنده احتياج حقيقي لفهم الشريك، لتجنب الوقوع في مشاكل يصعب الوصول إلى جذورها، ونلاقي نفسنا بنعالج اللي على السطح وكل ما نحل مشكلة يظهر غيرها مشاكل.

مقدمة لازم تقراها

ليه في ولاد جذابين للبنات وولاد تانية لا مع إنهم متساويين في الماديات ومعايير الوسامة!

جذب البنات أو التطبيط معاهم بتفضل فكرة عالقة في ذهن كل راجل، ومفيش راجل مش بيفكر إزاي يحصل على علاقة قوية مع بنت يقدر ياخذ في إطارها كل احتياجاته الإنسانية، الفكرة دي بتتكون عندنا من أول وعينا ما يبدأ يتشكل ونبتدي نحس بالجنس الآخر.

ناس كتير مننا كان لهما قصص حب في ابتدائي والأغلب كان بيكون لهما كراش كمان مش حب متبادل بين الطرفين. حب ابتدائي دا شيء أساسي تقريبا في حياة كل ولد وبنت، البنات في ابتدائي كانوا بينقسموا لفئتين تقريبا. فئة بتحب الولد الشاطر في دراسته المتفوق اللي بيجابو على كل الأسئلة، وفئة تانية بتحب الباد بوي اللي بهرب من على السور ويفتح زراير القميص، كل فئة من الفئتين بتحاول ترضي فكرة عميقة جواها بالانجذاب دا. علشان نكون أوضح الانجذاب هو استجابة تلقائية لفكرة عميقة داخل كل بنت.

الولد بيخاف يتكلم في أغلب الأحوال، بيخاف من الرفض، بيخاف من الإهانة المعنوية، أكثر الولاد اللي اتكلموا معايا عن مشاكلهم في الارتباط حسيت إن البنات بالنسبة لهن كائن غامض أكثر من الفضاء! في أغلب الوقت الولد بيتعامل مع البنت على إنها مجهول وبالتالي من المنطقي جدًا إنه يخاف من المجهول.

الولد حتى اللي بيتشجع ويروح يكلم البنت بيكون خايف يغلط أي غلطة فيضيع منه كل حاجة. رغبة الولد في إنه يفضل محافظ على مناطق الأمان بتاعته بتفضل مكتفاه وبتخليه مش عارف يتصرف.

كل الولاد نفسهم في علاقة مع البنت بس فكرة منطقة الأمان بتفضل مقيداهم. الولد بيقول أنا إيه اللي يخليني أخطر وأجازف وأنا آمن في مكاني، وطبعاً اللي بيفكر كدة مش بيعمل أي حاجة.

الخوف من الرفض يمكن هو أكبر مخاوف الشباب من إنه يُقبل على علاقة جديدة، لو راح للبنت ورفضته فدا معناه إنه حصل على نتيجة مؤلمة، كان ممكن تفضل النتيجة دي مهمة لو مقربش من البنت ودا شيء مريح أكثر. بس الحقيقية إنه لازم تخرج من منطقة الأمان بتاعتك وتعيد ترسيم حدودها وتحط لنفسك حدود أوسع تناسب الأهداف اللي عاوز تحققها.

الفكرة اللي بتغيب عن معظم الولاد إن البنت بتكون محتاجة ولد أكثر بكتير ما بيكون الولد محتاج بنت في حياته، مع اختلاف دوافع الاثنين في الارتباط طبعاً.

مفيش بنت مش بيسيطر عليها فكرة فارس الأحلام والحصان الأبيض، والدفيء اللي بترجوه من العلاقة اللي هتقيمها مع الشخص المناسب من وجهة نظرها. زمان كنت بمشي في الجامعة مثلاً أو لما أدخل المول أو أي مكان فيه بنات كتير، كنت بقول دهب يا قوت مرجان. بس مع الأسف الحاجات دي مش للاقتناء. شخصيتي القديمة في التعامل مع البنات كانت مخلياني زي الزائر في المتحف أقصى ما أملكه هو المشاهدة من بعيد لبعيد.

كانت البنت ممكن تاخذ بزمام المبادرة في بعض الحالات وبعد أول موقف أو مكاملة بتلاقيني مش إختيار مفضل بالنسبة ليها ودا كان مؤلم أكثر.

بتهيأ كثير من الولاد بيعيشوا الحالة دي، اللي هو عاوز ومش طایل أي حاجة. الموضوع بيكون صعب أوي مع أنواع معينة من الشخصيات اللي أنا كنت منهم، مع الأسف.

ما أظن إن في حد كان ممكن يكون عنده معتقدات ممكن تقف ضده بالنسبة لفكرة الارتباط زي، لكن قدرت أنسف كل دا. أنا في وقت من الأوقات كنت أسوء حد ممكن يتعامل في الموضوع دا قبل ما أكسر منطقة الأمان وأخوض التجربة وأشوف حقيقة مختلفة عن اللي كنت فاكرها.

مفيش بنت مش عاوزة تصاحب أو ترتبط بولد تحس معاه بالمشاعر اللي محتاجاها كل بنت، بس الفكرة إنه مش أي ولد والسلام. علشان كدا في نموذج موجود وينفع تطبقه على نفسك وتمشي عليه. الأول أنا مكنتش افرق عنك كثير على فكرة وممكن أكون أسوء بمراحل، بالنسبة للحالات اللي شوفتها وحالي فعلاً أنا كنت من أسوء الناس اللي ممكن تتعامل مع البنات.

الفكرة هي إنني بدأت أتقصي أسباب الخلل مش إنني أرضى بالأمر الواقع وخلص.

سألت نفسي 1000 سؤال وأكثر، حوالين كل حاجة وكل تفصييلة ممكن تسبب خلل في العلاقة بيني وبين البنت أو الحاجات اللي ممكن تخليني بعيد أصلاً. ساعات كانت المشكلة إنني مش بلاقي مواضيع أفتحها مع البنت، بس لو إنت بالشخصية اللي تملي عينها فعلاً هي هتتقبلك في أي وضع وفي أي موضوع مهما كان تافه. كنت ببقى مبسوط وأنا بسأل البنت، إيه اللي شدك ليا؟ وهي بتقول

مش عارفة أو بتدي أسباب سطحية أو مش حقيقية علشان هي فعلاً مش عارفة.

ببقى مبسوط علشان وصلت لمرحلة إني فاهم الشخص اللي قدامي أكثر من نفسه، وهي دي مهمة الكتاب دا.

مشكلتنا في أغلب الأحوال إننا بنغفل عن الفطرة دي وبندور على علاقة في حدود أفكارنا، واحتياجنا إحنا بس بعيداً عن الطرف الثاني عاوز مننا إيه! في موضوع التطبيق مع البنات الكلام اللي كنت بقراه أو بسمعه للبلوجرز في الفيديوها كان كلام سطحي ومش مقنع أوي ليا كله في إطار البنت بتحب إيه وبتكره إيه! البنت بتتقفل من إيه؟ ويحفظك جمل معينة تعمل بيها دخلات على البنت، واللي بيتكلم عن شراء الهدايا واللي يقول خليك حنين البنات بتحب الحنان، أو خليك راجل هي عاوزاك خشن.

كلام سطحي بالنسبة للحقيقة الأعمق اللي عاوز أوصلها لك.

الكلام دا مستحيل ينفعلك، لو إنت مش فاهم الفكرة الأصيلة والمتشابهة داخل كل البنات تقريباً.

في الكتاب دة أنا هكلمك عن الدافع وعن ما وراء الدافع لحد ما نوصل لأعمق نقطة في المحيط.

داخل كل بنت أفكار بتسبق عقلها، حاجات بتتحكم في اختيارها قبل هي ما تفكر تختار أصلاً، أفكار هي ملهاش تحكم فيها أو سلطان عليها بالمعنى الحرفي للكلمة، والأفكار دي هي المسؤولة عن الانجذاب أو الفتور عند البنت.

الكلام دة لازم تتعمق فيه وإلا هيبقى باقي الكلام دا بالنسبة لك مجرد رتوش، مش هتعرف تستخدمها ومش هتكون مقنع.

قليل جدًا لما حد ألاقيه بيتكلم عن دوافع الارتباط الحقيقية عند البنت،
محدث ببسأل سؤال حقيقي، ليه البنت ممكن ترتبط بيا؟
أو ليه اللي رفضتك تقبلت حد ثاني غيرك ممكن تكون إنت أفضل منه بكثير!
إيه الفرق الجوهرى اللي بيفرق بين الشخص المقبول وواحد ثاني مرفوض
بعيد عن أي اشتراط سطحي مادي .

ملقتش حد بيتطرق لإنه يتكلم في السيستم بتاع البنت اللي بيتحكم في كل
حاجة حتى في أفكارها، محدش بيتكلم عن الأنماط الفكرية والطريقة اللي
بتصيف بيها البنت الأنماط دي واللي على أساسها هتختار الولد ولا لا.
محدث بيحاول يشير لأن في حاجة أعمق من العقل والتفكير المنطقي عند
البنت وهي اللي بيكون لها السيادة على أغلب اختياراتها.
علشان كدا قررت في الكتاب دا أشاركك تجربتي في فهم المسألة، وإزاي تتحول
من حد ضعيف ومش مرغوب ومش بيصاحب غير البنات اللي محدش عنده
رغبة إنه يبصلها، لمستوى الجراندي ماستر، وإزاي تتحكم تحكم كامل في
الموضوع وتاخذ اللي إنت عاوزه وأكثر.

الكتاب دا معمول بهدف توعية البنات، والولاد على حدٍ سواء.
البنت لازم تفهم نفسها أكثر علشان ما يتمش الاحتيال عليها فكريًا، علشان
كدا قررت أكتب لكم الكتاب دا، وأفك الشفرة واحدة واحدة، وياريت
متبخلوش على نفسكو بالوقت اللي هتقرأوا فيه مهما كان طويل علشان
الموضوع مهم.

على الأقل خالص وبعيدًا عن إذا كان عندك رغبة في التطبيق أو لا، فإنت
فيما بعد هتكون رب أسرة وهتكون مُطالب تكون عارف مراتك ونصك الثاني

محتاج لإيه! وإزاي إنت ممكن تكون موفرلها كل الأسباب المنطقية اللي تخليها تحبك ومع ذلك تبص برا، والموضوع دا بيحصل غصب عنها. مشاكل الانفصال أصبحت متكررة جدًا ومع إنها نمطية إلا إن محدش بينتبه لها كويس علشان يحلل أسباب الانفصال بدقة. في حالات انفصال كتير بتكون بسبب فقدان حلقات التواصل بين الزوج والزوجة، وذلك على المستوى العميق اللي الزوجة بتتلقى في إطاره زوجها. ساعات كتير بتحس بالرفض ناحيته وهي مش عارفة ليه؟ وهو كمان من الطبيعي إنه بيكون مش عارف، علشان لو فاهم مكش هيوصل للمرحلة دي.

بتبتدي الزوجة ترفض تكمل، أو بتختار تكمل، وبتختار إنها تغلط مع حد ثاني وتكون على اتصال بحد غير جوزها.

علشان مش لاقية معاه الحاجة اللي هي بتدور عليها مع إنه زي ما قلنا ممكن يكون لطيف جدًا ويعمل كل حاجة تخلي من مسألة قبوله أمر منطقي جدًا. لكن الموضوع عند الجنس الناعم أعمق من المنطق بكتير، علشان كذا بتخون أو بتنفصل من غير سبب وجيه أو مبرر.

إزاي تتحول من شخص مش بيعرف يظبط، وبيخاف يكلم البنت، لحد بيدخل على البنت ويفرض نفسه عليها وبيوصل معاها لكل اللي هو عاوزه. الموضوع لو فهمته صح هتلاقي إن التظبيط بالنسبالك زي الأكل والشرب، وهتلاقي نفسك بتوصل لمراحل متطورة في العلاقة عمرك ما كنت تحلم بيها. من أكبر الأخطاء اللي بيوقع فيها الولد مع البنت هي فكرته عن نفسه اللي بتؤثر بالسلب على أدائه معاها.

كثير من الأولاد يبسأل نفسه أنا إيه اللي هيخلصها تبصلي، هي جميلة وكل الناس عاوزاها وأنا شكلي مش حلو، مش طويل ومعدنيش عربية ومش غني. معدنيش تفاحة آدم ولا عروق من اللي البنات بتتكلم عنها طول النهار والليل على السوشيال ميديا.

إيه اللي يخلي البنت تبصلي طيب!

بيبتدي يحط العقبات أمام نفسه، ويتعامل مع البنت بعقلية إنه أقل منها دا طبعاً لو اتجرأ وقرب منها، الولاد دول بيكونوا غلبة أوي مع الأسف، ودي بتكون أسوء عقلية ممكن تتعامل في موضوع التطبيط.

الكتاب دا مكتوب للولاد اللي شايفة إن الموضوع مستحيل وإن البنت مش ممكن تبصلهم أو تعبرهم، ودول أصعب حالات بتعامل معاهم فعلاً. إنجذاب الطرفين لبعض شيء فطري ويسبق احتياجنا للجنس، بس بالنسبة للولاد لما بتكبر وتوصل لسن المراهقة والبلوغ، الاحتياج الجنسي بيبتدي يسيطر على فكرهم أكثر، أما البنت بتفضل على فطرتها في أغلب الأحوال. مهما كان الأمر منفر ومقزز لكن هو حقيقي مع الأسف!

أنا عارف إن الكلام دا ممكن يزعل بعض الناس لكن هي دي الحقيقة، واللي لازم نتفاهم معاهها بدل ما نتجاهلها ونرجع بعد كدا نسأل: ليه البيت بيتخرب؟ في أغلب الأوقات اللي بيحصل فيها خيانة أو انفصال أو شعور بالرفض في العموم، بيكون في حلقات مفقودة عند الرجل في فهمه لطبيعة الست اللي معاه، وهي عاوزه إيه بالظبط؟ ويحاول يراضيه بطرق معينة أو يكسبها في صفه بشكل ما، ولكن بعيد عن السيستم اللي هي شغالة بيه، أو بعيد عن الطريقة اللي ممكن يستخدمها علشان يملي عينها بيها.

كل الحكاية إن طبيعة كلاً من الراجل والست مختلفة، ولها كتالوج مختلف عن الثاني، وإن متعرفش تجيب جهاز إلكتروني أو آلة ميكانيكية وتتعامل معاها من غير وصف لطبيعتها اللي بتكون في الكتالوج المرفق معاها. على الرغم من إننا بشر وبنعي كويس جدًا، والمفروض إننا عندنا حرية اختيار، بس دا المفروض يعني، إنما الواقع بيكون غير كدا خالص، حاجات صغيرة بتأثر فينا وبتلعب بمشاعرنا وبتودينا وتجبنا، وبنكون فاهمين إننا أحرار في اختياراتنا وبنبتدي نصيغ ألف حجة منطقية علشان نبرر إحنا ليه بنعمل كدا؟

بنحاول نبرر تصرفاتنا بالبرهان العقلي في حين إنها في أغلب الوقت بتكون قائمة بشكل عفوي، ولأسباب تانية أعمق وأوثق في تأثيرها من البرهان اللي بيوصل له عقلنا.

تجربتي الشخصية

تجربتي اللي كتبت الكتاب دا حوالها واللي هي كانت مصدر إلهام بالنسبالي لسرد الأفكار اللي وردت في الكتاب، وهبتدي بإني أوضحلكم الأمور كانت ماشية إزاي علشان تقدرؤا تاخذؤا نفس زاوية الرؤية بتاعتي اللي مكنتني من سرد المحتوي دا.

بدايةً أنا من الشخصيات الخجولة جدًّا أو كنت كدا علشان نتكلم على الوجه الصحيح، وكنت أبعد ما يكون عن فكرة إني أكلم بنت من قريب أو من بعيد. دا كان بالنسبالي كارثة بسبب موانع نفسية وإعتقاد خاطيء في موانع اجتماعية مبالغ فيها في تقديري، وبالتالي كان من الصعب جدًّا عليا التواصل مع البنات أو إني أطلب معاد من بنت أو أخذ رقمها، أو إني أعاكسها حتى في الطريق زي الولاد الخوافين ما بيعملؤا.

دا طبعًا مش طبيعي ومخالف لفطرة الذكر اللي اتولد عليها، وخلينا نقول بردو إحقاقًا للحق إنه مش من الطبيعي إنك تمشي تكلم بنات على الفاضي والمليان، لكن مع الأسف كلنا حابين نعمل كدا.

الحاجة اللي اكتشفتها أول ما قربت من الجنس الآخر واللي هي بديهية أصلًا، بس أنا مكنتش واخذ باللي منها هي إن الذكر بيكون أكثر تقبلًا في مجتمع الإناث أكثر من قبوله في مجتمع الذكور بمراحل.

يعني البنت أساسا طبيعتها إن هي تتقبلك، وتتقبل منك الكلام والتواصل، وخليني أقول لك إن الحقيقة دي لما إتعرفت عليها كل مخاوف الرفض عندي اتبخرت، بس الفكرة إنك تكون مؤمن إيمان حقيقي بالقاعدة بحيث يدفعك

إيمانك للتصرف من منظورها، ومببقاش مجرد كلام إنت عارفه وخلص ومش بتعمل بيه.

خد القاعدة دي على إنها حقيقة زي قانون الطفو كدة، وخليك واثق فيا المرة دي بس، لكن إلى جانب دا لازم تكون مُتقبل تمامًا فكرة الرفض، وإن الرفض مش أمر مخيف زي ما إنت فاكِر، وإن الرفض عادي ووارد جدًّا، وإن تكرر حالات الرفض لا يُمثل طعن في فكرة إنك مقبول في مجتمع الإناث لمجرد إنك ذكر، ودا قبول شرطي لازم حاجات تانية تُأيده هنتكلم عنها في الكتاب. بعض البنات وليس نسبة كبيرة كانت كان ممكن تتشد للمظهر الخارجي، بس من بعيد لبعيد كدا من غير ما يتعرفوا على شخصيتي وكان أمر نسبي.. في بنات كتير مكنتش بلفت نظرهم نهائي.

أوقات كان بيجيلي رسائل على صراحة وعلى الأزر ((other من البنات ، وساعات كانت الرسائل بتحمل مُلطفات، أو أي سؤال عادي يسمحلي على الأقل إني أرد وأتجاوب بدون حرج.

ودا كان بيحصل مع غيري بشكل أكبر كمان ومش مؤثر لأي شيء في الحقيقة كان في قبول نسبي بيني وبين البنات لكن من بعيد لبعيد كدة بدون أي تواصل أو إختلاط بإستثناء التواصل بالعيون، ساعات المظهر الخارجي بيكون جذاب ويبخلق شغف للتواصل عند البنت لكن الكارثة إن البنات ولا ييفرق معاهم أو إذا كنت وسيم ولا لأ، ولا مظهرك الخارجي إيه، هي كل اللي ييفرق معاهم حقيقي هو طباعك وخصالك.

أومال المفارقة دي بتيجي منين!

يعني ليه البنت بتتجذب للمظهر الخارجي أو الوسامة؟ طالما هي كل اللي يفرق معاهم اللي جواك مش المظهر اللي برا، لقيت إن كل البنات اللي كانت منجذبة

لمظهري الخارجي كانت بتأول في دماغها إن طالما برا مساوي وحلو يبقى أكيد
جوة زي برة.

فكرة في منتهي السداجة طبعًا، علشان شكلي دا مش اختياري وجايلي بمحض
الصدفة وبتقديرات الخالق اللي هي خارجة عن إرادتي.. وبالتالي مش عقلاني
إنه يتم تأويل الطباع على المظهر الخارجي. بس علشان المظهر مش كفاية
لجذب البنت وهي دي الحقيقة البحتة.. أخذت أقلام كتير جدًا، ودا بسبب
جهلي بالقاعدة العريضة دي.

البنت بيكون عندها شغف في أول مقابلة، وبعد أول مقابلة البنت بتبقي مش
عاوذة تعرفني تاني، اكتشفت إنني على غير التأويل اللي هي أولته ليا!
وأنا مش الشخص المناسب اللي هي رسمته في خيالها على أساس المظهر
الخارجي علشان كذا بتقلب مني بسرعة.

فضلت على كدة فترة من غير ما أسأل نفسي إيه سبب النفور اللي بيكون عند
البنت بعد ما بتتعرف عليا؟ وليه الانجذاب بينطفي كدة بسرعة؟ وبشوف
برودها تجاهي بعد ما بتتعرف عليا، وبتخيل شغفها وهي بتنقي الكلام اللي
هتبعتهولي في الرسائل قبل ما تتعرف على شخصيتي وإزاي الشغف دة بيتلاشى
أول ما بتقرب مني شوية، وأصاب بالذهول والإحباط. لإنني شايف إنني استحق
أكثر من كدة ومش عارف أطول أي حاجة. واستوقفتني أسئلة كتير، ومخبئش
عنكوا أي حاجة من إجاباتها في الكتاب اللي بين إيديكوا.

كان أكثر موقف محبط بالنسبالي لما كنت على معاد مع واحدة أول مرة
تقابلني، وواقفين نتكلم ولسا بتتعرف عليا وبتتعرف عليها، ومتكلمتش كتير،
بعد جمل معدودة، وقبل ما نوصل للمكان اللي المفروض إنني عازمها فيه قابلنا
حد تاني كانت تعرفه أو كانت على علاقة بيه. لكن لقيتها في نص الكلام سابتي

ومشيت وبسألها كلمتني بظهرها إنها افكرت معاد مهم وكملت معاه.. على الرغم من إنها هي اللي طلبت التواصل معايا، لكن تصرفاتها قالتلي في الموقف دا إنت ضعيف وأنا مكنتش متصورة دا.

وحاولت أتواصل معاها بعد كدة مردتش عليا، كان موقف مؤلم جداً وكان نقطة تحول بالنسبالي في الأمر دا.

وإكتشفت إن الانجذاب المبدئي ولا له أي لازمة، لو إنت معندكش المقومات اللي هتقنعها فعلاً.

البت لما سابتي ومشيت في موقف يهز مشاعري.. مكنتش أعرف إنها مرفضتنيش باختيارها وإن اللي قبلوني بعد كدة لما فهمت مقبولنيش باختيارهم بردو.

الموضوع سيكولوجي بحت وبيتعالج على مستوى أعمق من التصرفات الظاهرية اللي بتطفو على سطح تعاملتنا وبنحاول نفسر في إطارها الأمور. قبول البنات بيا بالموافقة على مظهري الخارجي ثم رفضهم ليا لما بيقربوا مني، ويكتشفوا شخصيتي كان أمر روتيني بيحصل معايا باستمرار، والبت المنجذبة ليا خارجياً ممكن تتواصل وتكمل مع حد أقل مني في المظهر بس أقوى مني من ناحية الطباع والشخصية.

حاجة تجنن طبعا لما بنت تكون منجذبة ليك وهي اللي عاوزه تتواصل معاك وبعد كدة شغفها دة يتبخر، وبعد أول مكاملة تطنشني ومتردش عليا، هو أنا معمولي عمل؟ ولا فيه إيه بالظبط بيطفشهم مني بالوضع دا؟ هو دا اللغز اللي كان حواليه أسئلة كتير بالنسبالي، لطالما في نمط معين بيتكرر معايا؛ إذا في قواعد بيحتكم لهما الأمر وبتسري على معظم بنات الجنس الآخر.

بعيد عن إن التحسن جه معايا بشكل ملحوظ وسريع نسبياً، لكن اللي اكتشفته إن كل الذكور جذابين بصفة عامة، وإنهم مقبولين في مجتمع الإناث لحد ما يفسدوا الأمور هما على نفسهم، بتصنعهم وعاداتهم وتصرفاتهم اللي ملهاش أساس قوي، أو لا تحتكم لأي مبادئ.

لما فهمي للأمور اختلف بقيت أتعمد إنني أتواصل مع البنات اللي مش منجذبة لمظهري الخارجي، علشان أعرف إذا كانت فعلاً التعديلات اللي عملتها في معتقداتي وأسلوبني مناسبة ولا الأمر محتاج إعادة صياغة من تاني.

وعليه اتغير فهمي وإدراكي للموضوع 180 درجة، حسيت إنني كنت بعامل الأمور بسذاجة حتي إنني لما كنت بسأل واحد صاحبي خبرة على حاجة معينة تخص التعامل مع البنات كان بيحسني إنه من السفه إنني اسأل أصلاً.

الشخص المتمرس بيشف الأمور دي بديهية زي إنت ما بتشوف النجوم في السماء كدا، بصفتي حد ممارس شطرنج بشوف بعض النقلات بديهية في حين اللي ميعرفش حاجة عن اللعبة بتكون الأمور مجهولة بالنسبة له.

التظبط كدة بالظبط، اللي له تجارب ناجحة بيقر في ذهنه بديهيات حوالين حكاية التظبط الناس اللي بعيدة عن الأمر ما بتقدرش تشوفها.

علشان كدة هخدك في جولة هيتم فيها إجلاء الغموض عن كل شيء، وتفسير كل ما لا يبدو منطقي أو غير معلوم بالنسبة ليك، إستعد يا صديقي واربط الحزام.

مركز القرار عند البنت

الجزء دة أكاديمي شوية لكن مينفعش أتجاوز عنه علشان الصورة مش هتكتمل عندك غير لما تفهم الجزء دة كويس علشان مبني عليه أفكار كثير بعد كدة ياريت متزهقش ومتملش علشان كل كلمة كتبها لك هي قالب في بناء وعيك الجديد اللي هتواجه الأمور بيه بعد كدة.

لما الموضوع إتعرض عليا كثير سواء تجارب شخصية أو مشاكل بتتعرض عليا من ناس أعرفهم لقيت إن في أنماط متشابهة بتتكرر تقريبا في 90% من العلاقات، الأنماط دي يستحيل يكون لها علاقة بوعي البنت الحر أو الأفكار اللي بينتجها الوعي الحر عند الإنسان .

كلها استجابات تلقائية زي بالظبط لما إيدك تلمس جسم ساخن أو لما تلمس سلك فيه تيار كهربائي.

الإناث اللي رصدت تجاربهم من بيئات مختلفة ومستويات تعليم مختلفة وطريقة تفكير حتى مختلفة.. مختلفين في التفكير من حيث تقديم حلول لمشاكل الحروب ومجاعات إفريقيا، والإستيطان الإسرائيلي، قدرتهم متباينة على حل المعضلات الرياضية أو تكوين بناء منطقي لحل مشكلة ما.

لكن كلهم شبه بعض لما بيوصلوا لحالة شعورية معينة، كلهم بيقولوا إنت كنت أونلاين ليه ومكلمتنيش، كلهم بيقولوا لو مهتم كنت عرفت لوحدك، أو إنت مبتحبنيش زي الأول.

الأنماط دي مش وليدة الصدفة لكن في قاعدة عريضة مشتركة بين كل الإناث بتخلهم متشابهين عند مرحلة ما.

الحقيقة كمان الإناث متشابهين تجاه مؤثرات معينة بتصدر من الراجل، أي ولد وسيم ولبسه شيك ماشي في الشارع بيقدر يحدد دة كويس. البنات كلها بتبصله على مختلف درجات الوعي والثقافة عند كل بنت، لكن استجابتهم كلها واحدة تجاه مثير معين قادر يتفاعل مع الدوافع اللي بتسبق أفكارهم.

وايه علاقة أفكارنا مثلا بإننا محتاجين ناكل أو نشرب. مهما كان مستوى وعينا وثقافتنا عالي هنفضل محتاجين الأكل والشرب. أنا مش ممانع من إن الوعي الحر المفروض يرقى بالإنسان في طريقة طلبه لإشباع احتياجاته الغريزية لكن صعب جدا الوعي يكبحها نهائيا، ناهيك عن إن نادرا لو صادفني حد بيوكل تصرفاته للوعي، وحتى لو بيعمل كدة فهو اجتهاد منه ولازم بيقلت منه حاجات، علشان ببساطة إحنا مش كومبيوترات.. إحنا بشر وبنغلط..

مش بقول إن دة وضع صحيح أو نموذجي لكن هو حقيقي وواقعي بالتأكيد. أكثر الرجال ذكاء بينجذب للست الجميلة وأكثر البنات ذكاء بتنجذب للشخصية القوية في الراجل. والاتنين مش بينجذبوا بمزاجهم وذكائهم أو مدى سيطرة الوعي عليهم نادراً لو وقف حائل بينهم وبين الانجذاب دة.

- الوعي الحر

البنيت ما هي إلا إنسان، وعلشان الأمور توضح معناها هنسأل سؤال إلى أي مدى الإنسان حر في اختياراته وتصرفاته؟
يعني البنيت بتتصرف على أي أساس في العموم؟ أو إيه الحاجات اللي بتتقف ورا تصرفاتها؟

أضعف شيء بيحرك التصرف الإنسان عند الراجل والست على حدٍ سواء هو الوعي على الرغم من إن الوعي الحر عند البنيت هو أصح شيء ممكن تتصرف في إطاره وهو دا النموذج المثالي للتصرف الإنساني أصلاً.. إلا إن البنيت مش بتقدر تعتمد عليه كتير في قراراتها.

ودا شيء يُعيب أي إنسان طبعا في العموم مش يضيف له، علشان المفروض أساسا إن هي دي الوظيفة الأساسية للوعي الحر اللي ربنا ميز بيه الإنسان على باقي المخلوقات.

حتى إن أغلب التنزيل من الله سبحانه وتعالى تنزيل بيخاطب العقل والمنهج الديني ككل قائم على العقل ويبشرح للوعي الحر عند الإنسان، ولا يمكن أن يحاسب أي شخص فاقد أهلية عقله أو عنده خللٍ ما خارج عن إرادته بيخليه مش عارف يسيطر على وعيه.

وفي العموم علشان نقدر نختار كل تصرفاتنا بوعي أو حتى معظمها فدا بيحتاج تحكم كبير، وضبط للنفس، والأمر دا بيحتاج تدريب بجدية من البنيت، علشان تعرف توصل للمرحلة دي من التحكم في تصرفاتها وإختياراتها. إنعدام قدرة البنيت على اختيار تصرفاتها بوعي حر بيخلي في ثغرات كتير، واللي حوالها بيتسلقوا عليها وبيأخذوا من البنيت حاجات على غير إرادتها، وفي أولاد بتحترف الكلام دا حرفياً.

الوعي هو النموذج اللي المفروض أي إنسان يهدف إليه؛ علشان يكون مركز القرار عنده، وممكن يتكتب مؤلفات حول فكرة تحرير وعي الإنسان علشان الموضوع مش بسيط خاصةً لو الإنسان بنت.. علشان الحاجات اللي بتنازع الوعي الحر عند البنت على القرار والسيطرة على التصرفات أكثر تعقيداً بكثير منها عند الرجل.

علشان يتأصل الموضوع صح في ذهن القارئ لازم يكون مدرك للنسبة الضئيلة جداً اللي بيشارك بها الوعي في قرارات البنت ويكون عارف قد إيه في فرصة موجودة علشان يقدر يوصل لمنطقة تكوين القرار عندها ويخليها تختاره من غير إرادة. هنلاقي إن طبيعة البنت بتسيب مساحة كبيرة جداً للشخص اللي قدامها لو قدر يتوافق مع الحاجات المسؤولة عن تكوين القرار. الوعي يعتبر آخر حاجة ممكن تساهم في تكوين قرار البنت، في حاجات تانية أقوى هنسردها والتي بيكون من السهل فهمها والتوافق معاها.

- العادات والأطر الفكرية للتربية والمجتمع

نيجي بعد كذا لمستوى تاني وهو أكثر قوةً وارتباطاً بالإنسان من الوعي. الحاجة اللي بتسبق الوعي في التحكم في اختيارات البنت وتصرفاتها هي العادات، وأسس التربية وتأثير المجتمع على أفكارها. أنا جمعهم مع بعض لأنه في وجهة نظري لهم نفس درجة التأثير على صناعة القرار عند البنت.

العادات اللي البنت بتتربى عليها والأفكار اللي بتتمررلها عن طريق التربية والمجتمع بتساهم بشكل كبير في صناعة القرار عندها، لو بصينا مثلاً بالنسبة

لموضوع اختيار الولد المناسب، وفكرة الارتباط في العموم بتختلف عند البنات من مجتمع لمجتمع ثاني على أساس أسس المجتمع دا.

يعني مثلاً في نفس الدولة مصر بتلاقي بنات الحضر غير بنات الريف من حيث الطباع، والعادات والأسس اللي بيختاروا على أساسها الولد اللي هيرتبطوا بيه، بنات الريف بتكون أفكارها تجاه الجنس الآخر أكثر تقييد من بنات الحضر ودا بيرجع لثقافة الانفتاح اللي بيتروجلها أكثر في مجتمع الحضر.

كمان أنماط لبس وثقافة الذكور في الريف بتكون أقل مواكبة للموضة اللي بتقنع بنات الحضر لكن بتكون مقنعة بالنسبة لبنات الريف ومقبولة. قبول ولد من الريف بأسلوب لبس معين أو لهجة كلام معينة من بنات الحضر بيمثل تنازل في وجهة نظر بنات الحضر وعليه فالمجتمع بيحدد عند البنات كثير من أسس اختيارها للولد.

في بنات مهما كنت وسيم لكن لبسك لا يرقى لمحاكاة المجتمع اللي هي منه مش بتبصلك لأنها بتشوف ورا اللبس دة قناعات وأفكار بتحس إنه من التخلف إنها تتعامل معاها، كل دة من غير ما تتكلم معاها نص كلمة.

الموضوع عامل زي استخفافك إنت لو كنت من أبناء الريف أو الحضر بشخص جاي من البدو أو من الصعيد!

كلها نظرات سطحية ومش حقيقية ولا يعتد بها في تقييم أي إنسان لكن هي مستخدمة مع كل أسف.

تنوع المجتمعات في أوقات كثير في الحقيقة بيدعم النظرة العنصرية!

الفلاح بيسخر من الصعيدى وابن الحضر بيسخر من الفلاح والإسكندراني بيسخر من أي حد في مدينة غير الإسكندرية كلهم فلاحين بالنسباليه وسكان القاهرة بيسخروا من أهل إسكندرية وبيعاملوهم على إنهم درجة تانية وكلنا

دول عالم تالت بالنسبة للغربيين و الغربيين بيصنفوا نفسهم تصنيف عرقي وشايفين إن مش كلهم زي بعض وهكذا الأمر إلي ما لا نهاية.

مش كل الناس كدة لكن النظرة العنصرية موجودة وبيتبناها الشخص بدافع إنه عاوز يحس بالتميز على حساب أي شيء حتي لو هو مالوش تدخل في صناعة الشيء دة أو إيجاده .

طيب هل كل واحد مطالب إنه ينسلخ من مجتمعه علشان يواكب مجتمع أرقى ويناسب فكر البنات اللي فيه؟

بصراحة الاتزان في الموضوع دة بيكون مناسب, تمسك بالقيم اللي متخالفش الحضارة وخلي أسلوبك راقى وإنه تكون مقبول في أي مجتمع والرفض اللي ممكن ينالك بسبب تباين المجتمعات هتقدر تغيره لقبول بسبب حاجات هنسردها بعد كدة تخص شخصك إنت.

أسس التربية والعادات كمان بتفرق كثير بالنسبة لاختيارات البنت, دايماً أسلوب التربية والعادات اللي بتتأصل في البنت بتتحكم بشكل كبير في صناعة القرار عندها. وغالبًا الموضوع دة بيكون ليه فاعلية كبيرة في التأثير على أفكار الشخص واختياراته بشكل عام.

هو يعتبر جزء من ضمن الأجزاء اللي بتبعد البنت عن حرية الاختيار وبتختار بدلًا منها وفي الحقيقة لو مكانتش موجهة بتكون سامة جدًا وغالبًا بتيجي بالسلب على حياتها.

الأمثلة مش بتخلص حوالين الأشخاص اللي عندهم عادات سيئة زي الأكل بشره أو الإنفاق بكثرة, أو التدخين وبتتحكم فيهم العادات دي, وبتخليهم يتصرفوا على غير إرادتهم.

علشان كدا دايماً بنقول إننا لازم نعيد صياغة العادات وأسس التربية على الوعي، وإنها لازم تُقاس على الوعي، ولإزم تخضع له قبل إطلاق العنان لها، والسماح لها بالتحكم في حياتنا.

علشان تعرف العادات إزاي ممكن تتحكم في حياتك وتخضعك لها وتسلبك حرية الإرادة والاختيار ممكن تراجع كتاب اسمه (قوة العادات للكاتب تشارلز دويج) كتاب عبقرى جداً وبيبين حاجات صعب إنك تتصورها عن العادات اللي ممكن متلاحظهاش أساساً في حياتك، وهي مسيطرة عليك بشكل شبه كامل. بعد ما إنتهيت من قراءة الكتاب اكتشفت إن كل شيء أنا بعمله في حياتي عبارة عن عادة تقريباً، ليه أنا بمشي بالطريقة دي؟ ولية بشتري لبس معين؟ بحيث أقدر أحط أيدي في جيبي بشكل معين يناسب عاداتي. طيب ليه أنا برد بنفس الطريقة في كل المواقف المشابهة اللي بتتعرض عليا؟ وبيكون مطلوب مني رد. ضحكتي بضحكها من غير ما أفكر، متعود على السب لما الآخر بيثير غضبي من منطقة معينة، حتى أكلي بالإيد الشمال، مع إني مش بعتمد عليها في الكتابة ودا طبعاً مخالف، وأول ما أفكر بغيرها.

في بعض التصرفات اللي بتخضع لعاداتي بدون أي تفكير طبعاً. احترامك لعادات البنت بيخلق تناغم كبير بينك وبينها، زي بالظبط احترامك لمشاعرها ومحاولة التوافق معاها. العادات وأسس المجتمع والتربية بتأثر علينا بشكل كبير فعلاً، ولإزم الإنسان يكون منتبه لها علشان ميقعش في الفخ دا.

في عادات البنت بتكونها تجاه الولاد بصفة عامة.. في بنات بتصد أي فكرة للارتباط لو الكلام جالها بشكل مباشر.. علشان هي ببساطة متعودة على كدا.

في بنات تانية بتكون أكثر إنفتاحًا على مجتمع الولاد ويكون في قبول من مجتمعها بالوضع دا.
علشان كدة لازم تكون عارف الإطار المجتمعي، ودايرة العادات اللي البنات بتأخذها كمرجعية لها في التصرف مع طلبك علشان تقدر تحدد إنت هتطلب منها بأي أسلوب.

-المشاعر-

نيجي بقى للمستوى الثالث والأعلى في القوة والسيطرة على تفكير البنات، وكمان هو الأشمل من حيث تدخله في اختيارات كل شخص، الحاجة دي هي المشاعر، وتحكم المشاعر وسيطرتها على اختيارات البنات.
المشاعر عندها من القوة ما يكفي لإعادة صياغة أي عادة عند الإنسان أو أي فكرة اترسخت عن طريق التربية أو إطارات المجتمع.
مشاعر الخوف مثلاً قادرة على نزع أي عادة من الشخص، ما دام ممارسة العادة دي بيسبب مشاعر الخوف.
الإنسان معندوش استعداد إنه يمارس شيء يتعارض مع مناطق الأمان عنده، والمشاعر بصفة عامة لها قدرة على إعادة صياغة الأفكار بما يتناسب معاها.
هي.
ودايماً المشاعر بتلعب دور محوري في حياة كل شخص على أساس درجة تحكمها فيه.

كل ما كانت سيطرته أكبر على مشاعره كل ما قدر يحسن جودة حياته، وكل ما كانت مشاعره هي اللي بتتحكم في اختياراته كل ما كانت اختياراته ضعيفة وسلبية وتنعكس على حياته بالسلب.

بس في الغالب المشاعر هي اللي بتتحكم في الإنسان وتوجهه، دا الإعداد الافتراضي اللي أغلبنا بيمشي عليه، وغالبًا مش بنكتشفه وبسيطر بشكل شبه كامل على حياتنا.

النمط السائد إن الناس بتتصرف بمشاعرها وتعمل اللي يرضي الشعور اللي عندهم وفي الآخر بيتم تأويل المشاعر دي بعقلها علشان تبرر لنفسها غلطها، وهو دة بالضبط اللي بيحصل مع البنت في أغلب الوقت، ويكون ليها شعور معين مش واعي وهي بتتبعه في أغلب الأحوال.

اتباع البنات لمشاعرها في أغلب الأحوال بيخلي تصرفاتهم نمطية ومتوقعة وبيوجد طريقة للتسلق عليهم وعلى إرادتهم الحرة، وسليها منهم وتحويلهم لمجرد تابعين بينفذوا الأوامر وبس.

أحد أصدقائي وهو ليه خبرة وباع في الموضوع دة كان بيقلو البنت عمرها ما بتفكر بعقلها لو كانت مبسوفة معاك.

علشان كدا لازم تحترم وجود المشاعر في حياة البنت، لو عاوز تحصل على علاقة مستقرة تحس في إطارها بالاستقرار العاطفي.

مشاعر البنت من أول مقابلة بينك وبينها، وإزاي لو حست بالخوف دا بيكون سبب كافي جدا للتهرب منك دا غير مشاعر الملل اللي إنت مطالب تحطها في الاعتبار وتمنع إنها تتخلل العلاقة، وكذلك مشاعر السعادة المصحوبة بإرضاء إنجذابها لما تحس إن إنت فعلا الشخص المناسب وخلي بالك من إرضاء إنجذابها دي علشان إنت مطالب ترضي إنجذابها مش ترضيها هي وفي فرق كبير

جدا بين المعنيين، وأخيرا مشاعر الألم والحزن اللي بتنتابها لو إنت بعدت عنها..
كلها حلقات يا صديقي متصلة ببعضها ووضعتها في اعتبارك هو اللي بيمرر
وصولك.

وهو دا نفس الأسلوب على فكرة اللي بعض البنات بتتقنه مع الرجالة، وهو
إتهم بيستخدموا رغبة الرجالة في الجنس ومشاعر النشوة اللي عندهم علشان
يسيطروا عليهم ويخلوهم تابعين لهم.
الفكرة تكمن في مين بيتحكم في رغباته أكثر، وبيقدر يسيطر على الطرف
التاني وهنا الماستر بتاع الحوار كله.

المشاعر دايمًا بيكون لهما الغلبة على اختيارات البنت، يعني إنت مثلاً ممكن
تكون فيك كل الصفات اللي تخلي أي بنت تتمناك، بس بتعمل حاجة معينة
تخلي البنت تخاف منك فيبوظ منك كل حاجة.
من المستحيل إن يحصل توافق مع مشاعر الخوف اللي عند البنت، علشان
كدا لازم الولد يكون فاهم مشاعر البنت صح وبيقدر يوجهها لصالحه.

-الجينات-

المستوى الرابع من السيطرة على اختيارات الإنسان وإرادته ودا ليفل الوحش
هو الجينات، وعلشان تقدر تتخيل معايا مدى سطوة الجينات وقدرتها على
توجيه تصرفات الإنسان، تخيل معايا كدا إنك مرابي شبل صغير عندك في
البيت وبتعامله بمنتهى الحب واللطف، والمشاعر دي كانت متبادلة بينكم
يعني على قد ما بتظهر من حب ولطف تجاه الشبل دا هو كمان بيظهر
تجاهك، ويوم ورا يوم بيكبر عندك في البيت لغاية ما كبر وبقى أسد، كل دا

والأمور مستقرة بينك وبينه في إطار المشاعر اللي تولدت في جو من الألفة خلال الفترة اللي كنتم فيها مع بعض.

لكن بمجرد الأسد ما يجوع إنت أول حد هيفكر فيه علشان إنت ببساطة أقرب حد في محيط المكان ممكن الأسد يستخدمه علشان يرضي غريزته. مهما كانت المشاعر قوية بينك وبينه في حاجة أقوى بتخليه مايشوفش كل دا. على الجانب الآخر لو إنت مربي كلب، وفيه بينك وبينه مشاعر ألفة ومودة، وكلنا طبعًا عارفين سلوك الكلاب ووفائهم تجاه أصحابهم.

لكن تخيل بعد كدا لما الكلب دا يكبر عندك وإنت حاولت تضربه أو تُعنفه أو تقسو عليه وتمعنت في أذيته، بردو مستحيل سلوكه يتغير تجاهك. الفكرة في الأسد والكلب واحدة وهي إن في جين بيوجه سلوكهم، وبيقدر يطغى على أي مشاعر ممكن تتولد بينك وبينهم علشان تكون تصرفاتهم بعد كدا متوقعة بشكل شبه مؤكد.

غريزة الافتراس شيء في جينات الأسد ومش بيختاره، والوفاء شيء في جينات الكلب، ولا يملك إن هو يختاره بردو، وبيتهيألي لو في حاجة شبه دي في البنت أو الأنثى بصفة عامة وقدرنا على استحثائها الموضوع هيكون أسهل بكثير. الاختيارات اللي بيختارها الإنسان على أساس جيناته بتكون قادرة على توجيه كل الدوافع التانية اللي ممكن تتحكم في اختياراته. الجينات دي هي أقوى شيء ممكن يعمل كنترول على تصرفات البنت وتوجهاتها، وتبدأ تشغل بقية الدوافع عندها لخدمتها.

لكن لو في شيء معين بيرضي توجهات الجينات بتاعتنا بتلاقي مشاعرك بنتوجه له من غير إرادة وبتلاقي عندنا شعور بالارتياح للشيء دا، وشعور بالسعادة لما يكون موجود في حياتنا أو نمارسه من ضمن الروتين اليومي بتاعنا.

وهتبتدي كمان تلاقي الوعي والعادات بيتم صياغتهم على أساس توجه الجينات بتاعتنا، فبقى الجينات هي القاعدة الأساسية اللي بتتحكم في كل شيء تقريبًا في حياتنا.

في الفصل الجاي هوضحك تفصيلًا إزاي الجينات بتتحكم في سلوك الأنثى وإزاي تقدر تتوافق مع مبادئ الجينات دي.

خلينا متفقين إن رأس الهرم هو الوعي وهو الأذكي، والأصلح أيضًا لو تمكن من السيطرة على تصرفنا.

لكن مع الأسف هو بردو الأقل أهلية للسيطرة، وفي حاجات تانية بتؤثر في الإنسان أكثر من الوعي وبتسيطر على حياته. وكل ما نزلنا من رأس الهرم في اتجاه القاعدة زادت السيطرة، وقل الذكاء في التصرفات، يعني العادات وأسس التربية وإطارات المجتمع بتكون أقوى لكن أقل ذكاءً.

تيجي بعد كذا المشاعر أقوى من الاتنين وأقل ذكاء بردو من الاتنين في نفس الوقت، لحد ما نوصل للقاعدة اللي هي الجينات ودي الأكثر سيطرة واتصالا بالإنسان، وهي مش الأغبي أو الأقل ذكاء لكنها منعدمة التفكير من الأساس. لحسن حظ الرجالة إن الستات عندهم جينات لو عرفوا يأهلوا أنفسهم لها صح بيقدروا ياخدوا من الست كل حاجة ودة اللي هنتكلم عنه بشكل مفصل في الفصل الجاي.

واللي حابب يعرف قد إيه الجينات لها تحكم في اختيارات البنت في كتاب اسمه: (حروب منوية للكاتب روبن بيكر) بيوضح فيه وجهة نظره حوالين تحكم بعض الجينات في البنت لتحديد اختيار الذكر اللي هترتبط بيه.

-أنا جاي اجذب

سلام عليكم أنا جاي اجذبك، عمرك شوفت في حياتك الكهريا بتكلمك عن تأثيرها، قطر بيقلك متجيش على سكتي، تعبان بيقولك على فكرة أنا سام، وردة بتقول أنا ريحتي جميلة !

الولد الجذاب بيكون جذاب عن طريق المبادئ اللي بيغرسها جوة نفسه. بييجذب الناس ليه من تعاملاته العادية.

سلك الكهريا لو مرمي على الأرض أو متعلق في السقف، لو عريان أو متغطي لو تحت الأرض أو في الماية أو جوة جدار، في كل الحالات ليه تأثيره.

إنت جذاب من غير أي مجهود أو مش جذاب مهما حاولت!

الأمر كدة بمنتهي الدقة، ولو شايف إنك لازم تبذل مجهود علشان تكون جذاب يبقى المجهود دة هتبذله علشان تغرس المبادئ اللي هتخليك جذاب جواك وتحاول تدمجها مع طبيعتك.

علشان توصل لنتيجة إنك بتجذب من غير أي تكلف.

الحقيقة إن في ناس عاملة زي المغناطيس للستات، من غير ما يكون شكلهم وسيم أو معاهم فلوس كثير.

في صديقة ليا كانت بتكلمني عن الولد اللي هي متعلقة بيه وإزاي دة حصل. بتحكي لي إنهم اتكلموا مع بعض شهرين وخرجوا مع بعض مرة أو اتنين.

في إطار الكلام اللي بتحكهولي قدرت استشف موقفه منها إيه، وإيه الحالة اللي هي فيها تحديدا وإزاي إنه شخص مش وسيم قدر يجذبها، وعلى الرغم من إنه عنده قدرة مادية إلا إن هي من طبقة بردو بتخليها مش بتهم أوي بالفروق المادية.

الولد ما حاولش يتكلم معاها ولا قرب منها ولا حاول يتواصل بأي شكل من الأشكال.

لكن هي كانت شايفة سجيته وتصرفاته الطبيعية مع إخواته ومع الناس اللي تحت منه.

البنات بتكون عاملة زي الردار بكل ما تحمل الكلمة من معنى، قدرت تدي تصور عن شخصيته من خلال تعاملاته البسيطة مع الناس اللي حواليه أثناء ما بيكلمها في التليفون.

الولد اللي صديقتي وقعت في حبه وهي بتحكيلى عنه قالتلي إنه بتاع بنات بس مش بيخدع حد، البنات اللي بيتسلى معاها بيعرفها إنه بيتسلى وإنه مش هيكمل.

هو عنده من الجاذبية اللي يسمحله إنه يصارح أي حد وتكون المحصلة في صالحه في النهاية.

الشاهد إنه مش بيعمل مجهود علشان يجذب حد، الطاقة اللي بتخرج من تصرفاته الطبيعية بتكون جذابة ودة مربوط الفرس.

حتى لو اجتهدت مع بنت علشان تتواصل معاها مش هتقدر تعلقها بيبك لفترة طويلة وأول ما تلاقي حد جذاب بطبيعته هتركك إنت على الرف.

على قد الموضوع ما يبان صعب على قد ما هو ساهل جدا بالنسبة للناس اللي طبيعتها كدة، أو الناس اللي قدرت تتطبع الأمور دي جواهم.

أول تصرفاتك ما تنتظم هتلاقي نفسك عامل زي المغناطيس اللي بي جذب من غير حساب، بس مينفعش تمسك على نفسك يوم وتقول فين بقى أنا مش لاقى نتيجة.. وأول متلاقيش نتيجة تبتدي تشك في نفسك وفي جدوى المبادئ اللي المفروض تمشي عليها بقيت حياتك.

أحد أصدقائي وهو رجل أعمال كان بيحكلي عن تجاربه مع البنات، بيقول إن أكثر حاجة بتجذب البنات من وجهة نظره هي العربية. البنت طول ما هي شايفاك راكب عربية بتكون عاوزه تتكلم معاك أول ما تبتدي تمشي على رجلك بيكون زيك أي حد.

ودا حقيقي طبعاً ولموس في الواقع اللي إحنا بنعيشه.

البنت بتنجذب للمادة لكن لما يكون في مفاضلة بين المادة وبين الإنسان الحقيقي المهيأ للجدب تفتكروا إيه يغلب.

العربية ولا الإنسان !

في ستات كتير بتكون متجوزة وتحت رجليها أسطول سيارات لإن جوزها مقتدر وعارف يوفر لها دة وتلاقيها بتنجذب لواحد شغال عنده.

وبعيد عن إن زوجة اللي شغال وارد تنجذب جداً لصاحب الشغل لكن لما بتقرب منه وبتكتشفه بتلاقي إن اللي كان في إيديها أقوى وألمع.

أحد صديقاتي كانت متجوزة شاب وسيم جداً لدرجة إنني كنت بقولها ساعات بهزار إزاي دة ياخذك دا أحلى منك بكتير، هو مش بس وسيم، كان غني جداً ورياضي ومن عيلة كبيرة ومرموقة حاجة متوصفش بمعايير أي بنت.

كانت مش شايفة كل دة وبتقولي إن تفكيره سطحي، انفصلت عنه وارتبطت بحد عادي جداً وأقل من الإمكانيات الظاهرية لجوزها بكتير لكن كان مثير بالنسبة ليها على مستوى أعمق من انجذابها لمظهر جوزها الأولاني.

الولد الثاني اللي هي ارتبطت بيه كان جذاب أصلا بطبيعته، تصرفاته العادية كانت جذابة وبتشدها وبترضي حاجة جواها هي ممكن تكون حتى مش عارفة توصفها، كنت بستعجب وبسألها عملي ليه كدة كان الرد أصله راجل أوي، كان بيقيد حدودها في اللبس وفي الخروج وبيعترض عليها بقوة وبيسفه منها في أحيان، وفي أحيان بيسفه من أسرتها وأقاربها لكن كل دي حاجات كانت بتشدها أكثر، هو ببساطة مش طالب رضاها هو بيطبق المبدأ اللي عنده وبس سواء كان على مزاجها أو لا ممكنش بيهتم، كان بيعرضها لنوع من الممانعة هي ماشافتهاش قبل كدة وكان تلقائي جدا وهو بيعمل كدا ودا اللي بيخليه جذاب بطبيعته.

المبادئ والأفكار المطروحة في الكتاب مش بس علشان تكون جذاب للبنات لكن علشان تحسن جودة كل حاجة في حياتك.

لازم تعمل الصح علشان هو دة الصح مش علشان إنت ليك غرض معين. الفكرة دي هتخليك ناجح وأكثر مصداقية في كل اختبارات الحياة مش مواضيع البنات بس.

اشتغلت تحت مديرين كتير وأصحاب بزنيس ومكنتش ببذل مجهود علشان أبين ليهم إني بحب الشغل علشان بصفة عامة أنا مش بحب الشغل ومش بكرهه، اللي بيتحكم فيا مبادئ تانية خالص ملهاش علاقة بالحب والكره.

البنات اللي أنا بكلمها ممكن تكون عارفة إني مش بحبها، لكن هي عارفة إن المبادئ اللي جوايا صادقة وإنها على الأقل تقدر تستفيد من دة.

عارفة إني مش بوعد وعد وأخلفه وإني مش بكذب علشان أنا مش محتاج كدة علشان أعزز موقفي قدامها وإن المبادئ خط أحمر ومش بدفع بيها علشان أحصل علي مكافئة جنسية، دلوقتي طبعاً تفكرني عاوز أعمل سوبر مان وشهم

بس الحقيقة مش كدة.. على أد ما كان الالتزام بالمبادئ دي صعب بالنسبالي إلا
إني مش متخيل حاليا إزاي حد ممكن يوعد وعد ويخلفه أو يكذب من غير
سبب قوي جدا يمنحه العذر ويحله من قيد الأخلاق والمروءة اللي المفروض
يكون شايفها قبل أي شيء .
الحاجات دي لو عندك بتوصلها وبتسيطر عليها من غير هي ما تحس وهي دي
زتونة الموضوع.

البنات بتشوفك ازاي؟

في بعض النظريات المطروحة والتي بتأيد تحكم الجينات في الإنسان على مستوى أعمق بكثير من المشاعر وصدى الأفكار الباطنية اللي بتتركها التربية وعادات المجتمع من قبل حتى إدراكنا ما يتكون.

بعض النظريات بتذهب إلى إن تصرفات الإنسان ما هي إلا تصرفات الجين اللي جواه وإن إرادة الإنسان مختذلة في إرادة الجين اللي بيوجه الإنسان.

الموضوع خطير جدا لما تعرف إن كل تصرفاتك الأنانية وكل ما تحمله لنفسك من حب وتفضيل لهما على كل ما دونها دا مش من خلال إرادتك الحرة لكن من خلال الجين اللي جواك اللي عاوزه يأمن البقاء لنفسه قبل أي شيء وعليه فكل تصرفاتك الأنانية من أول طمعك في الجزء الكبير من الفرخة لحد طموحك ورغبتك في حيازة الأشياء والأماكن والبشر وهو أمر غير مقيد بحدود عند بعض الناس.. وإصرارك على نيل رغباتك من غير أي اعتبار لأي قيد أخلاقي ما هو إلا انتصار للجين الأناني بداخلك.. ممكن تكون الفكرة مزعجة أو غريبة على بعضنا لكن أي كان تفسير الأسلوب الأناني بتاعنا في التعامل فالأنانية موجودة وكل حد متحيز لنفسه بشكل فطري.

هو معني الكلام دة إن الأم بتكون أنانية لما بتحب أولادها!

أولادها اللي هيحملوا الجينات علشان ينقلوها بعد كدة للأجيال اللي جاية.

بصراحة الموضوع فلسفي شويتين وأول ما اكتشفته كان مزعج جدا بالنسبالي، لكن ماذا لو مفيش حقيقة غير كدة!

حتى لو افترضنا إن تحكم الجينات في البشر ليس مطلق بالضرورة وإن في ناس
بتعرف تتمرد على الفطرة دي إلا إنه مش هنقدر ننفي إن في سواد عظيم
بيتأثر بالإرث الجيني شئنا أم أبينا.

-دور الجينات

عمرك سألت نفسك ليه الأم بتحب أطفالها بالشهره دا؟ وإيه اللي بيخلي الأم
تُفضل أولادها على نفسها وحياتها، وتكون مستعدة حرفيًا لبذل الغالي
والنفيس في سبيل تحسين جودة حياتهم!
السؤال دا يفتح آفاق واسعة جدًا أمام كل الرجالة اللي عاوزة ترتبط،
وشكلهم أو إمكانيتهم المادية مش مساعدهم.
إيه علاقة حب الأم لأولادها برغبتها في الارتباط أصلًا؟
ياخي إنت بتسأل وترد على نفسك، ما هو مفيش ولاد من غير ارتباط. وحب الأم
لأولادها دا شيء بيكون في جيناتها وتكوينها مش فكرة واعية أو حتى حاجة تابعة
من مشاعرها، علشان كذا حب الأم لأولادها هو أكثر الأمور أصالة في تفكير كل
بنت أو أم.

بس البنات أو الست مش بتحب أولادها أول ما بيعجوا للندنيا فقط لكن هي
بتحبهم من قبل كذا بكتير، وكل البنات بتعيش إحساس الأمومة في خيالهم
قبل ما يكونوا أمهات بكتير، وبيحبوا أطفالهم بجنون قبل ما يجوا للندنيا.
الأطفال دول البنات مش هتعرف تجيبهم لوحدها لازم شريك ذكر، وهنا مربط
الفرس، الفكرة الأصيلة اللي بتحرك البنات تجاه الولد هي رغبتها في إنجاب
أطفال أقوياء.

الأطفال دول بيتقاسموا الجينات بينها وبين أبوهم، علشان كدة الأنثى طول الوقت بتحاول تنتقي لأولادها راجل جيناته قوية علشان يقدر يجيب أطفال أقوياء للحياة.

دايمًا فكرة الأم تجاه أولادها إنهم امتداد ليها، وجزء لا ينفصل عنها، هما نسخة مكررة منها وهما فرصتها علشان تحافظ على بقاء نسلها. وعلشان كذا بتحاول جاهدة إنها تحسن نسلها عن طريق اختيار أب جيناته قوية ينقل جيناته للأطفال اللي هتكون شيء مشترك بينهم هما الاتنين. الأب الذكي أو الوسيم أو اللي دمه خفيف، الصادق والملتزم، الجريء، الحنون والمبادر.

كلها صفات توحى بإن مستقبل إنجاب الأطفال من الشخص اللي بيحمل الصفات دي هيكون أفضل ودا من وجهة نظر الجينات مش من وجهة نظر الأم علي الوجه الأدق.

الأم عندها استعداد تنصر أطفالها المستقبلين بكل ما أوتيت من قوة على كل المستويات، وأي تحيز منها تجاه أولادها ما هو إلا تحيز لنفسها من وجهة نظرها الباطنية أو من وجهة نظرها الجينية، علشان هي شايفة إنهم لا ينفصلوا عنها وعن وجودها في الحياة.

تخيل إن أغلب أمانى الأنثى تجاه الطرف الآخر بيكون حوالين حد جيناته قوية يحسن نسل أولادها، علشان كذا بتبدأ الأنثى تنجذب لنوع معين من الرجال، عنده صفات معينة بتدي إيحاء للبتن إنها لو ارتبطت بيه هتخلف أولاد أقوياء.

في إطار الفكرة دي لقينا قاعدة عريضة من الصفات والأفعال اللي لو الراجل ركز على بعضها هيكون جذاب جدًا للبتن.

خلينا متفقين إن البنت مش بتعرف تسيطر على انجذابها، علشان مصدر الانجذاب دا جيني، مش حاجة خاصة بوعي البنت. لا دا حاجة خارجة عن إرادتها وبالتالي لو إنت قدرت تثير منطقة الانجذاب عندها هتلاقها بتنجذب ليك من غير وعي، ما بال بتسخر وعيها علشان يبرر الانجذاب دة؟

-ادعم الإنجذاب لفترة

فكرة الانجذاب عند البنت عاملة زي السراج اللي بينور كدا أول ما هي تكتشف إنك شخص جذاب، بعد كدا نور السراج دا بيسيطر عليها ويتبقى مش عاوزه تعيش في الضلمة تاني، بس السراج دا لازم تُمده بالوقود لفترة معينة لحد ما يسيطر على كل تفكيرها.

وقود السراج دا دايمًا بيكون تصرفات البنت بتحبها، ومبتعرفش تتماسك قدامها، أو صفات بتكتشفها في الشخص اللي هيكون شريكها في الأطفال اللي هتيجي.

كلها حاجات بتدي إحياء إن جينات الأب دا قوية وهتساهم في إنتاج أطفال أقوىاء.

ولازم تفضل تغذي السراج دا بالوقود لحد ما يوصل لمرحلة معينة، بيكون قادر على تجديد وقوده بنفسه علشان يفضل مسيطر على تفكير البنت.

البنت بعد كدا بتبدأ تشوف كل تصرفاتك حتى العادية جذابة، وتبرلك أي خطأ.

إنت بس تعلق معاها وتكون مقنع فعلاً للفكرة اللي جواها.

الفكرة عند البنت بالنسبة لشريك حياتها غير الراجل خالص، يعني الراجل ممكن يرتبط بأكثر من حد وحتى الدين شرع التعدد للرجل بما يناسب طبيعته لكن الفكرة عند الأنثى مختلفة شويتين، الست بتعمل انتخابات بترشح فيها الذكر الأقوى.

- الانتخاب عند الأنثى

الفكرة عندها انتخاب للذكر الأصح علشان طبيعتها مش بيناسبها غير إنها ترتبط بشخص واحد فقط، وأي شيء غير كذا بيكون وضع شاذ، أو هي ممكن تعيش مع أكثر من شخص لكن في النهاية كيانها وروحها بتكون مع واحد فقط، وهي طبيعتها كذا.

لو حسبناها على المستوى البيولوجي هتلاقي إن البنت مش بتقدر تشارك في عملية التكاثر كل يوم، مقصدش الجنس، لكن التكاثر اللي هو أهم أهداف الجنس.

عملية التكاثر اللي هي الهدف الأساسي من عملية الجماع هي مش بتقدر تشارك فيها غير مرة كل 28 يوم، أما بالنسبة للرجل فهو يقدر يشارك كل يوم وفي اليوم الواحد أكثر من مرة، وبالتالي الراجل مش محتاج إنه ينتقي الست اللي هيعمل علاقة معاها إلا في حدود المعايير السطحية اللي ترضي غريزته.

أما الست فدايمًا بتكون شايفة إنها بتقدم شيء عزيز ومش أي حد يحظى بيه.

لازم تقارن أعداد الحيوانات المنوية اللي ممكن ينتجها الذكر في خلال 28 يوم واللي المفروض إن كلها أو بعضها حتى مؤهل إنه يشارك في عملية التناسل ونقل الجينات للجيل التالي مقارنة بالبويضة الواحدة اللي بتيجي في نفس المدة. هتلاقي مئات الملايين في مقابل بويضة واحدة!

علشان كدة التناسل عملية انتقائية عند الست أكثر من الراجل بمراحل.

طب دا إيه علاقته بإن هي تكون على علاقة معاك ؟

ما هي ممكن تكون على علاقة معاك من غير الأمر ما يكلفها بويضة أو من غير ما تشارك معاك بالبويضة، أيوة أنا فاهم.

بس هي حساباتها مش منطقية علشان مصدرها مش العقل زي ما اتفقنا، هي مش بتبدأ معاك غير علشان الأمر ينتهي بإنها تشاركك بويضتها لو إنت فضلت ماشي على بروتوكول الانتخاب اللي هي حطاه فدا معناه إن إنت تستحق البويضة اللي هي في تقديرها شيء عظيم ونادر.

أو علشان نكون أدق دي وجهة نظر الجين اللي بيتحكم فيها.

حتى علشان كذا الرسول الكريم نهى عن الحديث مع النساء إلا في حدود، علشان ببساطة هي مستويات عند البنت ومجرد تقبل أول الكلام بدون سبب حقيقي فهو بيمثل قبول شرطي لإمكانية حصول الشخص دا على بويضة، لو قدر يحقق باقي الشروط.

طيب خيلنا نسأل سؤال مهم: إيه هو بروتوكول القبول عند البنت اللي

المفروض نمشي عليه علشان نرضي رغبتها في الارتباط وبالتالي نقدر نوصل لهدفنا؟ ومنين بقى بتيجي فكرة الانتخاب؟

ابنها أو بنتها اللي هو عبارة عن حيوان منوي وبويضة، واللي هي شايقة إنه امتداد لها بتحاول تنتقي الشخص اللي هيشاركها في مجيئه للحياة بوضع

فلاتر خاصة بيها بتساعدها على انتخاب الذكر الأصلح اللي هيساعدها على
المجيء بالطفل الأقدر على البقاء، أصل بويضتها لا تملك لها تغيير، بويضتها
دي اللي بتعبر عن جيناتها بقت أمر واقع، ومفيش مجال لتغييره بس هي تقدر
تختار الذكر اللي هيشاركها في إنجاب الطفل، علشان تحسن فرص إنه يكون
قوي وقادر على البقاء اللي هي بتعتبره بقاء لها هي، ومستعدة تقدم حياتها
حرفيًا بعد كدا علشان تحمي النسخة المطورة منها أو طفلها اللي هي بتعتبره
إمتداد لها.

الحاجة المهمة اللي لازم ناخذ بالناس منها كويس هو إن الأفكار دي مش في عقل
البنات لكن في تكوينها، مش ساعات بنت بتكون بتحب ولد ملوش أي لازمة! ولا
ينطبق عليه أي معايير تخص الشاب المناسب اللي ممكن يفتح بيت ومع ذلك
بتكون دايبة فيه، ويحاول أهلها يقنعوها بكل الطرق المنطقية إنه مش مؤهل
إنه يرتبط بيك أو يحصل عليك، ومع ذلك هي مش شايفة غيره، ومش قادرة
تسمع كلامهم حتى أو تفكر فيه.
علشان إيه يا ترى؟

الولد دا بيكون قدر يرضي بورتوكول القبول عندها اللي هو مش منطقي أصلاً
وغبي، ويمكن الاحتيال عليه بسهولة.

السبب الوحيد اللي بيخلي الولاد يخفقوا مع البنات هو إنهم مش فاهمين
دوافع القبول والرفض عند البنات، ويحاولوا يكونوا منطقيين أكثر من
محاولة فهم الدوافع دي واللعب على أوتارها.

لو ولد راح يتكلم مع بنت لأول مرة بتلاقيه مهتم إنه يقدم أسباب وجيهة
ومقنعة إنه بيحاول يتكلم معاها، علشان شايف إن دا مش من حقه.

بتحاول تكون منطقي طب يلا فاكس، ما إنت لازم تفهم إنها مش بتختارك بعقلها علشان تروح تهتم بالأسباب اللي تقنع عقلها.
ببساطة إنت رايح تخاطب حاجة لا ليها رأي ولا سلطة، حاجة ملهاش أي كلمة. خلينا نفترض مجازًا إن البنات جواها جهاز مختص بقبول أو رفض العلاقة مع الجنس الآخر، والولد داخل يكلم البنات، دلوقتي بقى إنت بين أمرين يا إما تتوافق مع الجهاز اللي جوا دا والجهاز هيدي أمر للعقل بتاع البنات خليك إنت على جنب شوية علشان دا يخصني، أو إنك مش هتتوافق مع الجهاز دا، وهيبعت إشارة لعقل البنات يقوله اتعامل إنت، فتلاقي ردود البنات عليك منطوية وجافة.

طيب لو إنت رويت للبنات وكلمتها بالمنطق أو بان في كلامك إنك عامل حساب للمنطق أكثر من مبادئ الجهاز اللي جوا المختص بالقبول والرفض، ببداً ساعتها الجهاز يخاطب العقل ويقول له هو أنا طيشة هنا ولا إيه! طب هو بيتعامل فيه كان أنا مش موجود؟

طب أفكس له يا عقل يلا، تقوم البنات ترد عليك هي كمان رد فورمال وبيان في كلامها اللي هو إنت جاي تتلكك وأنا فقساك، ومع السلامة يلا.
بص بقي الجهاز اللي جوا كل بنت والمسؤول عن اختيار الولد اللي هتقرر إنها تديله البويضة بتاعتها له معايير، المعايير دي بتبدأ من اللبس والمظهر ومقدار الوسامة، ودي مبادئ أولية للبنات بتنتقي على أساسهم الولد لحد ما نوصل لقدرة الولد على التمرکز حوالين ذاته واعتصامه بنفسه وفي بينهم حاجات كتير.

مبدئيًا أي شيء يقع في المستوى السفلي من المدرج البنت ممكن تتجاوز عنه لو لقت فيك حاجة في المستوى الأعلى، بمعنى إنت مش وسيم ودا أحد المبادئ اللي ممكن نقول عليها مادية في اختيارات البنت.

بس إنت واثق في نفسك كويس ودا أمر في أولويات البنت يسبق الوسامة بكتير، فبالتالي هي حتى لو فكرة الوسامة دي تفرق معاها شويتين هتبدأ بتأويل تفاصيل ملامحك علشان تشوفك وسيم.

ببساطة هي مش هترفضك لعدم توفر شرط إنت عندك حاجة تانية أقوى منه ممكن تغطي عليه إنما لو إنت وسيم ومش واثق؛ هتشوفك عادي وباهت وملكش لازمة.

طيب أنا بردو مش فاهم أنا هكلم بنت أو لسة في فترة الخطوبة حتى مال البويضة والخلفة بالكلام دة!

هقلك يا عزيزي مجرد نظرة للبنت للشباب الوسيم أو إنجذابها لحد معاه فلوس أو واثق في نفسه كلها أمور بتحصل بتحريك الجين اللي جواها لأفكارها اللي بيكون فاهم إن الشخص دة هيساهم في إنجاب أطفال أقوياء يكونوا أكثر أهلية للحفاظ علي الجين والإستمرار في الحياة حتى سن البلوغ علشان ينقلوا الجين للجيل اللي بعده..مرعب لكن حقيقي!

والموضوع على أد ما بيان صعب لأول وهلة، وإيه يا عم بورتوكول والكلام المعقد دا؟ وجهاز جوة البنت بيختار ويلبب، هقول لك بص يا ريس الموبايل اللي إنت ماسكه في إيدك دا لو هتتكلم عن تكوينه وإزاي لما تضغط ضغطة معينة يظهر حرف معين دي ممكن تكتب فيها مؤلفات مع إن الموضوع بيحصل في أقل من ثانية.

البشر بردو بالظبط كدا ويمكن أعقد، التفاعل اللي بنعمله مع بعض في ثواني بيكون له خلفية كبيرة جدًا في تكويننا علشان نخرج ردود الأفعال البسيطة بالشكل دا.

الموضوع بعد كدا لما تفهمه هتعمله زي ما تكون بتشرب مائة، أو بتسوق العربية من غير ما تفكر.

بس أنا لو هكتبلك إزاي تسوق العربية من غير ما تفكر هكتبلك بالتفصيل زي كدا بردو مع إنها حاجة لما بتتعلمها بتحس إنها بسيطة بس الفكرة إنك لما تيجي توصفها بهدف توصيل الفكرة للناس لازم تراعي في تقدير كل التفاصيل اللي فايته الناس اللي لسا متعلمتش، إنت لما تتعلم الموضوع بيجي إزاي هتتعرف أد إيه إنت كنت مش فاهم وهتحس بالسذاجة بس عادي كلنا كدا تجاه ما نجعله حتى نعلمه.

- روج لنفسك صح

كل الحملات الإعلانية اللي ملهاش غرض غير إنها تكسب الناس القائمة عليها، والناس اللي بتدعمها ماديًا وآخر حد في حساباتها هو المستهلك. كلها قائمة على معرفة الناس دي بحقيقة البشر، كلها بتداعب وبتستحث تصرفات في صالحهم، وقود حركتها هو المشاعر والموروث الفكري والعادات والجينات اللي بتحمل توجه فكري معين. مستحيل تكون مستهدفة الوعي الحر عند الأشخاص، كلنا بنشوف حملات الدعايا وما تحملها من عبارات أو مشاهد بتنفي أو تستحث مشاعر معينة. يكسبوا بيها تضامن العميل.

خليني أقول لك إن الحملة الإعلانية اللي بتستهدف وعي الشخص وبتتكلم بالمنطق غالبًا ما تكون ضعيفة، لإنها بتراهن على أضعف شيء الإنسان بياخذ على أساسه اختياراته.

دائمًا الحملات الإعلانية بتراهن على عادات البشر ومشاعرهم وتكوينهم الجيني.

حتى إن أحد الشركات الأمريكية إكتشفت مادة كيميائية بتعمل على تفكيك الروائح الكريهة ومن ثمّ إزالتها، تخيل مادة بمجرد وضعها على أي رائحة كريهة الرائحة دي بتحلل وتختفي، إكتشاف سحري مش كدة. قيمة حقيقية والناس كلها محتاجاها وكلنا بنعاني من الروائح الكريهة.

الشركة اللي إكتشفت المادة دي قالت إنها هتكسب مليارات من ورا الإكتشاف دة، وابتدوا يعملوا حملات إعلانية مكثفة، ويكلموا الناس عن فوائد المركب دا وعن فاعليته تجاه الروائح الكريهة. لكن النتيجة كانت إنهم مابعوش حاجة من الإنتاج والعبوات ظلت مكدسة في مراكز البيع والتوزيع، وإجتمع مجلس الإدارة وكانوا في حالة عجب من الخسائر اللي بتحصل.

المادة عبقرية وبتعالج حاجة الناس كلها بتعاني منها ومع ذلك بيواجهوا الفشل. وبعد تداول الأراء كان لواحد فيهم رأي مختلف وهو إن الحملة الإعلانية نفسها لازم يتم إعادة صياغتها، لإن الحملة الدعائية للمنتج كانت منطقية وتخاطب الوعي، والوعي معندوش قدرة على تحريك القرار عند البشر. والحملة الإعلانية الجديدة كانت عبارة عن سيدة بتنظف البيت وترتبه وبعدين بتقوم برش المنتج في أرجاء المنزل علشان تحس بالارتياح أول ما ترش من المنتج، وربطوا مشاعر الارتياح بالمنتج.

الحملة الدعائية الأولى كانت بتعمد على المنطق، والحملة الدعائية الثانية كانت بتعمد على المشاعر، لكن تفتكروا أيهما أكثر قدرة على تحريك القرار عند البشر!

الشركة حققت مبيعات مذهلة بعد الحملة الدعائية الثانية، والفكرة هي صحة أو سوء فهم طبيعة الاختيار عند الناس.

قيس على كذا في كل شيء تقريبًا حوالينا في تلقي البشر للمادة الإعلانية، وثقافات الشراء عندهم، في الحب والارتباط بشريك الحياة.

في كل شيء تقريبًا الوعي هو آخر شيء ممكن يستفتيه الإنسان لصياغة القرار بتاعه، فالوعي والمنطق بيتديلوا القائمة عند البنت لتحديد اختياراتها، ومن الغباء جدًّا محاولة التوافق معاهم، وفهم إن البنت ممكن توافق على العلاقة لمجرد إن إنت كنت منطقي معاهها ومقنع لعقلها.

وعلشان تعرف توصل لقلب البنت، وتسيطر على كل حاجة لازم تحترم هرم اتخاذ القرار عندها من الجينات، ودي قاعدة الهرم للمشاعر، وللعادات والأفكار الخاصة بيها.

البُعد النفسي

لازم تراعي البُعد النفسي الي بيوصل من كلامك وأسلوبك مع البنت، تخيل مثلاً إن إنت شغال في محل أو شغال في ريسيشن في فندق وبتعامل مع جميع الثقافات.

في ناس بمجرد ما بتتكلم معاك بتديك إحاء معين حوالين أبعاد شخصيتها. وبناء عليه بتلاقي نفسك بتختار الأسلوب الي هتتعامل معاها بيه، واللي هيحقق أعلى تواصل ممكن.

في ناس بتيجي بالملاطفة وناس بيكون الكلام معاها فورمال وناس تانية أسلوبها حاد ولازم تعاملهم بنفس أسلوبهم وقيس على كدة أنماط لا تحصى. في بنات بتعتز بنفسها أوى، خصوصاً لو كانت حلوة شوية أو شويتين، وبوضوح البنات دى هي مطلب كل الولاد.

هو مين الي عاوز يصاحب واحدة على قدها أو متوسطة الجمال، كله يببص للحلو حتى لو هو نفسه متوسط الإمكانيات في كل حاجة.

علشان كده لازم التفاوض معاها يكون على حسب شخصيتها.

لو حاولت تدخل معاها دغرى هتحس إنك بتغتصب حق من حقوقها، أو ممكن تقول إن أول شيء ذهنها بينصرف ليه هو إنك طمعان في اللي عندها.

ما هو إنت غريب عنها ومتعرفهاش وطالب إنك تتعرف عليها أو تاخذ منها ميعاد.

من الطبيعي جدًا إن أول شيء هي تفكر فيه إنك باصص لجمالها؛ لأن ده أكثر شيء بينطلب منها بصفة عامة.

إنت أول ما بتقرب منها وقبل ما تتكلم أي كلمة هي بتكون متخيلة شكل الحوار وبتغلب في ذهنها نمط معين إنت هتتعامل معاها بيه.

وده طبيعي طبعًا؛ لأن هي اتعلمت من التجارب السابقة وعارفة إن إحنا نمطين وشبه بعض.

هي دي الحقيقة مع الأسف، الهدف الموحد بيخلي الأسلوب شبه موحد في التعامل مع البنات الجميلة بالذات.

البنات بتكون طورت أساليب قوية جدًا؛ لحماية نفسها من الهجمات المتكررة. ما هو ده بالنسبة لها بيكون هجوم طبعًا، هي شايفة إن جمالها ده شيء ثمين يستحق الحماية.

نظرات الولاد الجنسية لها طوال الوقت هي اللي بتصدر لها القناعة دي. البنات الحلوة مش محتاجة منك غير نظرة إعجاب واحدة علشان تحطك ضمن قائمة المنتظرين، هي بتخرج في الشارع بتلاقي عشرات الولاد يبصوا عليها.

كلهم شبه بعض وكلهم بيعملوا زي بعض وكلهم ولا يفرقوا معاها شيء. هما أدلوا بدلوههم وبينوا رغبتهم وبناء عليه هما محتاجين منها، وبالتالي هي حرة تختار براحتها.

بس النوع ده من البنات بيكون هش جدًا من جوة.

لإنها بتبني قناعتها بنفسها من تقدير الآخرين اللي بيقدموها عروض طول الوقت.

وبناء عليه أول ما يجي حد بيضرب بالأمر دي عرض الحائط، وبين إنه مش فارق معاه أساسا البننت بتتصدم.

هو ده إزاي مختلف كده، إزاي مش زي بقيت الولاد.

خليني أقلك إن البننت بتشوفك أجمل واحد في الدنيا، أجمل واحد على الأقل بالنسبة للعشرات اللي بيقبلوها كل يوم ويبدلدلوها ورا جمالها أو جاذبيتها. مع إن ممكن يكون فيهم ولاد أحلى منك بكتير بس هي مش بتشوف كل ده، كل حاجة بتسقط من نظرها في مقابل سلعتك الغالية اللي مش بتفرط فيها بسهولة، سلعتك دي اللي هي الاهتمام بتاعك اللي مش ماشى تفرقه على الفاضي والمليان.

بالأسلوب ده بتسيب علامة في نفسها لا يمكن هي تنساها أبداً، وعلى وجه الخصوص لو كانت جميلة ومتعودة على إنها تحظى بالتقدير من غير أي مجهود.

لمجرد إنك تبين رد فعل مختلف عن البقية، هتلاقي نفسها بتتنازل عن الأنفة والكبرياء اللي كبرهم في نفسها تقدير الآخرين الزايد عن اللزوم. ما بال في حالات كتير ممكن تتنازل عن أجزاء أساسية من شخصيتها؛ علشان تدفع بيها في سبيل الحصول على تقديرك. علشان تحس إنها فعلاً في المكانة اللي الناس التانية حاطينها فيها وإن ده مش مجرد وهم.

بس في حاجة مهمة جداً ودي أكبر عقبة هتقابلك وهي إنك في أغلب الأحيان لا تملك إنجذابك للبننت الحلوة.

يعنى كل الناس اللي انجذبت دا كان غصب عنهم؛ علشان ده شيء غريزي جواهرم، وكذلك القلة اللي قدرت تتماسك وميفرقش معاهم البننت الحلوة،

وبيقدرُوا ما يبينوش أي انجذاب دول بردو مش بمزاجهم لكن هما طبيعتهم النفسية كده.

شبعانين من موضوع البنات ده والحكاية مش فارقة معاهم.
وكمان لو حاولت تمثل إن إنت ثقيل هتتفقس وهتقلبك بسرعة.
أومال الحل إيه!؟

الشيء المميز فينا إحنا كبشر على وجه الخصوص هو إن إحنا بنقدر نزرع
لنفسنا، بنقدر نغير في طباعنا عن طريق إعادة كتابة الأكواد اللي مغروسة في
أعماقنا، وبنشتغل على أساسها من غير أي وعي.
تقدر تغرس جوة نفسك إنك شبعان ومش محتاج لأي حد.
وتتعامل مع البنت من المنطلق ده، وإنها مجرد رقم بالنسبة لبنات كتير تانية
هتقابلك.

وإن رأيها في كل الأحوال مش مهم ومش هياثر على إيمانك بنفسك.
القناعات اللي هتغرسها في نفسك دي محتاجة إنها تتعرض على وعيك أولاً،
وبعدين تأيد وعيك وتقف معاه ضد حاجات تانية أقوى منه، زي مشاعرك
وعاداتك وتأثير المجتمع عليك.
الحاجات اللي بتسبق الوعي الحر في التأثير على تصرفاتنا ونتائجنا زي ما قلنا
قبل كده.

قلنا إن الوعي هو أذكي حاجة ممكن توجهنا وليه أقوى نتايج، لكن هو
الأضعف من حيث قدرته على فرض سيطرته على حياتنا مقارنة بالجينات
والمشاعر، والعادات والتراكب الوطيد اللي بينهم، واللي بيخلي إنتراعهم من
كرسى القيادة أمر معقد حبتين.

بس أي معركة بينك وبين أي حد بتكون نتيجتها محسومة لصالحك لو وعيك الحر هو اللي في كرسي القيادة.

اللي إنت مطالب تعمله ده هو خاصية موجودة عند كل حد فينا بالفعل، الوعي الذاتي هو خاصية بينفرد بها الإنسان عن باقي المخلوقات، والخاصية دي هي اللي بتمكنه إنه يعيد صياغة الأفكار اللي بتحركه واللي ممكن تكون مغروسة جواه من سنين.

الخاصية دي هي اللي بتخليه يقدر يتحكم حتي في جيناته اللي هي أصلب شيء، وأكثر ما يقود الإنسان تعنتاً وتنفيذاً على تصرفات واختيارات البشر. ريتشارد داوكينز بيقول في كتابه "الجين الأناني" إن الجينات الأنانية بتوجه سلوكنا، لكن ده لا يعني إننا منقدرش نتمرد على توجيه الجينات دي لينا وننهي قدرتنا على الإيثار.

الحقيقة إن النظرات الجنسية اللي بنبصها للبننت الحلوة واللى هي بتكون سبب في إن البننت بتتمنع علينا... بتخرج مننا بشكل عفوي. بشكل تلقائي بتلاقي عينك انجذبت لمفاتن الأنثى ودا شيء غريزي في الراجل. حتي الدين الإسلامي أقرَّ المشكلة دي وحاول يقدم ليها حلول على محورين. المحور الأول: وهو أمر الرجل بغض البصر، والمحور الثاني: هو أمر الأنثى بالاحتشام، والالتزام بملابس واسعة لا تجد عين الرجل منها أي دلالة جنسية. بمجرد ما بتبص للبننت النظرة الجنسية، أو تحس هي في كلامك أو أسلوبك إنك مدلوق عليها، دا معناه في وعيها إنك جبت أخرك خلاص وهتلعب بيك براحتها.

طيب إنت ما بتبصش للبننت نظرات جنسية وقدرت تتحكم في ده.. إزاي هيحصل تواصل بينك وبينها من الأساس؟

زى ما قلنا طريقة كلامك هتكشفك لو إنت مش متقن، علشان كده مينفعش تتواصل معاها بأسلوب يفهمها إنك عاوز منها حاجة. الفكرة إنك ممكن تتكلم معاها في أي موضوع عام واختلافك عن الناس التانية النمطيين بيتمررلها في كلامك واحدة واحدة.

هي لو حسّت إنك مختلف هتنجذب ليك من غير تفكير، علشان هي عارفة إنها مش كل يوم هتقابل حد زيك.

خليني أقولك إن البنت في أغلب الأحوال بتكون مش عارفة هي عاوزة إيه بالضبط، يعني ممكن اتنين مختلفين في الشخصيات وبتنجذب ليهما الاتنين. هي دي طبيعة البنت، يعني لو وصلها من كلامك إنك شخص مؤدب هتنجذب ليك، ولو حسّت إنك باد بوي هتنجذب ليك بردو، أهم حاجة تكون حقيقى مش بتدعى.

يكون كلامك بيعبر عن المشاعر اللي جواك مش بتتقمص.

علشان في قوالب لشخصيات معينة الولاد بتحب تلبسها وهي بتتعامل مع البنت، بس الحقيقة بتبان والبنت بتعرف إذا كان تصرفاتك دي حقيقية ولا قشرة بتداري بيها البيئة الضعيفة اللي جوة. حد عنده فكرة ليه البنت ممكن تحب ولد تعليمه متوسط، ومستوى تفكيره وهيئته الخارجية متوسطين ومعاها مكنة صيى.

الفكرة إن البنت ممكن تكون شافت فيه صدق أو اتساق مع حقيقته الداخلية هي مفتقدها مع معظم الولاد اللي بتقدملها عروض للتواصل.

ليه البنت ممكن تشتري منك

ركز معايا كدا، البنت لو عندها نفس دوافعنا في الارتباط، واللي هو إقامة علاقة حميمية فده معناه إنها لو عاوزه كل ساعة تعمل علاقة هتعمل. ساعتها أصلاً الموضوع هيكون سهل ومش محتاج كلام. الدوافع متشابهة، إذا إيه المانع إننا نعمل علاقة مع بعض! كان الأمر هيكون زي أي شيء روتيني في حياتنا، والشقط كان هيبقى سهل زي الأكل والشرب.

مكنش هيبقى في شفرة علشان نفكها وكانت الحياة هتبقى إيزى خالص. بس بردو الموضوع مش معقد أوى أوى للدرجة اللي تخيلنا نياأس، الحكاية كلها إن الموضوع ليه بروتوكول زي أي حاجة في الحياة عاوزين نحصل عليها، لو فهمناه صح هناخد كل اللي إحنا عاوزينه وأكثر، بشرط نحترم المبادئ اللي بينص عليها البروتوكول ده.

دايمًا الشخص اللي محتاج شيء هو اللي مجبر على فهم إطار التفكير والقبول عند الشخص اللي قدامه ويبتدى يستخدم الأطر دي لصالحه. يعني لطالما الراجل هو اللي بيطلب العلاقة في أغلب الأحوال فهو مطالب بفهم إطار القبول عند الجنس الآخر علشان يقدر يوصل للي هو عاوزه. التواصل مع البنات يشبه في قواعده التواصل مع الناس عمومًا في بعض الأمور، وأنا بعامل أي شخص في العموم فلازم أكون مهتم بالرسائل اللي بتوصله من جسسى، ومن نظرة عيونى ومن نبرة صوتى، ومن تردد كلامي إذا متقطع وبيعبع عن أفكار مهزوزة، ولا عن إني بتكلم من مركز قوى.

خلينا متفقين إن إنت في الأول هتبقى عامل زي اللي بيمشى على الحبل أقل غلطة هتخليك تقع من نظرها وترفضك، علشان ببساطة هي مش عاوزة ترتبط بحد تحس بعد كده إن كان في حد أحسن منه، وسقوطك في اختبار مبادئ القبول الأولية عندها، هيخلصها تسأل نفسها أنا إيه اللي يخليني أقبل بالارتباط من شخص أكثر من 50٪ من الرجالة أخطر منه أو أكثر أهلية منه، وكلهم بيطلبوني لنفس السبب!

أولاً: الرجالة رغبتهم في الارتباط جنسية وهي أكثر سطحية بكثير من رغبة الستات في الارتباط.

يعنى الموضوع بينضببط عند الراجل بمجرد انضباط الهيئة الخارجية للبنت، لو هي لبسها كويس وجسمها كويس وملامحها مقبولة فكده تمام، وهي موافقة للشروط اللي بيحطها هو في إطار رغبته الجنسية بعيداً عن إن هي طباعها إيه أو جواها إيه، علشان اللي الراجل محتاجه من البننت غير مقيد بشكل معين للشخصية أو الطباع.

دوافع الرجل في الارتباط بتناسب مع سطحية تقييمه للبننت. لكن البننت ليها دوافع أعمق في الارتباط وأكد إنتوا عارفين ليه. على الرغم من إن البنات بتثار جنسيًا أكثر منا بأضعاف، إلا إن الجنس مش أول دوافعها، في أفكار تانية أصيلة ومرسخة في اللاوعي عندها حوالين فكرة الارتباط بالجنس الآخر، زي إنه لازم يكون الأكثر أهلية على مواجهة الحياة، والأكثر أهلية لفكرة البقاء والأكثر أهلية على توفير أساسيات ولوازم البقاء. علشان كده الرجالة اللي معاهم فلوس بيكون بشكل ما جذابين للبننت؛ بسبب إنهم هيقدررو يوفروا أسباب البقاء للبننت.

والناس اللي فاكرة إنه سعي البننت للارتباط بالراجل اللي معاه فلوس فكرة منطقية، وإن البنات بتقعد تحسبها في دماغها عن الرفاهية اللي هتحظى بها أول ما تتجوز الشخص الثري، يبقى معلىش إنت لسة موصلتش للي عاوز أوصلهولك، هو وارد جدًا الأفكار دي تيجي في دماغها، لكن مش دي المحرك الأساسي اللي بيحرك البننت ناحيتك.

الفلوس عند بعض البنات بترضى فكرة عميقة جواهرهم، وهي فكرة البقاء والفلوس بتوفر لوازم البقاء، بتسبب الأمان بشكل من الأشكال وشعور الأمان احتياج عميق جوة كل بنت.

البننت لما بتنجذب لسبب معين مش بتكون وصلت للسبب ده بدليل منطقي أو عقلي، ويا ريت تركز معايا في دى كويس علشان ده يعتبر لب الموضوع. البننت بتنجذب لا إراديًا وفق الأطر الفكرية اللي متحدده عندها سلفًا من غير أي اختيار منها.

البننت بيكون ليها نظرة عميقة في الشخص اللي قدامها لو شافت قدرته على التواصل بتتوافق مع الأطر الفكرية اللي عندها، لا إراديًا بتنجذب من غير ما تفكر تمنع الانجذاب ده.

في ثواني كده كل حاجة بتتغير، ولو إنت مش متوافق بكلامك وأدائك وقدرتك على التواصل، فده معناه فاكس ومن غير ما تفكر بردو، يعني مش عقل البننت اللي بيخترتك أو بيفكسلك، ودي في حد ذاتها حاجة مبشرة جدًا.

ما هو لو البننت بتختار على أساس تفكير منطقي فهي أساسا هتبقى عارفة إن إنت عاوز الجنس، ومش هتختارك بسهولة وهتحتلك شروط صعبة؛ علشان ببساطة هي ليها دوافع تانية غيرك وبالتالي إنت اللي مستفيد مش هي، والموضوع هيكون تجارى بحت.

لكن البنات بتختار وترفض على أسس تانية هتخلي الموضوع بسيط جدًا لو قدرنا نفهمها.

عقل كل البنات ممكن يستدل بسهولة علي إن اللي عاوز يدخل البيت يتجوز ويقيم علاقة حقيقية لازم يدخل البيت من بابه ويحتكم لروتين معين متعارف عليه يبين الجدية والصدق في اهدافه، لكن علشان البنات مش بتعتمد علي عقلها لما بتنجذب فبتختار كل مرة إنه ينضحك عليهما!
بص علشان مكذبش عليك الموضوع هيكون شبه عمليات الاحتيال كده بس ده اسمه احتيال فكري .

كل أنظمة الأمان اللي في البنوك ذكية لحد ما الحرامي يفهمها، ويرتب خطوات التعامل معاها ويصبح التفوق على نظام الأمان ده روتيني، مهما كان معقد ببساطة لأننا فكينا الشفرة بتاعته.

تعالوا بقي ألكمكوا عن أكبر مغالطة بيعق فيها الشاب اللي عاوز يظبط أو يتعرف، والمغالطات دي إحنا بنقع فيها في العموم مش في مواضيع البنات بس، وهو إن الشاب مش بيشفو غير دوافعه هو بس ويروح يكلم البنات بالدوافع دي.

بمعنى إيه؟!

بمعنى إن شاب مثلاً ممكن يروح يتعامل مع البنات بأسلوب يبين إن هو كل غرضه من العلاقة هي العلاقة الجنسية فقط، ودي غير دوافع البنات طبعاً وبالتالي هيتفكسلك وش.

تخيل كده الحرامي رايح يسرق وداخل من باب البنك والموظفين والأمن في وشه وبيقلمهم أنا حرامي وهاتوا الفلوس اللي عندكوا، هينضرب لما يشبع.

دا شخص مش محترم حاجة خالص من القواعد ومش شايف غير رغبته في الحصول على المال فقط.

دايمًا الشاب بيتكلم بدوافعه اللي هو بيطلب الرقم وهو مدلدل لسانه، علشان عامل حسابه إن أول مكاملة هيطلب منها إنها تكون معاه في السرير. طبعًا ده بياخد بالشلوت رسمي، اللي هو إنت أهبل طب ما في غيرك كتير عاوزين كده اشمعنى إنت اللي هقرر أعمل معاه كده وبتديله السكة. طبعًا المعنى ده مش لازم توصله للبنت بشكل مباشر لكن هي بتفهمه من أدائك.

أصل هي عارفه الإطار الفكري بتاعك وأول ما بتكلم معاها بتقدر تشوف إذا كان عندك مبدأ ثاني أقوى، ولا إنت شخص منساق ورا دوافعك. سواء من نبرة صوتك أو حركتك أو طريقة طلبك للموضوع، بتبين إيه الدوافع اللي بتحركك وإيه اللي إنت عاوزه بالظبط من العلاقة، علشان كده اللي بيروح للبنات وهو مبين دوافعه الحقيقية بتكون النتيجة رفض.

معلش هو اختبار صعب بردو علشان أي حد بيشف بنت حلوة بيتدي يريل عليها ويفقد سيطرته على نفسه واللى جواه بيتدي يظهر على السطح. وهنا لازم تسأل نفسك سؤال، هي البنات حلوة؟ عجايبك؟

والإجابة: أه

عاوز تقييم معاها علاقة.

والإجابة: أه

طيب السؤال الأهم بقى، هل إنت ممكن تحصل على اللي إنت عاوزه لما تبين إن إنت عاوزه؟

ياريت الموضوع بالسذاجة دي!

إظهار دوافعك الحقيقية بيحطك مع ناس كتير شهك بيطلبوا الموضوع بنفس الطريقة، وبالتالي مفيش أي أفضلية البننت ممكن تختارك علشانها. لازم تكون عارف البننت بتفهمك إزاي وتحترم ده كويس جدًا علشان الموضوع ميبوظش منك.

في رجالة أذكيا في الموضوع ده، يبدأ ويفتحوا مواضيع عادية جدًا مع البنات علشان بس يدوب ياخدوا منها استجابة معينة اللي هي مجرد إنها ترد عليهم. في الغالب بيكون الموضوع عادي خالص وبيصادر على فكرة إن الراجل جاي يتكلم معاكى علشان جسمك، أو علشان رغبة جنسية وساعتها بقي هو وإمكانياته سواء قدر يقنعها إنه شخص قوي يناسب دوافع الاختيار عندها ولا لا.

لكن في كل الأحوال البداية صحيحة وبتسمح بمرور الصفة لو عرف يكمل بعد كده صح.

المهم إنه قدر يتخطى أول فلتر عند البننت وهو المسؤول عن تصفية الناس اللي عاوزه تتواصل علشان رغبة جنسية.

هو كل اللي بيعمله الراجل إنه بيدي فرصة للبننت إنها تكتشفه بدل ما ترفضه من قبل ما تكتشفه، لكن لو قربت واكتشفتك ولقيت جواك مش متوافق مع دوافعها بردو هترفضك.

معظم الناس فاهمة إن الولاد اللي شكلهم حلو ممكن يحظوا بالقبول عند البننت بس دي مش حقيقة، الولاد اللي شكلهم حلو مؤهلين إنهم يعدوا أول فلتر بس، بيقدروا يجذبوا البنات بشكل مبدئي، لكن أول ما تبتدي تقرب هتلاقها بشكل تلقائي بتدور على الحاجات اللي بترضي دوافعها الأساسية في

الارتباط، ولو إنت براد بيت هترفضك بردو لو ملقتش عندك اللي يرضي
الدوافع دي.

ببساطة الشكل لو كان بيجذبها في الأول فده مش معناه إنك عدت كل
الاختبارات.

تعالى كده نبص مثلاً لعملاء البنك ناس كتير عندهم أهلية إنهم يدخلوا من
باب البنك لكن إزاي تقدر تتمم معاملة جوة البنك.

مش هتعرف إلا لو قدرت تنفذ البروتوكول بشكل كامل.

لازم يكون معاك إثبات شخصية ويكون ليك حساب يغطي حدود المعاملة اللي
إنت عاوز تعملها.

الشخص اللي شكله حلوزي الشخص اللي منضبط الهيئة بالظبط، اللي

بيحظى بالقبول بالنسبة للأمن اللي على البوابة، لكن مش كل شخص

منضبط الهيئة يقدر يتمم معاملة جوة البنك .

هو مؤهلاته تدخله جوة البنك بس، لكن إتمام المعاملة مع البنات بيتطلب

أكثر من إن الشكل يكون منضبط، يعني إنت لو شكلك وسيم هتحظى بالقبول

المبدئي، لكن لو اللي جواك وتصرفاتك مش متسقة مع معايير الانتخاب

عندها فهتحبك ليه، إنت من برة شكلك مميز لكن من جوة شبه باقي الرجالة

مفيش حاجة تميزك، إذا ليه هي هتختارك من دون البقية إن كان المبدأ عندها

انتخاب فهتختارك إنت على أي أساس.

لازم تتعلم التواصل

التواصل عنده قدرة رهيبية على تغيير النتائج، التواصل بالنسبالي هو أب روجي لفكرة القبول في الارتباط .

كل اللي بيحصل بينك وبين البننت ما هو إلاتواصل، من أول نظرة بتحصل بينكوا لآخر ما تبلغ أحلامك هو تواصل، دايمًا البننت بتراقبك علشان تشوف تصرفاتك هتوصلها إليه.

لو إنت محتاج إني أنبهك لإن الناس مش بتهم بكلامك 10/1 من اهتمامهم بالطريقة اللي بتأدي بيها قدامهم فأنا بقلك أنه.

الناس في العموم بتهم بأداء الشخص اللي قدامها أكثر من أي شيء تاني، وبتبنتي ترسم حدود لشخصيته من خلال أدائه وطريقة التواصل بتاعته. الناس في العموم كده والبنات محترفين ده على وجه الخصوص.

قدرة البننت على اكتشاف تعبيرات لغة الجسد تفوق الولد بأضعاف مضاعفة. البننت بتقدر تكشف الحقيقة في حركاتك وأدائك، ولهجة كلامك بقدرة تفوق الولد اللي زيك بعشر مرات.

البننت بتقدر تعرف كل حاجة وبتقدر تقراكي زي الكتاب المفتوح من أبسط حركاتك اللي بتمارسها بشكل دوري في حياتك اليومية.

بس خيلينا نسأل سؤال مهم، هل البننت بتقدر تعمل ده علشان هي متفوقه في الذكاء مثلاً وبتقدر تشوف اللي الشخص اللي قدامها بيخبيه؟

الفكرة مش كده خالص والموضوع ملوش علاقة بالذكاء، لكن الموضوع قائم على خصائص البنت ومبادئها اللي بتتقصى الحقائق على أساسها. هي شيء موجود في الإنسان على العموم وموجود بقوة في البنت على وجه الخصوص.

الأسلوب دة بيتطور عند البنت علشان هي الجنس الأضعف بدنيا، وكمان بسبب كثرة الطلب الجنسي لها ودة بيحسسها إنها ممكن يتم الاحتيال عليها ويبرسخ فكرة إن عندها ما يستوجب الحماية ودا بيخلى العقل يطور أساليب حماية أكثر تعقيد.

لكن البنت بتشوفك على أساس مبادئ، ممكن بسهولة التوافق مع المبادئ دى لو قدرنا نفهمها صح.

أول شيء لازم يستقر في وعيك، هو إن البنت مش بتشتري من كلامك قد ما بتشتري من تصرفاتك، وطريقة أدائك اللي هي قدرتك على التواصل بمعنى أصح.

قدرتك على التواصل الجيد هي اللي بتخلي على البنت الطريقة اللي هتتعامل معاك بيها.

هنحاول نسرد مع بعض مبادئ التواصل والحاجات اللي البنت بتركز عليها في أسلوبك علشان تقدر تكون فكرة عنك، وعلشان تكون فاهم الموضوع ده بيحصل في دقائق.

البنت زي ما اتفقنا بتفهمك بقدرة تفوق صاحبك الولد بأضعاف ومش بتحتاج وقت كتير علشان تففسك أو تعرف حقيقتك.

طبيعة البنت إنها بتدور على الأمان أكثر من الراجل، والفكرة دي بتأثر فيها
جدًا علشان كده بتكون حساسة جدًا تجاه الأشخاص اللي بتتقرب منها وبتقدر
تنتقي بدقة إذا كانوا هيخدموا أهدافها من الارتباط ولا لا.
علشان كده لازم تهتم بقدرتك على التواصل كويس جدًا اللي منها حاجات كتير
زي اللي هقلك عليها دلوقتي.

-الكلام

لو حبيننا نوصف الكلام هنقول إن هو توافق أفكار الإنسان مع اللغة اللي بينطق بيها، أو هو محاولة على الأقل للتوافق، أو هو الطريقة اللي بيعبر بيها الإنسان عن إرادته ورغباته.

خلينا متفقين إن مفيش حد تقريبًا بيفسر الكلام على المعنى الحرفي اللي بيسمعوا مننا.

يعني زي ما قولنا البنت ما بتهتمش بكلامك لكن بتهم بشواهد كلامك ورسايك المباشرة بالكلام ولا ليها أي اعتبار لكن البنت بتتلقي رسائل تانية أصدق بتوصلها ضمن أسلوب كلامك معاها.

عمق فهم الإنسان للتواصل بيخلي الكلام ليه أبعاد تانية خالص غير المعنى الحرفي اللي إحنا بننطق بيه.

بدليل إن البنت مش بتحتاج منك غير إنك تتكلم معاها مرة واحدة لو إنت متعرفهاش؛ علشان تشوف إذا كنت متوافق مع مبادئ الارتباط عندها ولا لا. بتقدر تحدد شخصيتك على أساس الكلمات اللي بتنطق بيها معاها.

علشان كده أسلوب كلامك بيحدد كتير جدًا مع البنت.

لازم تكون مؤمن إن كل مشاعرك اللي جواك بتبان في الكلمات اللي بتعبر بيها.

طبعًا لو إنت على سجيكتك ومش منتبه لفكرة إن اللي جواك بيظهر على

كلماتك فده معناه إنك هتخبط كتير وهتفضل تلف في دايرة من غير جدوى.

لو بنت إنت متعرفهاش فلازم تكون عارف إن الكلمات هي أول حاجة هتواجهها
بها، تخيل إن قدرتك على ضبط كلامك مع البنت بتحدد على أساسه بأكثر من
90% إذا كانت هتكمل معاك ولا لا.

علشان أكون دقيق معاك الفكرة مش في الكلام في حد ذاته، علشان الإنسان
يقدر يقول أي كلام عادي مفيش حاجة ممكن تحددله يقول إيه وما يقولش
إيه، لكن الفكرة إن الكلام بيدي انطباع بنسبة كبيرة عن اللي جواك وعن
حقيقتك.

البنت مش بتهم بالمادة المعروضة في كلماتك قد ما بتهم بالخلفية اللي جواك
اللي بتحرك الكلمات دي.

هنحاول نشوف مع بعض كده الضوابط اللي ممكن نظبط على أساسها
كلامنا، والأخطاء اللي مش بننتبه لها في الكلام واللي بتكون سبب رفض بديهي
عند البنت.

_ متحاولش تأهل نفسك للبنت بالكلام

أكبر خطأ ممكن يقع فيه الولد مع البنت هو إنه يأهل نفسه لها باستخدام
الكلمات.

إن الولد يحاول يعبر عن نفسه بكلمات شبه أنا جامد، أو أنا حلو ممكن
تحبيبي وترتبطني بيا، أو أنا عندي كذا وكذا، أو أنا قرايبي كذا وكذا، أو أنا
اشتريت عربية بأد كده.

كل دي حاجات ساذجة جدًا والمفروض الشخص ميقعش فيها إلا إن معظمنا
بيقع فيها.

الولد سيكون فاهم إنه ممكن يغري البنت لما يعمل استعراض لإمكانياته قدامها بالكلام، بس الحقيقة إن الأمر بيكون في أغلب الأحوال سلمي وبيجيبك تحت. لو روحت تكلم البنت عن فلوسك مثلاً، وإنت عارف إن الفلوس جذابة هيبقي كإنك بتقلها مش إنتوا بتنجذبوا للمال، أنا معايا مال يلا انجذبيلى وهيبان الأمر كإنك بتدعي والبنت هتفكسلك بردو.

بيحضرني هنا مشهد في فيلم "بنت الحنة" كان شكري سرحان شاب من أسرة فقيرة وبيطمح لحياة الأغنياء وكان كل ما يجمع مبلغ يروح يسهر بيه؛ علشان يعيش جزء من حياة الأثرياء اللي حاططها نصب عينه.

وفي يوم وهو في البار كان متغاض جداً؛ علشان البنت مش منجذباله وكان متغاض ومستغرب أنا لابس كويس، وبصرف كويس وموجود دلوقتي في وسط الناس الأغنياء محدش يقدر يميزني عنهم بأي شيء.

وبعدين بدأ يتكلم مع البنت وقالها على فكرة أنا غني ومعايا فلوس، وحاول يظهر اللي معاه وما كان من البنت إلا إنها سخرت منه.

حاجة كده شبه غني إزاي إذا كنت إنت مش مصدق نفسك عاوزني أنا أصدقك، تعالى كده نبص للمغالطة اللي وقع فيها شكري سرحان.

شكري سرحان مش غني لكنه ظهر في البار بمظهر الأغنياء، بس هو عارف نفسه كويس والفكرة مسيطرة عليه ومش قادر يصدق من جواه إنه غني ببساطة لإن مش دي حقيقته، واتصرف بمنتهي السذاجة وراح قال للبنت أنا غني، والموضوع بالنسبة للبنت ساذج جداً وأنا مالي إنت غني ولا مش غني. شكري سرحان في المشهد ده كان بيحاول ياخذ الإيمان من مصدر خارجي علشان يدعم بيه إيمانه الداخلي.

يعني يقول للبنت أنا غني فالبنت تقول واو فياخذ هو الاستجابة دي، ويرقع
بها عجز الإيمان اللي عنده والموضوع ساذج جداً بصراحة علشان البنت مش
هتديلك حاجة إنت مش قادر تديها لنفسك.

البنت أصلاً في نفس المشهد ظهر لها النموذج المؤمن فعلاً.

كان أحمد رمزي وكان غني بالفعل ومكنش محتاج يظهر ده للبنت، وكانت
البنت منجذبة ليه وضربت بيه مثل في نفس المشهد لشكري سرحان ساخرة
منه وقالته ده الغني مش إنت.

اللي بيحاول يشير لأمر ما بالكلام ده معناه إنه بيحاول يرقع حاجة ناقصة
عنده، أقعد بقى إنت إهري مع البنت في أنا عمي لواء وخالي رجل أعمال، وبابا
كان طيار وممكن البنت تنجذب انجذاب كاذب للكلام ده، بس لو قابلت
شخص تانى بيقدر يتجاوز عن الأمور دي ويخرجها من تقديره علشان شايف
إن مش الحاجات التافهه دي اللي هتأهله للبنت، فده بيخلى البنت تحس بعد
كده أد إيه إنت كنت تافه وسطحي وضعيف وتبني قوتك من مصادر إنت ما
اشتغلتنش على صناعتها.

هو أساساً ميولك لإن إنت تعبر باستخدام الكلمات عن أفكار لو هي موجودة
فعلاً هتبان على تصرفاتك فده بيترجم عند البنت على إنه كذب أو حاجة مش
صادقة.

يعني لو اللي إنت بتدعيه ده عندك فعلاً فالزمن هيظهره عليك من غير أي
مجهود منك، فكون إنك تتكلف بمجهود لمحاولة إثبات فكرة معينة ده معناه
إن الفكرة لسة مش مكتملة عندك، أو إنت بتحاول تصورها أكبر من حجمها
والموضوع بيكون مكشوف أوي يعني.

المفروض إن كلماتك تتوفر للحاجات اللي مستخبية ومحتاجة إجلاء فعلاً، أو الحاجة اللي مش هتتفهم إلا لو اتكلمت عنها، لكن إيه فايده إنك تروح تتكلم عن حاجات المفروض إنها لو عندك هتبان عليك فعلاً من غير كلام. الحاجات اللي شبه دي لما بنحاول نبينها في الكلام بتوصل على إننا مش واثقين في اللي عندنا ومهزوزين والبننت مش بتحب كده. علشان كده أوعى تأهل نفسك في بالكلام خلي اللي عندك يظهر عليك فعلاً، وحتى لو هتدعي وجود شيء معين هو مش عندك فبلاش تستخدم الكلام علشان الموضوع بيكون ساذج أوي.

__اهتم بالأفكار متهتمش بالأشخاص

المواضيع اللي إنت بتفتحتها وبتناقشها هي اللي بتبين الأفكار اللي بتسيطر عليك.

بتبين إنتماءاتك وعقليتك اللي بتواجه بيها الحياة.

أومال يعني الحاجات دي ممكن تبان من إيه غير كلماتك، كلماتك في أغلب الأحوال بتكون خريطة للي جواك زي ما قلنا علشان كده لازم يكون في انتقاء للمواضيع اللي بتتكلم فيها.

لو إنت من النوع اللي بيركز جامد مع الأشخاص وأكثر كلامه بيكون انتقاد للأشخاص اللي حوالياه، أو سخرية منهم فمعلش ده كفييل إنه يقفل البننت منك نهائي، طبعاً أنا بكلمك على البنات الحلوة اللي كله بيتمنهاها وبيجري وراها، مش البننت اللي مش فارق معاها حاجة وممكن ترتبط بأي حد، النوع ده من البنات مش هيعجبك أصلاً.

مينفعش بيان في كلامك إنك عاوز تصنع مجد شخصى على حساب
الأشخاص الثانية.

بتبقى في نظر البنت عامل زي الحرامي اللي مش لاقى قيمته عند نفسه
فيسرقها من غيره.

كمان متعملش فيها كومديان على حساب اللي حواليك دا بردو حاجة بتقفلها
منك.

خلي النقد والسخرية من المواقف مش من الأشخاص علشان متبنش سطحى
وفاضى من جوة وساعتها البنت مش هتحترمك.

البنت عاوزة حد بيحترم نفسه علشان تقدر تحترمه وتقدره.

خلي كل كلامك حوالين الأفكار وعارض أفكار الأشخاص دون التطرق
لشخصياتهم.

الكلام ده البنت بتاخذ بالها منه كويس جداً وبتقدر تحدد شخصيتك على
أساسه فلازم تاخذ بالك.

_ انتقى ألفاظك

الألفاظ نفسها بتعبر عن ثقافتك، كثير من البنات بيقدروا بينوا تصور
حوالين البيئة اللي إنت كنت فيها، والحياة اللي إنت عيشتها من خلال
استخدامك للألفاظ.

لما بقول الألفاظ فقصدى الألفاظ المجردة اللي مش بتعبر عن أي شيء غير
المكان اللي إنت اكتسبت منه الألفاظ دي، هتقولى منا مش هكون على غير
طبيعتي ومش هتنكر لأصلي.

بس الفكرة مش كده خالص، كل الحكاية إنك هترتقي بمستوي ألفاظك ما هو
معلش مش كل اللي بتعلمه عليك البيئة اللي إنت نشأت فيها صح.
في حاجات كتير في البيئة مش صح وألفاظ لا ترقى لمستوي التعامل الإنساني.
وفي المقابل زي ما هتستغنى عن الألفاظ الرديئة هتستغنى عن الألفاظ اللي
فمها تكلف.

يعني لو البننت متوسطة الثقافة متقعدش تحشي قدامها كلام إنجليزي أو
مصطلحات علمية على الفاضي والمليان.

مستوى ألفاظك لازم يكون وسطي، ويكون في حد أدنى لمستوى التعبيرات
بتاعتك متتنازلس عنه وفي نفس الوقت مترفعش المستوى أوي فتبان متكلف.
كل ده بيوصل رسايل للبننت بمدى تحضرك وقناعتك بنفسك اللي بتخليك في
غنى عن إنك تحاول تظهرها باستخدام الألفاظ الواو.

_ خلي الكلام وقت الحاجة بس

أوقات كتير بنكون فاهمين إننا ممكن نحقق انتصار بالكلام.
لما الأشخاص اللي حوالينا بتمارس الهجوم علينا في الكلام، لما بيحاولوا يظهرنا
عيوبنا أو يقللوا مننا بتكون لحظة اختبار قوية لينا.
ردنا ساعتها بيحدد حاجات كتير.

مممكن تسكت بس السكوت ده هيتفهم إيه، السؤال هنا تعرف تسكت
السكوت اللي هيتفهم قوة مش خوف؟

ما إنت ممكن تسكت لأكثر من سبب، أولاً: علشان خايف من الشخص اللي قدامك، وممكن تكون علشان مش لاقى رد، وممكن تكون علشان إنت عندك القدرة على تجاوز النقد ده.

وممكن تسكت ساخر من اللي قدامك، المعاني اللي بيتفسر على أساسها السكوت بتاعنا بتوصل في أغلب الأحوال، علشان كده لازم نكون منتهين للفكرة اللي بنوصلها من السكوت بتاعنا. ومن الطبيعي وده اللي بيحصل في أغلب الأحوال إنك ترد على الإهانة وهنا طبيعة الرد بيفرق أوي.

إنت ممكن ترد الإهانة بإهانة علشان بيان إنك مش خايف وده صح في الحالة دي، وممكن ترد الإهانة بإهانة وبيان إن الإهانة لمستك من جوة فعلشان كده اتغظت وبترد وفي الحالة دي الرد غلط.

وفي كل الحالات السبب الحقيقي بيوصل للبنت وتكون عارفة إنت بتقول كده ليه، هي عندها قدرة غريبة على معرفة الخلفية اللي جواك واللي بتحرك كلامك.

وممكن ترد رد ملوش علاقة بالإهانة الموجهة ليك بس لازم أدائك يكون صادق علشان بيان إن إنت فعلاً مش مهتم للإهانة وإن الكلام ده مش بيقل منك. الموضوع لا ينطبق على الإهانة فقط لكن خلي كل كلامك بوقت وحاول إنه يكون ليه معنى راقى ده جذاب جداً للبنت.

أنا عارف إنه صعب بس معلش الموضوع يستاهل إنك تتدرب عليه علشان هيفرق كتير جداً في حياتك.

حاول متخليش الكلام قشرة ضعيفة تغطي بيها رغبتك في تلميع نفسك، علشان البنت بتقدر تشوف اللي تحت القشرة دي وتففسك.

كل اللي تقدر توصله للي قدامك من غير كلامك وصله من غير كلام، وخلي الكلام هو آخر سلاح تستخدمه علشان تعبر بيه عن نفسك. البنت أو حتي أي حد ساذج بيكون فاهم إن الإنسان يقدر يقول ما يشاء من كلمات وإن الكلام بيخرج من غير فواتير علشان كده الثقة في الكلام بتكون قليلة شويتين. متخليش البنت تشوفك حد ناقص بيحاول يكمل نفسه ويرقع بالكلام.

-الصمت-

قد إيه الصمت بيكون قوي ومعبّر ومؤثر في نفس الوقت في الأشخاص اللي حوالينا، انتقاء مواضع الصمت مع البنت بيكون مؤثر جدًا وبيخلها تقع من غير ما تفكر. الصمت من أصدق الطرق اللي ممكن نتواصل بيها مع اللي حوالينا. طبعًا زي ما اتفقنا إن الصمت بيتفهم على أساس السبب اللي وراه. يعني لو صمتك خوف أو هيتفهم على إنه خوف أوعى تسكت. تخيل معايا كده واحد المدير بتاعه بيأنبه وهو ساكت مش قادر يرد، هل هو في الوضع ده هيكون جذاب للبنات اللي حواليه بسبب صمته مثلاً؟! وبردو انا مش بقول كدة علشان يرد و يتقطع عيشه! كل الحكاية إن الصمت بيتعرف على حسب موضعه و مش أي صمت بيتفهم قوة ولما صمتك يتفهم ضعف تقدر ساعتها تفاضل بين جدوى الرد أو الصمت وتشوف إيه أفضل على كل المحاور.

الصمت اللي بيتفهم على إنه قوة هو الصمت اللي بنتبناه علشان نتجاوز بيه عن الكلام اللي بترفع عنه.

أو الكلام اللي إحنا شايفين إنه مش من مستوانا أو مش مناسب لينا. الصمت ده بالنسبة للبنت شكل من أشكال التقل يعني مش أي حاجة تثيرك كده وتخليك عاوز تتكلم وده مش بيجذبهم دا بيجنهم.

الصمت عنده قدرة إنه يخلق ليك هيبة مش طبيعية في نظر البنت. طول ما إنت ساكت فإنت مجهول بالنسبة لهما وبتكون مش قادرة تتوقع ردود أفعالك، بتخلق فضول جواها ونهم بإنها تكتشفك وتسمعك وانت بتتكلم. أهم شيء إنك تختار مواضع الصمت بشكل صحيح علشان سكوتك يفضل مفهوم بالمعنى اللي إحنا عاوزين نوصله للبنت.

مش لازم ترد في كل المواضيع اللي بتثار قدامك حاول تنتقي مواضع الكلام بعناية وخلي الباقي كله صمت وحاول متتصنعش صمتك.

خلي الصمت ده يبان على إنه طبيعتك وشوف إزاي هتقدر تعيد صياغة شكلك وصورتك في نظر البنت بشكل ثاني أقوى بكتير.

-التواصل بالعيون

مش يقولوا العيون بتقول كل حاجة، العيون فعلاً بتتكلم وتتوصل معلومات كثير، علشان كده لازم تكون مهتم بالمعلومة اللي بتوصل من نظراتك. التواصل بالعيون بالذات عامل زي المشي على الحبل يعني لازم يكون عندك اكبر قدر من الإتزان تجاه نظراتك علشان المعني اللي محتاجين نوصله ممكن يختلف تماما لو نظارتنا مش متزنة. وعلشان ببساطة الحكاية بتبدأ بنظرة ولو إنت مش متقن كل حاجة هتبوظ منك.

النظرات بتفرق كثير أوي في الأول والاستجابة الأولى للبنت بتكون نظرة في أغلب الأحوال، علشان كده التواصل بالعيون مهم جداً في المراحل الأولى. أغلب البنات اللي كنت على علاقة معاهم كان في بيبي وبينهم اتصال بالعيون في البداية.

كان لازم أخذ استجابة منها بتمثل موافقة أولية بالنسبالي عن طريق نظرات عيونها وبعد كده أبتدي أتكلم معاهها. خلي بالك الاتصال بالعيون سلاح متعدد الأنصال و لازم يكون في اتزان زي ما قولنا.

يعني الموضوع ليه أكثر من بعد وممكن تتفهم بأكثر من طريقة مع البنات. إزاي بيان رغبتك في التواصل في عيونك من غير ما بيان الضعف أو الاحتياج، أو إنك بتريل وعاوز علاقة بأي شكل.

المغالطة التي يقع فيها الولاد في أغلب الحالات التي بتقابلني هو إنهم يتواصلوا بالعيون لكن بيوصلوا أفكار غلط عن أنفسهم.

لازم إيمانك بنفسك بيان في نظرتك للبنت التي قدامك.

من أكبر الغلطات التي ممكن يقع فيها الشخص هو الإفراط في النظر للبنت، إنه يبصلها كثير وعلى الفاضي وعلى المليان ودا شيء سلبي جدًا.

علشان ببساطة انت بتزود ثقمتها في نفسها وبالتالي بتزيد قدرتها على الممانعة ومش بتيجي معاك بسهولة.

ضيف كمان إن النظرات لو زادت عن حدها بتتفهم على إنها أسلوب لإشباع الرغبة عند الولد، يعني إنت واقع وتستخدم النظرات علشان هي مجانية ومفيش عليها ضريبة علشان تشبع رغبتك.

ما هو من المفهوم إن النظر للبنت مجاني والبنيت عمرها ما هتقلك إنت بتبصلي ليه بس هي بتفهم إنك قليل الحيلة وتعمل كده علشان ترضي رغبتك.

والموضوع ده ببيان ضعيف ومش بيوصلك لأي حاجة خاصة لو البنيت حلوة.

في حالات نظراتك بتكون معيار حقيقى عند البنيت لمسألة غناك أو فقرك العاطفي، كل نظرة بتخرج منك على البنات التي رايحة وجاية هي احتياج بيعي بدافع العواطف التي جواك واللى مايبتمش اشباعها بشكل كامل، افتقار لنوع معين من المشاعر والمعاملات مع الجنس الأنثوي التي بيخلي الولد مش على بعضه والنظرات بتفلت منه يمين وشمال.

الحاجة التي لازم ترسخ في ذهنك إن النظرة ليست وسيلة لاشباع رغبتك ولكن هي شيء من أعراض الحالة التي إنت عليها.

الموضوع عامل زي الكحة أو العطسة المصاحبة لدور الأنفلونزا، بتكح أو تعطس فتحس إن إنت بترتاح، لكن لا الكحة أو العطس علاج لحالتك. الكحة والعطسة بيخرجوا بشكل عفوي منك وكذلك النظرة. لكن الفرق إن أعراض الأنفلونزا بتحصل بدافع بيولوجي وتعود لتفاعلات بيولوجية إنت ملكش سيطرة عليها علشان كدة محدش يقدر يحتقرك لأنك كحيت أو عطست. أما النظرة بتحصل بدافع فسيولوجي بحت ودا داعي إن البننت تبصلك نظرة دونية.

نظراتك هي أعراض احتياجك النفسي واللي بتوصل حقيقتها للبننت اللي قدامك زي إنك واقف بتكلم شخص مفيد بينك وبينه ومسافة وترجو إنه مياخدش باله من كلامك أو ميسمعكش وانت بتتكلم. في كتاب العادات السبع اتكلم الكاتب عن المثير والاستجابة، وإن اللي بيميز الإنسان عن أي كائن حي تاني هو إن عنده شيء فريد وموجود عنده هو بس ممكن يتوسط ما بين المثير والاستجابة وهو الإرادة الحرة. إرادة الإنسان ممكن تتدخل ما بين المثيرات والاستجابات التلقائية لتلك المثيرات.

علشان كدة الإنسان بيقدر يغير أنماط تلقائية بيتعامل بيها في حياته. أحد أصدقائي وهو مدخن شره، وكنت بتكلم أنا وهو حوالين إمكانية التوقف عن التدخين فحكالي إنه قدر يوقف قبل كدة تدخين ولمدة شهرين كاملين. لكن كان الدافع قوي، الدكتور حذره لأنه كان بيجيله نوبات ضيق تنفس وكان الوضع حرج وممكن يسبب وفاة، علشان كدة اضطر يبطل سجاير ويغير

حاجة كان بيعملها بشكل تلقائي لمجرد إن في دافع أقوى تدخل وهو الرغبة في البقاء.

مع الأسف مش دايمًا تصرفاتنا الغلط بتعارض مع دوافع قوية زي فكرة البقاء وعلشان كدة الموضوع محتاج إرادة حرة ورغبة في التغيير للأفضل علشان تقدر تنتزع حاجة زي دى من نفسك. علشان كده لازم تكون نظراتك للبننت قوية وفي نفس الوقت محدودة مش تقعد تبصلها على الفاضى والمليان.

لازم تكون فاهم إن زي ما في بنات بتكون مستنية نظرة علشان تقع معاك، في بنات كتير جدًا بيجذبهم إنك ما تبصلهمش علشان النظرة دي نوع من أنواع الاهتمام اللي بيخليهم يتمردوا في النهاية ومتعرفش توصل للى إنت عاوزه.

-اتواصل بجسمك

أساسًا 75٪ من فكرة البننت عنك بتكون من جسمك ولغة جسمك، التعبيرات اللي بتبان على جسمك من أكثر الحاجات اللي ممكن تأثر في البننت بالسلب أو الإيجاب.

دايمًا الانطباعات اللي جواك بتبان على حركة جسمك واللي قدامك بيقرأها بمنتهي السهولة.

حركة إيدك مثلًا وانت قاعد هل انت مخبها ولا ظاهرة قدامك؟ حاططها في جيبك ولا جنبك ولا مربعها مثلًا، كل دي حاجات بتدي رسائل للبننت حوالين طبيعة أفكارك وبتخلي قراءة اللي جواك أسهل.

في مرة من المرات بنت بعثتلي علشان تتواصل معايا لمجرد إنها شافتني حاطط
إيدي على كتف ولد تاني بشكل يوحي بالسيطرة، موقف بسيط وتحس إنه
تافه لأول وهلة وكان معمول بعفوية بصراحة أنا مكنش قصدي أوصل أي
حاجة، وكنت على طبيعتي بس هي دي الرسالة اللي وصلتها من الموقف ده، هي
طبعاً ماجتش قالت كدة بس أنا شوفت الانجذاب في عنبها وخمنت إن ممكن
يحصل تواصل والعفوية كمان كان لهما دور كبير علشان ما بيانش أي تكلف في
حركاتي، الرسالة وصلت وقتها زي ما هي مكتوبة جوايا بالظبط.

العفوية لوحدها شيء مثير بالنسبة لهم وبالذات لما تظهر على لغة جسديك
الثقة والسيطرة بشكل عفوي.

طريقة جلوسك بتفرق جداً مع الطريقة اللي بتتلقاك بيها البنت، إنت قاعد
مفرد ولا قاعد مكسوف ولا مم نفسك، طريقة جلوسك من ضمن الحاجات
اللي بتبين إذا كنت شخص آمن ومطمئن ولا مرتبك أو مترقب، وبالتالي هي
هتكون مطمئنة على نفسها معاك ولا لا.

طريقة جلوسك لوحدها البنت ممكن تحدد على أساسها إذا كانت هتكمل
معاك ولا لا، لو بان عليك القلق هتتقل منك.

في أول لقاء ليك مع البنت بتكون مركزة في الحاجات دي أوي.

ضيف على كده كمان طريقة وقفتك ودي مهمة جداً، هل إنت واقف منتصب
ولا مش واقف عدل.

قائم بذاتك ولا واقف ساند على حاجة.

من الآخر كده طريقة وقفتك بتوحي بيايه علشان وقفتك بتوصل رسالة عنك،
لو واقف ساند على حاجة بيبان إن عندك نوع من الإتكالية وإن انت مش
بتعتمد على نفسك.

كمان طريقة مشيك أو مشيتك الي إنت معتمدها لنفسك.
من المفهوم إن المشي في العموم هو وسيلة سعي الإنسان لتحقيق أهدافه، أو
هو الطريقة الي بيقوم بها على تحقيق رغباته.
والبنت بتتعرف على جزء كبير منك عن طريق تقصيصها لطريقة مشيك.
لو إنت مشيتك بطيئة فده معناه إنك متخاذل عن تحقيق أهدافك، أو إن
رؤيتك مش واضحة وفي بعض الأمور في حياتك إنت مش على دراية بيها وبالتالي
بتتناقل في خطواتك.
ولو إنت مشيتك سريعة عن اللازم فده معناه إن انت مدفوع من مؤثر خارجي
لتحقيق أهداف غير أهدافك، أو إن في حاجة مسيطرة عليك وهي الي
مسريعاك بالشكل ده.
أفضل وضع تظبط عليه مشيتك إنك تخلبها معتدلة الي هو لا سريعة ولا
بطيئة لكن وسط، في اية في القران الكريم بتقول "واقصد في مشيك".
هو ده بالظبط النموذج الي المفروض نظبط عليه مشيتنا.
كل الي مطلوب منك علشان تعابير جسمك تزن إنك تحط مفهوم القوة
جواك وإن أسوء الأمور ممكن تحصل وانت بردو مش فارق معاك وبعد كدة
كن على سجيتك، خليك تلقائي وبس.
ساعات كنت بسأل نفسي إيه أفضل لما أحط إيد على إيد وأنا قاعد ولا أحطها
في جيبي ..طب أحطها قدامي على الطاولة ولا أخلبها مدارية!
ياخي إنت محتار بإيدك الي المفروض ربنا خلقهالك علشان تساعدك أو مال
هتعمل إيه لما يكون مسؤول منك أكثر من فرد.
بعد ما غيرت قناعاتي وإعتمدت أكثر على أفكارى بدل من محاولة ضبط
المظهر الخارجى لقيت إن الأمور أكثر اتزان وبتصرف من غير ما أفكر وكل

تصرفاتي مناسبة ومقبولة حتي لو فيها أخطاء فهي بتكون أهون في إطار
محصلتي المقبولة.

-الحضور

أكثر حاجة واو ممكن تشد البنت والناس ليك بصفة عامة هي حضورك.
الحضور من الخصائص اللي بتكون محورية وبتخلق تغيير جذري بين شخص
والثاني، أعرف بعض الأشخاص عندهم الحضور ده بشكل فطري مؤثرين
جدًا في اللي حوالهم ومصدر انجذاب لكل الناس اللي بتقابلهم.
الحضور ده من الحاجات اللي بتخلي البنت تقع من غير ما تفكر.
علشان يكون عندك حضور لازم تهتم بدخولك على الناس أو المجالس بصفة
عامة وانصرفك عنها.
يعني أول ما تدخل الناس تحس بحضورك، تكون منتصب القامة وبتتكلم
بصوت معتدل ومسموع ومعدكش مخاوف من أي حد.
لما تنصرف عن المجلس بردو لازم تنصرف بقوة وبشكل يلاحظه كل الموجودين.
الحضور هو إنك تحضر في ذهنها كل ما تغيب عنها بسبب تصرفاتك القوية
اللي بتعملها طول ما إنت موجود معاها.
الحضور في العموم هو إنك تحضر بتأثيرك في المكان اللي بتحضر فيه
بجسمك، ولما تغيب تفضل حاضر بكامل كيائك في أذهان كل الموجودين.
حضور لكن من غير تكلف ومن غير ما يختلط بيه حب الظهور والدعاية
الكذابة.

نصف كاريزما الرجل بتكون في حضوره، والحضور ببساطة بيوصل رسالة للبنت بالوضوح وعدم القلق أو الخوف من أي شيء.
بيوصل رسالة بمدى الفاعلية اللي عندك وقدرتك على إدارة المواقف ومواجهتها بدل الهروب منها.
الحاجة بتدي شعور الأمان عند البنت، بتحس إن إنت حاجة ينفع تعتصم بيها علشان تدعم رغبة البقاء اللي متأصلة جواها أساسا.
كل حاجة البنت بتشوفها منك بتفسرها على الأفكار الأساسية والمتأصلة جواها، ومبادئ الجهاز اللي بيختارك اللي اتكلمنا عنها قبل كده، واللي على أساسها البنت بتتقفل منك أو بتنجذب ليك من غير أي إرادة منها.
الموضوع بيكون لذيذ أوي لما تعرف إن في حاجات لو إنت عملتها البنت هتنجذب ليك من غير إرادة.

اظبط البوصلة

-اظبط قناعاتك

من خلال سماعي لأغلب مشاكل الأولاد بالنسبة لفكرة الارتباط بالجنس الآخر حسيت إن في أغلب الأحيان إن قناعات الولد هي اللي بتقف في طريقه. الولد من غير ما يكلم البنات بيكون في منطقة أمان ومش عاوز يطلع منها وبناء عليه بيخاف يخوض التجربة أصلاً. اللي هو الكلام اللي أنا بكتبه ده مالوش أي لازمة بالنسباليه لو فضل بالقناعة دي.

في ولاد بتتعامل مع البنات على إنها قطر هيدوسه لو فكر يقرب منه، البنات هتصوت وتلم عليه الناس وهتبقى فضيحة. ناس كتير الفكرة دي بتقف حاجز قدامهم وكنت باخد فترة طويلة علشان أشيل الفكرة دي بس من دماغهم. لازم تكون فاهم إن مفيش كده في الدنيا ولو حصل مرة فده هو الاستثناء مش القاعدة.

الفكرة دي بتكبر وتتمدد في عقلك بسبب الخوف. الخوف اللي في أغلب الأحوال بييجي علشان البنات دي كائن مجهول بالنسباليك. إنما الحقيقة غير كده خالص، يمكن علشان أنا قريب من الموضوع شويتين فشاييف الحقيقة بشكل مختلف.

لكن لو مخضتس التجربة كان هيبقى في حاجات كتير أوي مستخبية بالنسبالي
حوالين الكائن الغامض ده.

إنت اللي بتختار وضعك والأسلوب اللي البننت هتعاملك بيه بس هتعمل كده
إزاي وإنت خايف تقرب أصلاً.

طبعًا لو حلفتلك إن البننت عاوزاك أكثر ما إنت عاوزها مش هتصدقني، مع إن
الكلام ده بديهي وهبل بالنسبالي إلا إنه غريب بالنسبة للناس البعيدة عن
الموضوع.

من ضمن القناعات الغبية اللي الولد بيتعامل بيها مع البننت هو إنه بيحسسها
إنها صاحبة فضل عليه إنها بتكلمه، بيديها قيمة أكبر من قيمتها وبيخليها تتمتع
عليه.

واحد بيحكلي عن واقعة حصلت ليه مع خطيبته وهي كانت حلوة شوية على
حد قوله وبعدين قاللي إنه في مرة من المرات سألتها هو إنتي ممكن تسبيني، أنا
خايف تسبيني أنا عاوزك.

قاللي الجملة دي كانت نقطة تحول وفي أقل من إسبوع انفصلنا ومش عارف
ليه رغم إنه طول الوقت هدايا وطبطبة وكلام حب.

البننت بتدور على حاجة أقوى منها تعتصم بيها وهي اللي وصلها إن هو اللي
محتاجها وعلشان هي حلوة ومطلوبة فإنت زيك زي غيرك، جملة واحدة كانت
كفيلة إنها تظهره باهت قدامها وتخليها تغيير قناعتها لإن هي حست إن هي كتير
عليه.

محدث هيعرف يعملك حاجة ولا يساعدك طول ما إنت عندك قناعات واقفة
ضدك.

لازم تتعامل معها على إنها عادي وإنك مش واقف عليها وإن العلاقة اللي بينكم فيها استفادة متبادلة.

بس الجرانند ماستر هو اللي بيقدر يوصل للبنت إن هي اللي محتجالة. البنت بتوصل لمرحلة أنا مش هعرف أعيش من غيرك، دي بسهولة بس بردو علشان انت بعيد عن الموضوع مش عارف تتخيله صح. البنت ممكن تعيط وتموت نفسها عليك، وهي اللي تقف تستناك تحت البيت وتترجلك متسيماش. من أكثر الحاجات اللي بتأهلك للموقف ده هي قناعاتك وانت شايف نفسك إزاي.

أنا عاوزك تتعامل مع أي بنت حلوة على إنها فرصة من ضمن ملايين الفرص، علشان هي مش أكثر من كده فعلاً.

حتي لو رفضتك الفرص كتير ومش بتخلص، لكن طول ما البنت بتحس منك إنها محورية في حياتك وغياها ممكن يفرق هتركب عليك وتدلدل، ضيف على كده إنها بتتقفل منك أصلاً.

الموضوع مبدأش تتغير نتايجه معايا غير لما عدلت قناعاتي وبقيت مؤمن إن البنت مش هي اللي بتختار إذا كانت هتكمل معايا ولا لا.

أنا بس اللي بختار العلاقة هتروح على فين ومصيرها إيه وهتكمل ولا مش هتكمل.

هتقولي ليه يا عم هو إنت ماسك عليهم ذلة ولا إيه؟

الحكاية مش كده لكن هو صراع بين رغبتك في الارتباط وبين المبادئ اللي جواك اللي بتخلي العلاقة تستقيم.

-البنت مش قطر هيموتك-

زي ما قلنا قبل كده أغلب الولاد علشان جاهلين بالموضوع وعالم البنات ده شيء غامض بالنسبة لهم، شايفين إن الموضوع صعب وفي ناس بتكون شايفاه مستحيل، الوقوف قدام بنت ومحاوله الكلام معاها زي الوقوف قدام القطر كده بالضبط، الاتنين ييموتوا!

الخوف من المجهول بيخلي الولاد خايفة تقرب من البنت وتطلب الشيء اللي هو يعتبر فطري أساسا في الحياة.

أنا أول ما أدركت نقطة الخوف من المجهول ده وعرفت إنها من أكبر الحواجز اللي بتبعدني عن الموضوع بصفة عامة وكان عندي جامعة ثاني يوم الصبح، قلت لنفسى بسيطة أنا هخلي المجهول دا معلوم ومش هخلي حاجة غامضة بالنسبالي، كنت عاوز أحقق اسكور ساعتها.

كنت بكلم كل بنت بتقابلني تقريبا، حتي اللي واقفة مع زميلها واللي مقابلاني من وشها واللي عدت بظهرها، مكنش في إسكربت معين في دماغي، كنت بقول أي كلام وفي أغلب المرات كانت البنت بتضحك علشان الكلام كان عفوي. إترسخت عندي حقيقة إن البنات مش بتعض، هي دي الحقيقة النظرية اللي كنت مؤمن بيها وأثبتها لنفسى بشكل عملي.

أكثر طريقة تواجه بيها خوفك من الكلام مع البنات هي إنك تروح تتكلم معاهم، لو إنت فاكر إن في قطر هيدوسك أنا بقولك خليه يدوسك، روح جرب شوف القطر بيدوس ولا بيزغزغ.

بعد ما بقيت محترف في الموضوع وممكن لو عاوز أتعرف على أكثر من بنت في اليوم الواحد، واخذ أرقامهم وأقابلهم كلهم في يوم واحد ودا مش أمر حميد

ومش بفضلله لكن حرفياً ممكن كل ولد يعمل كده فعلاً سواء طويل أو قصير،
وسيم أو شكله عادي، عنده عربية أو لا، كل دي حاجات مش بتفرق.
الموضوع عامل بالظبط زي إحنا لينا عندكوا أمانة وجايين ناخدها، اتصرف
كإنك رايح تاخذ حاجة بتاعتك أصلاً ومش من حق أي حد يعارضك حتي
الشخص اللي إنت شايل عنده الأمانة دي.

شوية شوية لما ابتديت أتطور في الموضوع واللي استغرق مني وقت مش بسيط،
علشان أبقي بروفيشنل بقيت بحس في أسلوب البنات اللي بتكلم معاهم بلهجة
غريبة أوي، اللي هو إنت جيت؟ إنت كنت فين من زمان!
لو إنت محترف أو وصلت للمستوى ده البنات بتحس إنها محتجالك من أول
وهلة.

إنت بتوصلها المشاعر اللي بتكون القناعة دي عندها.
لازم تغير عقليتك تجاه الحاجات اللي بتثير الخوف عندك علشان تقدر تتغلب
عليها.

الناس المقتحمين اللي بيدخلوا أي منطقة من غير ما يخافوا ولا يهمهم مناطق
الأمان بتاعتهم هما دول أكثر ناس بتقدر تحقق انتصارات في الحياة.
غير عقليتك واستبدلها بعقلية المقتحم وأوعدك هتحس إنك بتحرك الأحجار
على رقعة الشطرنج من غير أي مشاعر علشان تدي كش مات.
وكل ما بقى مستواك أعلى كل ما بقيت تدي الكش مات أسرع.
أول ميعاد أخذته مع بنت كان بعد ما كلمتها بأسبوع، بعد كده لما مستوايا بقي
عالي بقيت بجيب الميعاد في أول يوم أو بعدها بيوم بالكثير.
في ناس بتقولك متطلبش الميعاد غير بعد وقت معين لكن الحكاية مش كده،
الموضوع سنس أكثر من أي شيء.

الفكرة في إن البنت إزاي بتشوفك فرصة أو بتشوفك حاجة كبيرة من أول وهلة.

لو عرفت تعمل كده من الأول هتوصل للمستوى اللي إنت عاوزه، لكن لو بتحط العقبات قدام نفسك عمرك ما هتوصل لحاجة .

- لو إنت وسيم

إنت وسيم، خليني أقولك إن الشخص الوسيم ساعات كثير بيكون الموضوع أصعب عليه من الشخص العادي.
لو إنت وسيم والبنات بتبصلك كثير فالجزء ده تحديدًا اتعمل علشانك. أكبر مشكلة بيقع فيها الولد اللي شكله حلو إنه بيحصله إشباع نفسي من البنات، علشان البنات بتبصله في الرايحة والجاية فحاسس إنهم متاحينه وأنه وقت ما يحب يرتبط هيختار اللي على مزاجه، هما كثير جدًا وبيشوف في عيونهم الإعجاب والرغبة وحاسس إنه مرغوب، وعليه فهو بيحصله إشباع من البنت من غير ما يتكلم معاها حتى!
بس الأمر ما بيقفش عند هنا، الولد الوسيم زيه زي أي ولد عاوز يقعد مع بنت ويعزمها ويخرج معاها، يكلمها في الموبايل ويسهر بيعت رسايل وهي ترد عليه.

بس اللي بيقف ضد تحقيق الرغبة دي عند الولد هو طاقة الممانعة اللي زادت عنده بسبب نظرات إعجاب البنات بيه فمبيقدرش ياخذ خطوة زيادة.

بيحس إن في تنازل كبير هو مضطر يعمله لكن في الحقيقة هو لازم يعمله وإلا الموضوع هيفضل في حيز النظرات إلى أبد الأبديين ومش هيعرف يكلم بنت واحدة في حياته.

الولد الوسيم يتكون عنده قناعة إنه بمجرد ما يشد نظر البنت أو يلفتها ليه فهو كده جاب آخرها.

هنا أزمة الولد الوسيم بتفكرني بمشكلة نوكيا اللي كانت في فترة من الفترات على عرش صناعة الهواتف المحمولة، الفكرة دي بدل ما تكون دافع لنوكيا إنها تطور من نفسها كانت العكس تمامًا. كبرياء نوكيا على التطور خلالها تتذيل القائمة لغاية ما إنتهت تمامًا وباعت أسهمها لشركة ثانية.

المناعة تجاه التطور واللي اتكونت بسبب الجو العام المحيط اللي كانت بتتسيد فيه نوكيا هذه الصناعة؛ كان سبب سقوطها وعدم قدرتها على المواكبة.

لو إنت عمرك ما كلمت بنت ومتعود إن البنات على طول بتبصلك فلازم أنبهك إنك هتتفاجئ بالرفض أول ما تروح تتواصل معاها. البنت بتأول في دماغها كل حاجة على ملامح وشك اللي هي شايفها لغاية ما تروح وتتكلم معاها وتكتشف إن اللي جوة مش زي اللي برة. بتقدر تعرفك من كلمتين ونص، اختبار صعب مش كده! خرينا نقول إن كون إنت وسيم ده بالضرورة نقطة إيجابية في صالحك لو قدرت تعالج سلبيات الأمر.

الشخص الوسيم ممكن يسبق كل اللي حوالياه بنقطة عند البنت وياخذ منها استجابة مبدئية ويقدر يلفت نظرها.

لكن لو إنت وسيم بس فده مش كافي علشان يرجح كفتك ويخليك تستمر في علاقة مع أي بنت.

الولد الوسيم زيه زي أي ولد، أول ما بيتكلم مع بنت بيندلق وبينسى كل حاجة.. في نظر البنت الوسامة دي لو بتعبر عن قيمة حقيقة مكنتش هتندلق عليها كده، وبالتالي الوسامة دي بتنطفي في نظرها ومش بتشوفك حلو، بتشوفك عادي وأقل من العادي، وبيجي واحد شكله عادي بس صفاته أحسن علشان ياخذ المكان اللي انت بتحلّم بيه.

لازم تنجّي الوسامة دي على جنب حتى لو حاسس إنك بتحظى ببعض التقدير أو بتخليك تاخذ استجابة غيرك مش عارف يحصل عليها، لازم تعتمد على اللي جواك أكثر علشان ببساطة الحاجات اللي جوانا واللي بنخترها أقوى بكتير جدًّا في تأثيرها من الحاجات اللي بيمينحهننا القدر. الوسامة أو الملامح الجذابة دي حاجة مش من اختيارك، علشان كده بتهمت في نظر البنت أول ما بتقرب منك وبتطلع على اختياراتك وتلاقمها ضعيفة أو مش في محلها.

مينفعلش تتعامل مع البنت من منظور "أنا جميل حبيبي"، أو إنتي ليه مبتحبنيش مع إني جميل، بتروح تتصرف مع البنت بمبدأ إنك فرصة وهي لازم تحبك علشان إنت شكلك حلو.

طبعًا كل اللي بيوصل للبنت إنك مش واثق في نفسك وإنك شخص اعتمادي مش مؤمن باللي جواك وبتركن لحاجات ساقها القدر ليك أو رينا قسمهالك من غير أي اجتهاد.

في الحقيقة الموضوع مش خاص بالوسامة بس، لكن كل شيء ظاهر بيدعوا البنت لتأويل الداخل علي أساس المظهر الخارجي اللي ظاهر لهما من برة.

في ولاد بتلاقيها عاملة شعرها بطريقة معينة غريبة وشاذة، في ولاد بتربط شعرها بأستك وولاد بتوقف شعرها أو بتضفره بشكل غريب ببيكون محط إنتقاد من كل الولاد اللي حواليه، بس محدش عارف هو ليه بيعمل كدة.. ليه بيحلق أو بيسرح شعره بشكل مختلف وشاذ عن باقي المجتمع اللي حواليه من الذكور.

بصراحة في مكافئة هو بيحصل عليها ودا اللي مخليه مستمر في اللي بيعمله ومكمل.

الموضوع ببساطة إن البنات بتكون عندها رايحة جاية مع الأنماط دي من الأولاد، إنجذاب أولي الولد ببيكون مدمن عليه وممعن في الحفاظ علي أسباب الإنجذاب دة علشان فاهم إن نظرات البنات ليه إعجاب ورغبة بس حتي لو كان في فرصة و البنات قربت منه بتشوف الوجه الضعيف لتصرفاته وبتبعد عنه .

إيه معني مثلا إن البنات تنجذب لنوع موبيلات معين أو شكل الساعة اللي في إيدك أو مفاتيح العربية حتي.

كل دة بسبب إنها بتأول شخصيتك علي أساس المظاهر دي.

بتتخيل إن إنت شخصية قوية لمجرد إنك كنت مختلف عن القطيع سواء بإستايل لبس أو تسريحة شعر أو أي مظهر خارجي ملفت ولما تكتشف إن مش دي الحقيقة وإنها إتعرضت لعملية نصب فكري بتلاقيها إتقفلت وهربت. في بنات بتنجذب للظابط وللواد اللي سايق مكنة صيني.. الاتنين مع بعض كدة وهي مش عارفة هي بتحب إيه في كل واحد من الإثنين بس هي جات معاها كدة.

المثير إنها بتنجذب للقوالب مش لشخص بعينه، يعني بتنجذب لفكرة الظابط
وفكرة المكنة الصيني وأي حد بيشتغل ظابط أو بيخمس بالمكنة هو جذاب
بالنسبة ليها.. جذاب لحد ما يقرب منها ويظهر العكس.
مفيش مظهر جذاب يقدر يستمر لو الجوهر الداخلي مش بيدعمه، دا مش
كلام إنشا دي حقيقة موثقة بالتجارب، مفيش بدلة حديد بتحارب لوحدها
من غير ما يكون في جواها مقاتل، هو دة جوهر الأمر، المقاتل مش البدلة،
البدلة مجرد عامل مساعد.

-لا تسقط فكرك عليها

من ضمن أكثر الحاجات اللي بتبوظ الحكاية هي إن الولد بيكون فاكر البنت
زبه بتيجي بالحنية، فتلاقيه ماشي يدلدق حنية على الفاضي والمليان.
تخيل كده بنت جاية تكلمك بلطف وعاوزة تتواصل معاك هتلاقي نفسك جاي
معها سكة من غير كلام.

بس دة إنت مش هي ..إنت اللي بتيجي بالطبطة مش هي !!
الصورة دي بقي بتنقل في ذهن الولد وبتبتدي تكوّن قناعة خاطئة عنده
حوالين مبادئ القبول عند البنت.
تلاقي الواد نازل طبطة وحنية وهو مش فاهم أصلاً إن ده اللي بيبوظ
الموضوع.

لازم يفصل ما بين الطريقة اللي بتأثر هو فيه لو بنت بتكلمه، وبين الطريقة اللي البنات بتحبها وبتناسب طبيعتها.

يعني ما تخادش اللي يناسبك وتروح تعاملها هي بيه، مش هتاكل عيش كده. الطبطة الزيادة دي معناها إن إنت عاوز حاجة من البنات، أو بتفكر في العلاقة بشكل أناني وبتقدم تنازلات علشان تحقق مصلحتك.

وساعات الطبطة بتتفهم على إن إنت طري وهتبقى زي أختها. علشان كده لازم تعدل التصور الذهني الخاطئ ده.

يمكن قبل ما أدخل في أعماق الموضوع كده وأفهمه بالشمول ده كنت بميل للفكرة الغلط دي لحد ما اتصدمت بالواقع.

في بنات مش بتحب كده خالص وعاوزة اللي يسيطر عليها ويحطها تحت سيطرته.

أكثر حاجة كانت بتصدمني إن في بنات بتحب تنضرب من الراجل حرفيًا، في بنات بتبقي عاوزة تبوس على إيدك وتغسللك رجلك وطبعاً مش كلهم كدا بس هي طبيعة الأنثى كده، لو بقيت إنت ذكر كما ينبغي هتلاقها أنثى بردو كما ينبغي.

هي بتكون مستنية تقابل الراجل الصح علشان تخليه يسيطر عليها وتديله زمام الأمور.

-التضبط سنس

ولاد كتير بتقولي أنا بتقل ومفيش حاجة نضيفه بتيجي، آخرتها إيه يعني.
أنا زهقت من كتر التقل ومش قادر معبرش عن رغباتي.
أنا عاوز أعاكس البنات وأقول يا بطل ويا صاروخ.
الكلام ده بيخليني أحس إني بعبّر عن اللي جوايا وإني مش واقف ومكتف
إيدي.

أنا تعبت من كتر البص على البنات زي اللي بيتفرج على الذهب في الباترينة
ومش معاه فلوس يشتري.

أنا مشكلتي إني على طول مستعجل وعاوز كل حاجة بسرعة.
مشكلة معظم الولاد إنهم مش بيشفوفوا في العلاقة غير الرغبة الجنسية بس،
واللي هي بعيدة عن دوافع البنت زي ما قلنا قبل كده، علشان توصل لهدفك
مع البنت لازم تحترم رغباتها وأهدافها هي من العلاقة، لازم تحسسها إنها
هتحقق ولو شيء من الأهداف دي لما تكون معاك.

بس إزاي التضبط سنس؟

أول ما بدأت اقري في الموضوع وأكون معلومات نظرية كتير عن البنات حسيت
إني هعمل كل اللي أنا عاوزه ومفيش حاجة هتوقفني مع البنات.
بس الحقيقة إنك بتتصدم لما بتواجه التجربة العملية وتلاقي المحصلة فشل.
تخيل كدة حد عمال يكلمك عن سواقة العربية ويشرحلك تعمل إيه بالضبط
بشكل نظري وبعدين يدريك عربية ويقولك عدى بينا من الزحمة دي يلا.

من الطبيعي جدا إنك ستكون محتاج تجرب كثير علشان تاخذ سينس السواقه ويكون الموضوع سهل عليك نفسيا.

في حاجات مش بتتعلمها غير بالتجربة حاجات أنا مينفعش احكيها.

هي أصلا متتحكيش، هي انسجام بينك وبين الفكرة واللى بيخرجها من حيز الأفكار المحبوسة في العقل واللى محتاجة تتراجع كل شوية قبل إسقاطها على المعاملات.. لحيز التنفيذ التلقائى بمجرد استحثائها من أي مؤثر خارجي.

تخيل إن إحنا كلنا كدة بنتصرف بتردد معين من حيث الكلام والإيماءات ولغة الجسد وإن التردد ممكن يكون بعيد جدا عن رغبات البنت في الارتباط وممكن يكون متطابق عليها.

التردد ده معناه تصرفاتنا اللي بتخرج بشكل تلقائى والرتم اللي هي ماشية عليه. طول ما إنت بتمارس هتلاقى ترددك بيضطبط واحدة واحدة علشان توصل للوضع الطبيعي الجذاب اللي هو فطرتنا اللي ربنا خلقنا عليها أساسا.

في ناس كثير بتقابلني بيكونوا موهوبين في الموضوع دة بالفطرة، بيكون شكله عادي مش وسيم بس تردداته مضبوطه وبيتصرف صح بالفطرة والبنات بتتعلق بيه من غير أي مجهود أو تكلف منه.

بس لو إنت مش موهوب تقدر توصل لدة بالمعرفة والتدريب.

الموضوع زيه زي أي شيء بتتعلمه، طلاب هندسة بيكون عندهم دراسة نظرية وتدريب عملي، و فكرة المهندس قائمة على الفرعين.

مينفعش تنجح كمهندس من غير اجتياز اختبار التدريب العملي.

إنت كمان مش هتعرف تضبط كويس من غير ما تدي نفسك فرصة تجرب، هي دي سنة التعلم في الحياة.

أغلب الناس اللى حاولت أساعدها في الموضوع ده كانوا بيغلطوا غلطة كبيرة
جدا وهي إنهم بيحطوا كل المعلومات في دماغهم وعاوزين ينفذوها فبيظهروا
قدام البنت على إنهم حافظين مش فاهمين.
علشان معتمدين على الفهم النظري بس للموضوع من غير أي ما يكتسبوا أي
سنس وده مش صح.

خصال جذابة

كلنا شبه بعض علي المستوي البيولوجي , أجسام , عيون وايادي ورجول ولسان أسهل حاجة عنده إنه يشتغل بخلاف باقي الأعضاء الي مش حابة تضيف أي معلومة .

الشاهد إن كلنا شبه بعض تماما لو شخصيتنا مش مختلفه وخصالنا اللي الناس بتستشفها في إطار تعاملتنا شبه بعضها.. كنا هنبقي روبتات لينا نفس التصميم وحاجة آخر ملل لكن لحسن الحظ إحنا مش كدة ولو إحنا كدة كانت المهمة هتكون صعبة جدا علي البنت , إنها تختار واحد من مليار واحد شبه بعض.

أكثر حاجة بتصنع التفرد والتميز هي الخصال بتاعتنا علشان كدة هناخد جولة مع بعض الصفات اللي ممكن تتميز بيها شخصيتك وتكون جذاب جدا

-الصدق-

الصدق ليه جاذبية غريبة بتخلي صاحبه عامل زي المغناطيس لكل الناس الي حوالية.

مفيش بنت بتحب ولد فييك أو مدعي أو بيحاول يتظاهر بحاجة مش عنده علشان يشد اللي حوالية.

دي أكثر حاجة بتقفل البنت في العموم من العلاقة وبتخلها مش عاوزه تكمل.

علشان تفهم إيه تأثير الصدق بالظبط خليني اقولك إيه هي حقيقة الصدق وإيه سر طاقة الجذب الرهيبة اللي بتكون عند الشخص الصادق في كلامه وتعاملاته.

الفكرة تبان فلسفية شوية بس هي دى حقيقة الأمر بدون مبالغة. الشخص الصادق بيكون في تناغم بينه وبين الطبيعة اللي حواليه وبيكون في انسجام بيخليه يوصل للوضع النموذجي في التعاملات. الكذب والاحتيال دة حاجة موجودة عند الإنسان فقط، إنما باقي الكون ليه مبادئ بيشتغل عليها وأنماط بتخلي التعامل معاه واضح ومش مقلق. إنت مجنون يا عم إنت! هو أنا هتعامل مع الكون في إيه ودا إيه علاقته بالبنات.

يا عزيزي كلها أمور لا تنفصل عن بعضها ولا تنفصل عن حياتنا، إنت بتعامل مع الكون كل يوم عدد كبير جدا من المعاملات.

بتعامل مع الفيزياء اللي في الكون بشكل يصعب إحصائه وبتعرض للقوانين الكيميائية بأكثر من شكل وبتعامل مع الأرض والحيوان والشجر. كل دي حاجات صادقة في تعاملاتها معاك وماشية وفق قوانين وأنماط بيسهل عليك تقصمها علشان تقدر تنسجم مع كل الأشياء دى ومش بيكون عندك ذرة شك إن أي حاجة من الحاجات دى ممكن تحيد عن القانون أو النمط بتاعها اللي إنت عارفه سلفا علشان تنفذ غرض معين في مصلحتها.

الكذب والاحتيال دول من اختراع الإنسان بس، الإنسان اخترعهم علشان يتسلق بيهم على إرادة اللي حواليه ويكسب قيمة على حسابهم هو مدفعش تمنها من وقته ومجهوده.

إنما الشخص الصادق هو اللى بيقدر يحافظ على الوضع النموذجي الجذاب اللى هو اتخلق علشان يعيش عليه أصلا والموضوع ده بيكون مؤثر في البنت جدا وبيخلها منجذبة بشكل مش عادي.

بعيدا عن الانسجام اللى هيكون بينك وبين الكون من حواليك واللى بيكون جذاب جدا للبنت، إنت هتكون مميز في أيامنا دى علشان مسألة الصدق أصبحت نادرة جدا ودى حاجة هتأثر في البنت بالإيجاب.

الصدق بيتفهم عند البنت بأكثر من شكل وكلمة إيجابيين، الشخص الصادق معندوش مخاوف من شيء علشان من المفهوم إن الكذب من صفات الخوافين.

الكذب والاحتيال مش شيء طبيعي وموجود في الحياة مع الإنسان لكن هو حاجة الإنسان اخترعها علشان يتمرد بيها على أوضاع مش قادر ينسجم معاها، أو علشان يحصل على نتائج مبدلش لها القيمة المطلوبة اللى بتمرر حصوله على النتائج دى.

أو علشان يهرب من عقاب مستحق مش قادر يتحملة.

كلها أسباب سلبية بتستدعى الكذب وبتصنع مبررات وجوده بين الناس. كلها أغراض دنيئة وبتكون منفرة للبنت وبتحسسها بعدم الأمان مع الشخص دة وإنه عنده أهداف تانية من العلاقة ممكن يكون مخيبها ومش ظاهرة.

المزعج إنه مفيش وسط بين الأمرين إيما إنت صادق ودا شيء جذاب بالنسبة لها أو إنت كذاب وهتفضل معاك لحد ما تعرف إنك كذاب وتكتشفك وبعد كدة هتقلب عليك.

مع الأسف بقى مهما كنت متقن في كذبك البنت بيكون عندها مليون طريقة تكشف بيها إنك كذاب.

البنات بالذات يكون عندها قدرة غريبة على تقصى الصدق في أدائك ولغة جسدك وحركاتك ونبرة صوتك وبشكل مش طبيعي.

هي مش عاوزة تحس إنك فيبك خالص، إنك تكون صادق حتي في مواطن ضعفك دا شيء جذاب جدا بالنسبة لهما وببينك واثق من نفسك جدا قدامها. متحاولش تكذب في مواطن ضعفك علشان كل حاجة بتكون واضحة، اللي جواك هو اللي بيظهر للبنات مش الكلام اللي إنت بتقوله. يعني لو إنت بتقول كلام وإنت جواك حاجة تانية ابقى دور على اللي هيشترى منك .

ولو الولاد بتقدر تفوت دة مع بعضها فالبنات لا خالص. علشان كدة لما بوصيك بالصدق مش بوصيك على كلامك فقط وعن المعلومة اللي بتنقلها بشكل شفوي، علشان دا جزء من أجزاء الصدق لكن الصدق ككل ليه معني أكبر بيضم كل حركاتك وتصرفاتك في الحياة. خطواتك وحركة إيدك والطريقة اللي بتعبر بيها عن مشاعرك، كل حاجة بمعني كل حاجة.

و البنات بتلاحظ دة بالفطرة وبدون أي مجهود. الرسول عليه الصلاة والسلام كان نموذج ملهم في مسألة الصدق وكلنا عارفين الجاذبية اللي كان بيتمتع بيها الرسول عليه الصلاة والسلام في وسط قومه حتى قبل ما تنزل عليه الرسالة.

الرسول كان صادق في كل شيء بيعمله، في كل كلمة وكل خطوة، في تعبيرات وجهه الكريم وفي إيماناته في كل شيء بلا استثناء.

لو قلنا إن الصدق تجسد مرة على هيئة بشر لكان قد تجسد في الرسول الكريم.

أنا عارف إنك دلوقتي هتقولي إنت مش عارف حاجة وإن البنت بتحب الحوارات وبتحب اللي بيكذب عليها وأنا أعرف ناس كتير كدة. يا عزيزي البنت ما بتحبش كدة في الولد بس هي بتحب فيه حاجة تانية بتخليها متعلقة بيه رغم كدبه وتحويره علمها.

بس على الرغم من كدة هي متستحملش كل أنواع الكذب، في حاجات البنت بتشوفك حقير لو عرفت إنك بتكذب فيها، ولو في انجذاب بعد كدة بينطفي. عمما موضوع تبني الصدق بيحتاج تدريب كبير وإنك تراقب تصرفاتك وأفعالك بانتظام وتراجع نفسك وتأنها كل ما تقع في الكذب. من أعظم أشكال الصدق إنك تكون صادق في تعبيرك عن مشاعرك ودا أكثر شيء جذاب بالنسبة للبنت فحاول تتدرب عليه من دلوقتي.

-الثقة بالنفس

الثقة بالنفس مش حاجة البنت بس بتحبها لكن الحياة نفسها بتحبها. أي حد بيتكلم عن الارتباط بالبنت ديمما بتلاقي أوضح فكرة في ذهنه والأشهر على الإطلاق هي الثقة بالنفس.

علشان ببساطة دا موضوع من وضوحه مفيش مجال إن اتنين بيختلفوا عليه. ثقتك في نفسك من أكثر الحاجات اللي هتخلي البنت هي اللي تجري وراك مش إنت اللي تطلب منها.

الثقة بالنفس هي شيء بينفصل عن أي مظهر خارجي لو كانت عندك بالفعل. في فترة من الفترات مكنتش مهتم بلبسي أو مظهري وعلى الرغم من إن الموضوع دة غلط وإن المفروض الولد ينتقي لبسه إلا إني مكنتش شايف الموضوع دة

أساسا وعلى الرغم من إنه كان في فجوة كبيرة بيني وبين اللي حوالليا في المظهر إلا إنه محدش كان بيشفو الفرق ده علشان أنا كنت واثق في نفسي من غير الحاجة دي وكنت بتعامل على إنها مش موجودة أساسا.

أعرف أحد الأشخاص كان مصاب في وشه بكدمة تركت أثر قوي في شكله بس الشخص ده كان بيتعامل مع الأشخاص بمنتهى الثقة من خلال مراقبتي ليه وللناس اللي بتعامل معاه اكتشفت إن الناس كانت بتتأثر بثقته في نفسه ومكنتش بتشفو الكدمة دي أساسا مع إنها واضحة جدا في وشه.

الثقة كدة مع البننت بيكون لهما تأثير بيغطي على أي سلبيات تانية فيك. الثقة بشكل من الأشكال بتتصل بدوافع البننت الأساسية للارتباط وبتوصلها بشكل نافذ علشان البننت تاخذ قرار الارتباط بيك من غير ما تفكر. الثقة زي الصدق بالظبط بتكون جواك وبتحرك كل تصرفاتك ومفيش حاجة بتنزلك عنها أبدا.

ممكن تنزل عنها في موقف ما لكن بترجعها تاني بسرعة علشان هي حاجة اترسخت جواك خلاص.

الثقة بالنفس أنا بعتبرها سر عظيم جوا كل شخص مش بتموت ولا بتختفي بس ممكن تصدي منك لو إنت مش بتدعمها.

كل اللي مطلوب منك إنك تلمعها وتظهرها وتشوف فاعليتها.

مفيش بنت إتكلمت معاهها إلا وحسيت إن الموضوع ده بيتحكم فيها أوي وبيخلها مش عاوزه تبطل كلام معاك أو تفارقك لحظة، حرفيا بتشوفك توأم روحها وبتحس إنها مش هتكمل غير بيك.

لو كانت الروح هي أعظم سر في الإنسان فالثقة بالنفس هي اللي بتلي الروح في المرتبة على طول.

علشان الثقة بالنفس هي السر الى بيدي حياتك روح أصلا.
فرق السما من الأرض بين شخص واثق وواحد ثاني مش واثق.
و خليني أقولك إنك الثقة بالنفس هي الى بتخليك تتلون بصورة البطل في نظر
البننت اللي قدامك.

مهما كان شكلك وحش أو لبسك مش مترتب الثقة بتخليها تغض النظر عن كل
السطحيات دي.

وتشوفك بطل ويكون عندها نهم إنها طول الوقت تختبر الثقة دي وكل ما
تنجح في الاختبار تحبك أكثر وتتعلق بيك أكثر وأكثر .

الثقة بتخلي البننت تحس إنها اختارت صح وفق المبادئ اللي جواها وإنها مش
متورطة في علاقة مش هتعرف تستفيد منها .

بس زي ما قلنا الثقة مينفعش تكون ادعاء علشان الموضوع بيتكشف بسرعة
أوي .

الثقة عبارة عن شيء بيحتل الشخص من أعماق أعماقه من جوة لحد أطرافه
وحركة إيديه ورجليه وطريقة جلسته ونظراته .

الشخص الواثق في نفسه بيجلس بطريقة معتدلة وبضهر منتصب وبيبص
للناس بقوة في عنهم علشان مش شايف إن في حد أحسن منه .

على فكرة تحدى العيون في المواجهات بيكون معيار حساس جدا للبننت
علشان تعرف إذا كنت واثق من نفسك وبتواجه بعينك ولا بتخبيهم من الناس
في المواجهات .

علشان كدة لازم تهتم بالحاجات البسيطة دي .

الطريقة اللي بتكلم بها الويتز البننت بتكون مستنية تشوفك إنت هتتعامل
إزاي مع اللي تحت منك، لو اتعاملت معاه بتعالى هيبان إن إنت مش واثق في

نفسك، ولو اتعاملت بخضوع أو لو بان إنك مش مقدر نفسك صح هيبان
بردو إن إنت مش واثق .

خليك على طبيعتك بس طبيعتك في أحسن أحوالها بعد ما تزيل الصدا من
علمها وتخرج الوحش اللي جواك للنور، الوحش دة اسمه الثقة بالنفس وأنا
بقولك وحش علشان هو دة تأثير الثقة فعلا في حياتك، هتلاقي كل حاجة
بتستجيب بشكل غريب ليك والتظبط هيبقى بصباح رجلك الصغير .
طيب تعمل إيه لو إنت معندكش ثقة بنفسك أو مفتقد القيمة دي في حياتك .
بص يا باشا زي ما اتفقنا مفيش حاجة اسمها مفيش ثقة عندك، لكن قول إن
مفيش ثقة في تصرفاتك ودا معناه إن الملكة دي مصدبة عندك وعاوزين نشيل
الصدا من علمها.

في طريقة أنا بحبها جدا ورشحتها لناس كثير وجابت معاهم .
أنا عاوزك تعمل مهمات صغيرة تنفذها بإتقان وتخلي كل تركيزك إن هي تنجح
معاك .

حاول تزود معدل النجاح في حياتك بصفة عامة ومتعرضش نفسك للمهمات
الصعبة اللي ممكن تزود نسبة الفشل والإحباط في حياتك، وبعد كدة إبتدي
صعب المهمات على نفسك واحدة واحدة لحد ما توصل لمستوى متوسط لو
نفذت عنده مهمة بنجاح تلاقي ليها صدى وتأيد من الناس اللي حواليك .
وإبتدي خد السلم خطوة خطوة لحد ما تصحي الوحش اللي جواك وتزيل
الصدا عنه .

في موضوع التظبط مثلا مش لازم تروح تصاحب أجمد واحدة من الأول كدة
لكن إدى نفسك ثقة بعلاقة مع واحدة عادية وبعد كدة اطلع السلم واحدة
واحدة لحد ما توصل للهدف بتاعك وساعتها مش هيبقي في أي حاجة فارقة

معاك، هتلاقي الثقة اللي إنت اكتسبتها من محصلة تجاربك بتخليك تواجه أي حاجة بقلب جامد .

وساعتها هتلاقي نفسك وحش بيلتهم أي مصدر للخوف، و بتدخل أي تجربة توصل فيها لليفل اللي بتحلم بيه .

-القوامة-

يعني إيه قوامة، سبحان الله ياخي هي دى سنة الله في الأرض بين الرجل والست .

معني القوامة في اللغة هي إنك تقوم على أداء مهمة معينة تجاه شخص أو شيء معين وهي مفهوم إسلامي في الأصل أول ما طرح كان بهدف تنظيم العلاقة بين الرجل والست .

إن الرجل يكون ليه قوامة على الست، تخيل كدة إن في رجالة كتير بتستغنى عن المبدأ دة وساعات كتير بتسيب زمام الأمور للست !
معني القوامة إنك تملك زمام الأمور في العلاقة بينك وبين البنت، بس من غير تعنت بردو .

يعني متبقاش غبي ومخك ناشف وعاوز تمشي رأيك في كل حاجة وتقولي أنا متمسك بمبدأ القوامة .

كل مبدأ من المبادئ اللي بنتكلم عنها دي لازم يكون في مرونة في فهمه من غير تعنت علشان متبوظش الدنيا .

قوامة زي ما بيقولوها كدة بالبلدي الرجل راجل والست ست، يعني كل حد ليه دوره في حياة التانى ومينفعش حد ياخذ مكان حد .

القوامة هي التزام للراجل أكثر ما هي حاجة بتحقيقه مميزات .
يعني لازم الراجل دايمًا يكون شايف أدواره في حياة الست وواجباته ويلزم
نفسه بهما ويكون هو اللي بيطالب بتنفيذها ويقف عليها بقوة وميتنازلش عنها
لحد .

القوامة في إن الراجل ميتنازلش عن واجباته للست حتي لو دة هيتم بالتراضي .
علشان البنث بتراضي معاك بعقلها لكن بيفضل جواها منزعج .
أبسط مبادئ القوامة إن إنت اللي تتكفل بالمصاريف والماديات طول ما إنت
معاهها، ما هي مش هترتبط بيك علشان هي اللي تحققك أحلامك .
الكلام مكلف بس إنت اللي عاوز مش هي .
في بعض الأراء بتقول طالما مش خطيبها فإنت مش مطالب بدة لكن ببساطة
إنت متعرف عليها وبتخرج معاهها علشان في افتراض إن إنت تكون شريكها في
الأولاد.

أي حاجة تحتاج مجهود بدني لازم إنت اللي تتقدم لها وتنفذها مش هي .
تعالى كدة نحاول نتأمل علاقة الأسد بأنثى الأسد وزوجته ونشوف إزاي المبدأ دة
متأصل في طبيعة الحياة بينهم .
أنثى الأسد هي اللي بتصيد في أغلب الأحوال، لكن لو الصيد قوي وأرهق قواها
الذكر بيتدخل فورًا علشان يحسم الأمر .
أنثى الأسد بتحس إن هي أنثى معاه مرفهة لما بيفضل الأسد صاحي طول الليل
علشان يحرس منطقة السيادة بتاعتهم اللي بيكون محدها سلفًا ومش
بيسمح لأي أسد غريب إنه يدخلها .
هي دى القوامة اللي بتدور عليها أي أنثى تقريبا .

الست ممكن تكون غنية جدا لكن مجرد إنك تاخذ منها فلوس خاصة بيها
وانت مكنتش سبب فيها ممكن يترك في نفسها أثر سلبي جدا .
علشان دة ضد المبادئ اللي جواها حوالين الراجل اللى عايش معاها وبتتحمى
فيه .

يمكن أكثر الحاجات اللى بتكون سبب في الانفصال أو الخيانة من الزوجات هي
فقدان الراجل لدوره في حياتها .

علشان كدة الموضوع دة مؤثر جدا بالذات بالنسبة للمتزوجين
طبيعة النساء هي الخضوع للذكر، الفطرة إن تخضع الأنثى للذكر وإنه يكون
في معيار ينظم خضوع الأنثى للذكر علشان ميستغلش هو الخضوع دة بشكل
سيء.

المعيار دة ديني تشريعي بالنسبة لينا في الدولة المصرية وهو معيار أخلاقي
تشريعي عند الشعوب العلمانية أو الملحدة أو الشعوب اللي بتهمش الضابط
الديني في حياتها.

ربما وضع الأنثى من الذكر يكون شاذ بشكل ملفت في بعض المجتمعات اللي
بتصيغ قوانين لا تتفق مع طبيعة وفطرة الجنسين، لكن الدين الإسلامي على
الأقل متفق تماما مع تلك الطبيعة واللي بتنص على إن الذكر يكون ليه
القوامة وزمام الأمر على إن ينضبط سلوكه تجاه الأنثى وفق ما أقره الدين ليهما.
على عكس الوضع في أمريكا مثلا، حقوق الأنثى بتسبق حقوق الرجل بمراحل و
القانون في أمريكا بيدي الأنثى القوامة على الرجل ودة خلل طبعا ومنافر
للفطرة والطبيعة اللى ربنا خلقنا بيها.

من أكثر الأمور اللي ممكن تسبب خلل في المجتمعات هو عدم تعيين القوانين
حسب الفطرة، حد ممكن يقولى طب ما المجتمع في أمريكا متماسك أحسن

مننا مليون مرة، وأمريكا متقدمة علينا بمراحل، الأنثى لديها قوامة على الرجل ومع ذلك هما بيقودوا العالم، إيه ردك بقى!؟

هقولك يا عزيزي نجاح المجتمع الأمريكي هو محصلة عدة عناصر وفشل مجتمعنا برودو محصلة عدة عناصر، المجتمع الأمريكي في مسألة اختلال التوازن بين الرجل والست عامل بالظبط زي اللي بينام على المخدة ورأسه معوجة وإتعود على كدة خلاص، هو وضعه غلط لكن الغضروف مش هيجيله غير بعد 30 سنة وبالتالي مش هيشك في لحظة إن وضعه غلط لحد ما يقع ضرر يعمل شرخ في المجتمع هيبتي بعد كدة ينظر في أسباب الشرخ دة ولازم يعمق تحليله علشان يوصل للسبب الأساسي وإلا مش هيقدر يحل مشكلته.

طيب إحنا حاليا في المجتمع المصري حتى مش كدة، والبنات برودو بتحركهم نفس الأفكار، عاوزين المساواة والبنات مش أقل من الرجل في الحقوق وكل الكلام دة.

علشان نكون منصفين البنات فعلا مش أقل من الرجل في الحقوق لكن مين قال إن البنات لما تعمل راسها براس الولد هتبقي بتتساوى معاه في الحقوق. العربية الصغيرة النص نقل، ممكن تشيل من اتنين ل ثلاثة أطنان، والشاحنة الكبيرة ممكن تشيل عشرين أو ما يزيد.

هل يصح إني أساوي بينهم الاتنين في الأحمال، أو لما العربية الصغيرة تشيل أقل يبقي دة منقصة في حقها أو انتقاص من قدرها مثلا.

هل العربية الكبيرة تم تصميمها بعلم أعمق وأدق من العربية الصغيرة مثلا. مستحيل طبعا !

كلاهما يخضع لنفس العلم ونفس دقة التصميم، وكل عربية منهم صُنعت لغرض معين ومينفعش واحدة تحل محل الثانية.

كل الأفكار المجتمعية المستحدثة اللي بتأيد تنافس الست مع الراجل في مجالات مش من اختصاصها هي ضوء باهت البنت بتتعلق بيه علشان ترضي الأنا اللي جواها لحد ما يجي الولد المناسب اللي يدخل ليها ضوء الشمس واللي بيهت معاه النور الصناعي اللي بتكون فاكرة إنه ممكن يضيف ليها. مهمما كان الوضع القائم متطبع في أفكار عامة البنات تقدر تغيره لو كان معاك حقيقة أقوى.

مين فاكر فيلم رسالة إلى الوالي، الفيلم دة عادل إمام كان فيه فارس في العصور الوسطي ودخل في فجوة زمنية وانتقل للعصر الحديث. راجل لا كلامه يشبه كلامنا ولا لبسه ولا أسلوبه، لكن المبادئ اللي جواه هي الشمس اللي سطعت في وش يسرا، طبيعي إن أي حد بالوضع دة يكون مصدر سخرية للبنات مش مصدر جذب، لكن مبادئ الفروسية اللي جواه خلت يسرا متشوفش كل الأمور دي وتقع في حبه.

عنده الحاجة اللي قدرت تستحث الأنثى اللي جواها وتجلي صدا الأفكار السطحية اللي بيروجها المجتمع.

لو عندك سبب قوي يستدعي الأنثى اللي جواها هتلاقها بترتاح في الخضوع ليك والتمرد أمر مزعج بالنسبة ليها، لكن عادل إمام علشان فارس مش هيخالف مبادئ الفروسية دي ويستغل الخضوع دة بشكل ينتقص من قيمتها، ساعتها هتفقد وضعك معاها بردو ومش هيكون قدامها غير إن هي تتمرد عليك تاني وتحاول تتفلت منك بأي شكل.

وتفضل في حركة دائرية مش بتوصلك لأي نتيجة مجدية .

الموظفة اللي بتشتغل تحتي كانت دايمًا بتدخل معايا في خلافات حادة وبتتكلم بأسلوب قوي وربما جارح في بعض الأوقات، على الرغم من إني يرئسها إلا إنها مكنتش بتهمته لده خالص أو بتعمله حساب، كنت بنزعج من أسلوبها وبغضب منها لكن مش بكرهها.

بعد فترة من التعامل معاها ابتديت ألقى اللوم على نفسي، أنا مكنتش بحمل أي مشاعر تجاهها لا حب ولا كراهية، لكن كنت بعاملها بندية وكنت بهمش الأنثى اللي جواها فكان بيطلعلي ذكر قاسي مش طبيعي ومعنديش حتى قدرة على مجاراته، لقيت إن كل مواجهاتي معاها خسارانه لو ما أعترفتش بالأنثى اللي جواها واتعاملت معاها من المنظور دة.

وأول ما غيرت تعاملي معاها وبقت بتحس مني بالعطف إختلف أسلوبها معايا تماما وبقت بتقدم تنازلات معنوية مكنتش متخيل إنها ممكن تصدر منها أبدا. الفكرة إني لما غيرت تصرفاتي معاها هي اعتبرت دة إعراف مني بالأنثى اللي جواها ودي حاجة هي ما صدقت لقتها عندي ومش مستعدة إنها تتنازل عنها علشان كدة كانت بتتصرف تصرفات أنثوية تأكد المبدأ اللي بعاملها على أساسه.

الأفكار الذكورية اللي بتتبناها الأنثى ممكن تكون بسبب القبح اللي بيتروجله في المجتمع من أفكار التحرر والمساواة اللي متعرفش أي شيء عن المساواة، أو بسبب محاولة الأنثى لحماية نفسها في رداء ذكر ودا نتيجة إنها حاسة إن مفيش ذكر حقيقي في حياتها ممكن يعمل نفس الدور.

طبعا مهما تمثلت بالذكر ونشفت في طباعها مش هتقدر تكون زيه. دة مش انتقاص منها لكن هو مخالف لطبيعتها، الذكر كمان مش هيقدر يكون مكانها أو زيه.

في الحقيقة هي أول ما يتلاقى ذكر حقيقي بتستغنى عن كل الأمور اللي بتعتبر تكليف مخالف لطبيعتها وبتعيش أنوثتها بانسيابية.

الحقيقة اللي لمستها من خلال تجاربي واستقرائي لتجارب الناس اللي كانت بتحكي لي عن مشاكلها مع الجنس الآخر هي إن الذكر لما بيكون معاه أنثى بيكون ذكر جدا، والأنثى نفس الوضع لما بيكون معاه ذكر قوي وليه قوامة بتقدر تغذي أنوثتها وتقويها منه.

كل منهم بيدعم طبيعته في جوار الآخر علشان يحصل أكبر اتساق ممكن بينهم والمفروض إن الراجل والست ميسمحوش لأي حاجة إنها تخرجهم من الحالة دي، الحالة اللي بيتغذي كل طرف فيهم من التاني.

ببساطة كل هي ما زادت أنوثة كل ما الذكر أصبح أكثر قوامة وكل ما قدرت تستحث الشهامة جواه علشان تحوله لوحش مبيتهزمش، وهو كل ما أتصرف معاه بشهامة كل ما حست بالانجذاب والخضوع ليه ودة بيلمع الأنثى اللي جواها أكثر، وهكذا يفضل الاتنين في دايرة طاقة مش بتنتهي.

-التأثير

البنث محتاجة ترتبط براجل تحس إنه ليه تأثير في الحيار، راجل يقدر يواجه المشاكل ويتصرف معاهم بفاعلية.

تأثير الشخص بيبان عند كل مواجهة الحياة بتفرضها عليه.

التأثير دة حاجة بتعبر عن مدي فاعلية الشخص وقدرته على إدارة الأزمات، يعني إنت لو ليك تأثير هتكون جذاب بالنسبة للبنت من باب إنك هتقدر تقضي وتحل في العقبات اللي هتقابلكوا في الحياة .
عندك فكرة مثلا ليه البنات بتكون منجذبة للمدير في بيئة العمل.
علشان ببساطة هو أكثر شخص بيكون ليه تأثير في المكان .
مدي تأثير الشخص بيساوي قدرة الشخص على تغيير النتائج لصالح اللي معاه ودي حاجة البنت عاوزاها بشدة.
البنت على طول بتكون متخيلة إنها هتكون في أزمة أو الدنيا هتيجي عليها بالذات في المجتمع الشرقي فكدة كدة هي مش عاوزة خيال مآة في حياتها.
ما هو الراجل لو ملوش تأثير وكان سلمي فدة كدة كدة بيخل بالوظائف اللي البنت محتجاها منه.
إنت لو شخص مؤثر فأول ما تمارس التأثير هتمارسه عليها ولو إنت سلمي فدة معناه إنك هتكون سلمي في كل شيء حتي تجاه أهدافك معاها.
و علشان تكون فاهم البنت بتتعلق من أقل حاجة بس أهم شيء يكون في صدق في تصرفك.
البنت بتستني تقرا الصفة اللي هي محتجاها منك علشان ترضي بيها رغباتها الأصيلة جواها حتى لو هتقرى الصفة دي أبسط تصرفاتك علشان هي لو عندك هتظهر في أكبر الأشياء زي ما بتظهر في الحاجات البسيطة

-الاعتماد على النفس-

ودي على فكرة حاجة غير الثقة بالنفس خالص، علشان في ولاد واثقة في نفسها عادي ودا ببيان في تصرفاتهم بس ممكن يكونوا مرفهين فيكون عندهم تواكل على الناس اللي حوالهم.

مش شايفين إنهم محتاجين إنهم يعتمدوا على نفسهم في قضاء حاجتهم. الاعتماد على النفس في الغالب خاصية البيئة اللي حواليك والتربية هي اللي بتثقلها فيك.

الاحتياج هو اللي بيخلق عندك القدرة على الاعتماد على الذات. ما هو البنيت مش محتاجة حد علشان هي اللي تقضيله حاجته، حتى لو هو بيمتلك رفاهية إنه ما يعتمدش على نفسه فالبنيت بتحب تشوف دة في الراجل اللي هتكمل معاه .

زمانك دلوقتي بتقولي يا عم أنا مش عاوز أتجوز أنا عاوز اضبط بس مش جواز وأكمل والحوارات دي.

هقولك حتي لو دة هدفك فالبنيت بتكون فكرتها مختلفة، البنيت مش بترتبط بيك غير علشان تكمل معاك وتجب منك ولاد كمان .

أصل طالما إنت متوافق مع مبادئها يبقى ليه لا.

هيحي في دماغك دلوقتي سؤال تاني اللي هو يا عم إنت عاوزني صادق وعندي قوامه وواثق وحوارات كثير .

كل دة علشان اضبط!

الموضوع لما تتكلم في تفاصيله تلاقها كثير جدا زي ما قلتك قبل كدة الموبايل الصغير اللي في إيدك وبishtغل بمنتهى التلقائية علشان تتكلم على اللي عمله مش هيكيفيك تكتب مؤلفات في الموضوع علشان تلم بكل جوانبه.

لكن ساعة ما الحكاية تظبط معاك وتتعلم السواقاة هتلاقيك بتعمل كدة بكل
سلاسة وكل يوم بتكلم بنت وتسبب الثانية دا لو إنت حابب تبقى العبان
ومتستقرش في علاقة واحدة.

الأمر كله بيتطلب منك إنك تكون راجل بالمعنى الحقيقي للكلمة، المعنى اللي
هيكون ليه تأثير عليها غصب عنها ولازم تيجي معاك.
علشان ببساطة هي اتخلقت علشان تكون مع حد مش تفضل لوحدها، فيبقى
ليه لا يكون إنت.

شكلك مش وسيم أو مش طويل أو أي سبب تاني خارج عن إرادتك.
لحسن الحظ هي مش بتشوف كل دة لو شخصيتك قوية أو لو حتى بتملك
بعض الصفات اللي قلنا عليها.

القاعدة العامة بين أي زوجين من أي نوع من الكائنات الحية هي الانجذاب.
لو عندك الصفات اللي تأهلك وماشي على البروتوكول فمفيش سبب في الدنيا
يخليها تمانع من.

التظبط

بين الراجل والست دا شيء فطري واللي بيخلي الموضوع يكون صعب في بعض
الأحيان هو إن إحنا بنسيب فطرتنا وبتعامل باصطناع.
هو دا الشيء اللي بيبعدنا عن فطرتنا وبيخلي الفطرة هي كمان تتمنع علينا.

أتصرف ازاى فى الأول

أول شىء لازم تكون عارف إن أسهل حاجة هى إنك تجيب رقم بنت وتاخذ منها ميعاد لأول مرة علشان الحكاية دى مش بتحتاج غير إنك تكون متزن غير دقيقة واحدة بس لحد ما تاخذ الرقم أو اتفاق على ميعاد تقابلها فيه، لكن أنا عارف طبعا من الصعب عليك إنك تروح تكلم أى بنت عجباك فى الوقت الحالى، علشان كدة بنصحك تبدأ على الهادي الأول .

يعنى مش لازم تروح تكلم أحلى بنت من البداية لا حاول تتواصل مع واحدة عادية فى الأول علشان تاخذ ثقة فى الموضوع بالذات الناس اللي لسة ملهاش تجارب و جايبه السلم من الأول .

أولا مش عاوزك تعمل زى الحرامية وتعاكس البنت من بعيد لبعيد علشان المعاكسة دى مش هتجيب غير البنت الشمال، البنت بتكون عارفة إنك خايف تواجه وبتداري خوفك فى إنك تعاكسها، إنما المواجهة دى للرجالة، البنت مش بتشوفك قليل الأدب بس لكن بتشوفك قليل الأدب وجبان علشان كدة أوعى تعاكس، أوعى تخلى البنت ماشية أو معدية من قدامك وتقول يا بطل وبطة وفرس والكلام الأهل دة، الكلام دة مش هيجيب غير الشمال بس زى ما اتفقنا .

بعد كدة عاوزك تعرف إن الحاجة اللي بتفكر فيها كتير بتبوظ منك أو مش بتتظبط، ساعات الجرأة فى الموضوع بتكون أهم من قوة الفكرة اللي ممكن تستنى كتير علشان تطلع بها وفى الآخر تروح للبنت وإنك متردد.

البنث مش قطر هيدوسك زي ما اتفقنا بردو، لازم تكون جريء علشان مجرد ظهورك بمظهر الخايف دا معناه إنها هترفضك رسمي.
يعني لما تدخل عليها وانت خايف كأنك رايج ومعاك أسباب الرفض اللي تخليها متتقبلكش.

إذا أول مبدأ هو الجراءة وعدم الخوف ولو خوفت متروحش علشان مش هيبقى ليه لازمة اللي بتعمله.

تاني حاجة لازم تكون مؤمن بالمحصلة، يعني متعتمدش نتايجك على واحدة فقط أو اتنين، لا إنت بتعتمد النتايج بعد 10 محاولات علشان تشوف إذا إنت ماشي صح ولا المفروض تغير طريقتك.

يعني لو نتيجتك 5 من كل 10 بيستجيبوا ليك فدة مستوي كويس جدا ومحتاج بعض التحسين.

لو قل من كدة لازم تعيد فحص أسلوبك مع البنات وتشوف إنت بتعمل إيه غلط وفق المبادئ اللي بنتكلم عليها

-أصول الداخلة

أنا مفترض دلوقتي إنك داخل على البنت ومش خايف علشان قلنا لو خايف متدخلش عليها أصلا لحد ما تأهل نفسك نفسيا، بعد كدة إبتدي أدخل عليها واتكلم معاها بس في تفاصيل صغيرة كتير لازم تخلي بالك منها لو البنت أول مرة تتكلم معاك.

لازم أولا تكون حريص إن البنت متخافش منك، علشان لو خافت منك عمرها هتستجيب ليك وهتحاول تتخلص من الموقف بأي طريقة، عن تجربة الأمور كانت بتبوظ مني كتير في الأول بسبب عدم تقدير النقطة دي.

من أكثر الحاجات اللي بتخوف البنت إنك تكون قريب منها وإنت بتكلمها علشان كدة لازم تحافظ على المسافة وتخليك بعيد شوية علشان البنت تحس بحريتها.

البنت لو خافت منك هتبقى إنت بتناقض مبدأ أساسي عندها وهو احتياجها للامان، المفروض إنت يا باشا اللي هتوجد الأمان في حياتها فيإزاي هي ممكن تتقبلك وإنت بتسببها الخوف، الخوف دا شيء منفر جدا و بيخلي الإنسان يتقي مسبباته بكل الطرق.

علشان كدة كمان أوعى تكلمها من ضهرها علشان دة بيخوفها جامد، يعني متجيش وارهها وتقعده تتكلم علشان بتتخض وبتحاول تهرب من الموقف بكل الطرق، اختيار موضع الكلام لوحده عليه جزء كبير جدا من نجاحك مع البنت.

لو إنت ماشي وراها حصلها لحد ما تبقي جنبها وبعد كدة كلمها، وأفضل شيء إنك تحاول تاخذ استجابة منها بالعيون الأول، نظرات تتفهم على إنها قبول

مبدئي، بس لما تبقى محترف مش هيفرق معاك موضوع النظرات دة هتلاقي نفسك بتروح للبننت تفرض نفسك عليها.

كدة يا إما تكلمها وإنت ماشي جنبها يا إما تخليها واقفة وتروح تكلمها ولما تكون واقفة متقفش معاها وش في وش كدة لا خليك بجنبك شوية علشان هي متحسش إنها في مواجهة و تخاف منك.

لو إنت مظهرك مش مطبوط فهي هتفكسلك آخر حاجة، هتطنشك أو هتعدرك، علشان كدة لازم تهتم بمظهرك.

من أكثر الحاجات اللي بتأثر في البننت هي البرفيوم.

حاول تختار نوع برفيوم يكون نفاذ شوية أول مرة على الأقل، لازم تكون عارف إن البرفيوم هيسهل مهمتك النص، الحاجة دي بتأثر فهم جدا وعن تجربة بردو، علشان إنت أول ما بتقرب منها بتحاول تشمك.

بتحاول تشمك علشان تشوف هي هتكون فكرة عنك إزاي .

ريحة بؤك لازم تهتم بيها بردو، مهما كنت حلو ووسيم البننت مبتعرفش تتقبلك وإنت ريحة بؤك وحشة، اللبان أو النكهات اللي بتتمضمض بيها بتحل الموضوع ببساطة .

تاني حاجة لازم تهتم بيها هي ضوافرك، نضافة الضوافر من الحاجات اللي يبصوا عليها كتير وممكن ترفضك لمجرد إن ضوافرك مش نظيفة أو متقرقضة.

في بقى مبدأ أساسي عند كل بنت مفيش عليه خلاف ألا وهو جودة الشوز، هل إنت الشوز بتاعك نضيف ومتملع كويس وبتختار ألوانه بعناية ولا إنت مش بتهم للأمر دة.

من خلال تجربتي الشوز من أكثر الحاجات اللي بتبص عليها البنت في الولد، الاستفتاء دة اتعمل أكثر من مرة وكل مرة أكثر من 60% من البنات بتختار الشوز أول حاجة من ضمن الحاجات اللي بتشدهم للولد علشان كدة مينفعش بأي حال من الأحوال متهتمش بالأمر دة.

بعد كدة الساعة، مش لازم تشتري حاجة غالية أوي بس حاول تخليها أنيقة قدر الإمكان ، الساعة بيكون لها رمزية قوية لشخصية الراجل، وبتحسس البنت إنك عندك شيء من الانضباط وكمان بتهتم بمظهرك.

بالنسبة للبسك بيفرق كثير بردو وعن تجربة لازم يكون لبسك نظيف ويسلام لو إنت بتهتم باللبس الكلاسيك، بياكل معاهم جدا.

كل دة حوالين مظهرك اللي هتواجه البنت بيه لأول مرة.

اعتبر كل حاجة منهم بنقط بتزود وبتقلل من رصيدك قدامها.

معظم الولاد بتسألني طب أنا هدخل أقول إيه، في الحالة دي أفكار الشخص هي اللي بتسيطر عليه بشكل كبير، هل إنت شايف إنك بتطلب شيء من حقك ولا إنت داخل وحاسس بالحرج من اللي بتطلبه.

مهما كانت كلماتك اللي هتقولها للبنت الإنطباع اللي جواك عن اللي إنت بتعمله بيوصل للبنت وبتحس بيه.

علشان كدة لازم تتعامل معاها على إنها حاجة عادية وإن الرفض بتاعها مش هيسبلك أي مشاكل.

بنات كثير من اللي كنت بتكلم معاهم اتأثروا بالفكرة دي وكانوا بيوافقوا علشان كدة، اللي هو أنا باين في كلامي إن عندي اعتزاز بنفسي والحلول عندي كثير والدنيا مش هتقف عليك، علشان كدة البنت كانت بتشوفني فرصة مينفعش تنفوت.

إنما البنت لو حسيت في كلامك إنك محتاج لها وإنها ممكن تكون صاحبة فضل في العلاقة بتبتدي ترفض. هتقولي كل دة بيان من أول جملتين هقولك أيوا، ولما تدخل في الموضوع أكثر هتعرف.

طبعا يستحسن لو إنك تبدأ الكلام معاها بسؤال، بس دايمًا مش بيبكون الشخص ملهم بالسؤال، علشان هي لو حسيت إنك بتتلكك علشان تتكلم معاها بتحس بالنفور نحييتك. علشان كدة بقولك لو السؤال مناسب ماشي مش مناسب وهيتفهم على إنك بتتلكك يبقى خلاص فاكس.

بس السؤال لو تلقائي بيسهل كتير عليك علشان بتضمن منها استجابة وإنها هترد عليك ولما ترد عليك بتدخل في حالة من الاطمئنان بتخلها تتقبلك بنسبة أكبر.

تاني حاجة إنك تحاول تهزر معاها أو تلاطفها بالكلام علشان تستدعي الضحك عندها ودي طريقة مناسبة جدا علشان البنت أول ما بتضحك نسبة القبول عندها بتكون عالية جدا، يعني لو عرفت تضحكها بتكون علققت معاها بنسبة 90٪.

ممكن الطريقة الثالثة والمباشرة إنك تواجه البنت بشكل مباشر وتطلب منها اللي إنت عاوزه ودي الطريقة اللي يعتمد عليها في أغلب الأحوال، بتحاول تلاطفها بكلمة أو تقدم مجاملة ويستحسن لو تعليق على لبسها أو الشوز بتاعها وبعد كدة بتبتدي تطلب رقمها أو ميعاد معاها. أسوء داخلة ممكن تدخلها على البنت إنك تقولها أنا بحبك أو أنا معجب بيكي.

نسبة نجاح الدخلة دي أقل من 40٪، لو عملت كدة هتبقى بتديها حاجة تزود الممانعة عندها وتخليها تحس بنفسها وتبقى عاوزه ترفضك.

لازم تكون منتبه كويس جدا إنت بتبين أي شخصية معاها، وهل اللي إنت بتظهره لها في كلامك معاها لأول مرة يناسب قناعتها في فارس الأحلام وشريك حياتها ولا لا.

أنا مش من أنصار إن يكون في كلام تعمل بيه دخلة معينة على البنت علشان البنت مش بتاخذ بالكلام اللي إنت بتقوله قد ما بتاخذ بالرسالة اللي بتوصل من كلامك.

أسلوبك ولغة جسدك أهم من إنك تركز مع الكلام اللي هتقوله. في موقف من المواقف وقفت البنت، ودايما كنت بتعمد أوقفها الأول علشان تسمع مني والموضوع دة بيحتاج إنك تكون جريئ شوية علشان معظم الولاد بتتكلم والبنت ماشية ودة مش بيضمن الاستجابة بنسبة كبيرة. قولت لها لو سمحتي ممكن تساعدني شبكة الموبايل ساقطة ومش راضي يتصل، ممكن تجربي تتصلي على نفسك كدة تشوفي هيجمع ولا لا. الحوار بيا نتافه بس زي ما قلتك مش مهم إنت بتقول إيه لكن المهم إنت بتقوله إزاي.

الدخلات اللي ممكن تتكلم مع البنت بيها لا تعد ولا تحصى أهم حاجة السيستم اللي بيخرج الكلام هل مناسب لقناعات البنت ولا أسلوبك ردئ وبتحسسها إنها مش مع حد مميز.

لازم لما تدخل على البنت تحسسها إنك بتقدم لها ديل كسبان، هي بتقدر حجم المكسب في الديل من الحاجات اللي ذكرناها زي البرفيوم واللبس وأسلوب

الكلام ولغة الجسد، لو محصلة كل دة إيجابية ستكون استجابتها إيجابية، لو سلبية يبقى إنت محتاج تظبط أدائك أكثر من كدة.
خليك ديما فاهم إن أدائك مهما كان سيء ممكن يتحسن، ممكن تطور من نفسك علشان تحسن نتايجك .

-قوة التضامن

الإنسان ديما محتاج يلاقي حد يحس بمشاكله ويعيش المشاعر السلبية معاه، كان في بنت حلوة أوي وكنت بفكر أدخل أكلّمها إزاي، البنت كانت مش سهلة وجو الملاحظات بيوجب نتيجة سلبية معاه، كانت أحسن فكرة إني أشوف مشكلة من مشاكل حياتها وأحسسها إني عايش معاه المشاعر المصحوبة للمشكلة دي.

البنت كانت في منتهى الثبات وصعب جدا الوصول ليا، كتر الطلب عليها كان بيديهما القناعة دي ومكنش في حد بيملّي عنيا فعليا .
لوروح وحست إني طالب أتواصل معاه أو أتقرب منها كانت الممانعة عندها هتزيد وهتعز بنفسها أكثر، كان أحسن حل هو إني أتضامن معاه في أي قضية من القضايا اللي شغلها .

البنت دي كان عندها مشكلة مع أهلها حوالين إنها تكمل تعليم أو لا والحكاية دي كانت تعباها جدا .

الفكرة إن المشكلة دي كانت بتستحس مشاعر الحزن عندها وتخرجها من حالة التماسك اللي هي فيها وتخلّيها مستنية أي حد يحس بيها .

أي حد يتكلم معها في المشكلة دي بيقدر يخرجها من حالة الثبات اللي هي فيها ويدخلها في حالة تانية بتعتمد على المشاعر مش على العقل وبالتالي تقدر تدخل لها من الباب دة .

الفكرة إني إبتديت أتكلم معاها حوالين الفكرة دي ولما حسيت بالتضامن مني مع مشاعرها وإني حاسس بيها بقت هي اللي مدمنة على التواصل معايا . كل القضايا اللي بتشغل تفكير الإنسان وبتستحث المشاعر اللي عنده بتسهل جدا الدخول ليه والتسلق على أفكاره في كثير من الحالات .

نفس فكرة عمل السينما، كل أفلام السينما اللي بتناقش قضايا حياتنا لازم تحسس المشاهد بالتضامن عن طريق تصوير بعض أجزاء من حياته وبعد كدة يحتلوا أفكاره ويسيطروا عليه عن طريق تمرير أفكارهم ليه وهو بيتقبل دة في إطار التضامن اللي بيحسه عن طريق تصوير أجزاء من حياته فعلا . البنت في العموم بتحتاج تحس بالتضامن، حاول طول الوقت تخلق مساحة مشتركة بينك وبينها .

بص بقى هو يمكن الفكرة مش جديدة النموذج اللي بيعتمد على فكرة التضامن من الولاد كثير جدا

إحنا لما بنشوفه بنقول عليه بيدحلب، بس مش كل الناس اللي بتدحلب أو بتتضامن مع البنت علشان تفتح طريق معاها بتكون مقنعة للبنت . في ولاد بتعرف تعمل دة بثقة من غير البنت ما تحس إن في أي حاجة غريبة وفي ولاد بيكون باين عليها هي عاوزه إيه .

رغباتها بتسبقها في الكلام واللي جواها بيبان، بيبان إن إنت مش جاي تتضامن وإن إنت عاوز حاجة لمصلحتك إنت . ساعتها بتكون مكشوف بالنسبة للبنت ومش بتعرف تتقبلك .

مش لازم بيان أي حاجة من رغباتك في الأول وإنك متضامن مع المشاعر بتاعتها
بصدق علشان تقدر تاخذ الاستجابة اللي بتهدف لها .

-إحتل مكان في أفكارها

عاوز تعرف فكرة إن البننت تتعلق بولد وتبقى مش شايفة غيره بتكون قائمة
على إيه .

الموضوع عامل زي استغلال الهكر لصغرات الأنظمة علشان يقدر ياخذ
حاجات المفروض إن هي من حق صاحبها بس اللي هو البننت .
على قد ما تقدر تحتل مكان في أفكار البننت على قد ما هتكون متعلقة بيك
ومش شايفة غيرك .

الفكرة إنك بتخترق دايرة اهتمامها وتخلق عندها اهتمام جديد وتفضل تجدد
الاهتمام دة عندها وتزوده بالطاقة لغاية ما يشتغل بعد كدة لوحده و يجدد
نفسه .

أي بنت هتقف تتكلم معاها أو تطلب منها تواصل مش هيكون عندها طاقة إنها
تكمل معاك غير علشان إنت قدرت تحتل جزء من أفكارها وتشغل مساحة في
دماغها .

البننت اللي بتقول أنا مش قادرة أعيش من غيره بعد كدة دي بيكون عندها
فراغ عقلي بسبب إن الولد بعد عنها، على طول بتكون حاسة إن في حاجة
نقصاها أو في خسارة كبيرة بتطولها .

احتلال الأفكار دة بيبدأ من أول وهلة إلى ما لا نهاية، أو لحد إنت ما تفكر تنهي
العلاقة .

لو البنت أول مرة تشوفها ومفيش فرصة إنك تتقابل معاها تاني فإنت بتطلب الرقم منها أو ميعاد تاني من أول مرة تكلمها فيها، علشان ببساطة مش هتعرف تكلمها تاني .

إنما لو البنت معاك في الجامعة أو نفس المنطقة السكنية، أو في الشغل أو في فرصة بتجمعك بيها بشكل دوري بأي شكل من الأشكال فإنت مش هتطلب منها الرقم أو التواصل من أول مرة علشان الوضع بيكون منفر والبنت بتحس إن في حاجة غلط .

ممكن تلاطفها بكلمة وتسيبها وتمشي من غير ما تطلب منها تواصل، وتبتدي تشغل فكرها واحدة واحدة كدة .

لو إنت قولتلها فستانك حلو النهارده هتفضل تفكر في كلمتك لغاية ما تقابلك تاني مرة، بس خلي بالك الملاطفة دي أو المجاملة سلاح ذو حدين .

يعني يا إما تخلي البنت تنشغل وتيجي معاك يا تزود المقاومة عندها وتحسسها بنفسها أكثر، علشان كدة البنات الحلوة مكنتش بهتم إنني أجاملمهم، كان ممكن مثلا أكسر فيها شوية بياني أقولها على فكرة لو لابسة كذا كان هيكون أحلى أو اللون كذا هيبقي أحلى عليك وبردو لازم تستخدم الأسلوب دة بحذر علشان ممكن تتقفل منك خالص لو حسست إنك مزودها .

البنت الحلوة اللي حاسة بنفسها أكثر حاجة بتجيب معاها إنها تحس انك مش شايف حلأوتها دي و تكلمها في مواضيع عادية بحيث يكون ليك مكان في افكارها و في نفس الوقت متندلقش عليها فتتقل هي عليك .

أكثر طريقة بتشغل أفكار البنت خصوصا لو كانت جميلة هي إنها تحس إنك بتعاملها عادي و إن إنت مش محتاج منها حاجة ودة في حد ذاته بالنسبة ليها شيء مختلف علشان هي متعوده على المعاكسات ونظرات الإعجاب من كله .

بتبتيدي تعمل فوكس عليك في دماغها وتحس إنك مميز وشخصيتك أقوى
وعندك قدرة على التحكم في رغباتك .

أكثر من بنت كلمتني مع إن شخصياتهم كانت قوية جدا وصعب إنهم يطلبوا
من حد الطلب دة، بس عملوا كدة علشان مكنتش ببصلهم بصة فيها جنس
خالص ولا كان بيان في كلامي إنني عاوز منهم غرض دا تفسيري الشخصي لكن
البنت كانت بتقول حسيت إن إنت حد مريح، في العموم البنت لو حسيت إن
ليك غرض منها بتحط بينك وبينها ألف حاجز .

ازاي تعلقها بيك

زي ما اتفقنا إن أسهل حاجة إنك تاخذ رقم بنت وتواعدها، وبعدد محاولات قليل تقدر تظبط الموضوع دة علشان الموضوع مش محتاج أكثر من إنك تكون متزن لمدة دقيقة بس لحد ما تواعدها أو تاخذ رقمها.

الصعب هو اللي جاي يا معلم ودة اللي أخذ مني مجهود طويل لحد ما اتقنته ، لازم لحد أول 10 لقاءات مثلا لغاية ما تعلق بيك وتقدر تتجاوز عن أخطائك إنك تكون متزن جدا ومتسق مع دوافع الارتباط عندها .

البنت زي ما قلنا مجرد موافقتها المبدئية على التواصل معاك هي قبول مشروط لإن هي تديلك البويضة بتاعتها، قبول مشروط بمدى اتزانك وثباتك في اللي بعد كدة .

هتيجي بعد كدة تكتشف إن إنت أي كلام هتقلبك ومش هتديلك البويضة بتاعتها علشان ببساطة إنت منجحتش في معايير الانتخاب اللي هي حطاها .
الظريف في الأمر إن البنت بعد ما بتتعلق بيك مش بتشوف أي حاجة غلط إنت بتعملها وعلى طول بتبرلك أخطائك، بس لحد ما تعمل كدة وتكون بتعرف تعلقها بيك لازم تتعب شوية .

لازم تكون فاهم إن البشر في العموم مش بينجذبوا غير للقيمة الحقيقية على المدى الطويل.

يعني البنت ممكن تمثل عليها إنك إنت الشخص اللي هي محتاجاه لفترة، لكن بعد كدة هتبقى زي الكتاب المفتوح قدامها، هل إنت مدرك الخطوة دي!

مفيش حد بيعرف يخفي حقيقته لفترة طويلة، في المسافات الطويلة الحقيقية بتبان وكل حاجة بتتكشف والمعدن اللي جوانا بيصرح عن نفسه. لما تتعامل فترة طويلة مع البنت هيبقي كلامك عن نفسك مالوش أي معني علشان هي هتكون حفظتك خلاص.

في مرحلة ما كان أسهل حاجة عندي إني أكلم بنات بس يوم والثاني والبنت بتمل و مبتردش عليا.

علشان رغباتي كانت بتوصلها، كانت بتخدع في الأول بس لما كنا بنمشي مع بعض مسافة كان ببيان أهدافي من العلاقة وكانت بتحس إني بمثل علمها وبالتالي كان الموضوع بيبوظ.

ما عرفتش يكون ليا تأثير في البنات فعلا غير لما بدأت أصبغ مبادئ تجاه البنات من أول وجديد، دا اللي أخذ مني مجهود ووقت فعلا علشان كنت محتاج أغير من نفسي علشان أقدر أشوف الأمور بشكل مختلف.

مسألة إن عندك مبدأ معين في حياتك ماشي عليه دي حاجة بتخلي البنت تتعلق بيك جدا، لكن إنك تصبغ المبادئ أساسا اللي بتخليك تحكم السيطرة على الأمور مع البنت بما يناسب طبيعتها فدي حاجة واو جدا بالنسبة لهما، زمان كنت بستغرب من بعض صحابي لما كانت البنات تتصل بهم كثير وهما ميردوش، كنت بقول إنتم مش خايفيين يطفشوا منكوا، وكنت بسأل هو اللي بتعملوه دة صح! ، أو ليه بتعملوا كدة؟ البنت بتتصل عاوزه تتكلم يعني الدنيا حلوة أهي!

ليه بتعملوا كدة بقا؟!

الولاد الشاطرة في الحوار دة بتقدر تصبغ المبدأ اللي هتعامل بيه البنت واللي محصلته نجاح.

بيقدروا يصيغوا العادات اللي لما يمارسوها مع البنات يعرفوا يوصلوا للي هما عاوزينه معاها.

ولازم تعرف إن في نوعين من الولاد اللي عاوزة تصاحب بنات، نوع بيفضل يجري ورا البنات من غير ما يحصل حاجة ونوع ثاني البنات هي اللي بتجري وراه وهو اللي بيختار هيتواصل مع مين، لازم تكون عارف إن الموضوع كمان ممكن يكون اختيار وتبقى إنت اللي البنات بتجري وراك لو قدرت تظبط ممارساتك وعاداتك معاها.

-فترة البداية-

في فترة بداية الكلام مينفعلش تظهر أي تطنيش، علشان هتتصل عليك مرة مش هتتصل عليك ثاني لو إنت طنشت وهتستناك إنت تتصل علشان كرامتها بتكون شادة عليها شوية، لما اقلك في أول العلاقة مش قصدي أول يوم أو أول إسبوع أو أول سنة حتي.

بداية العلاقة بيقاس علي مشاعركوا تجاه بعض، مرحلة البداية بيكون فيها ترقب وممكن تغيب وقت طويل أو تتجاوزها بسرعة، دا على حسب قدرتك على فهم المرحلة ومعالجة مشاعر البنات في المرحلة دي، البنات في البداية بتحس بالحرج وإنها بتتعامل في منطقة مش بتاعتها وبالتالي ردود أفعالها بتكون حساسة جدا تجاه الولد.

الفترة الأولى دي بتكون فاصلة في مصير 90% من العلاقات، حاجة كدة عاملة زى المولود إلهي مناعته بتكون ضعيفة في الأول علشان كدة التعامل معاها

بيكون بحرص زيادة، لو بعدت عنه مش هيحس بيك ومش هيكتمل نموه لو
حضنته أوى هتخنقه وتفقدده بردو.

أوقات العلاقة بتبوظ بسبب إنك بتتصل بيها كتير في الأول دا أمر بيخلمها
تحس إنك بتقتحم زيادة عن اللزوم وأوقات لو حاولت تتقل علمها بتحسسها
بالحرج وإن هي إلي بتقحم نفسها في منطقة مش بتاعتها، علشان كدة التعامل
في المرحلة دي بيحتاج أكبر قدر من الإنزان لغاية ما نفس التصرفات يكون لهما
تفسير تاني في المرحلة إلي بعد كدة.

في بداية التعامل مش بيكون عندك حاجة تساوم بيها ومفيش مبرر إنها تتقبل
منك تصرفات ممكن تثير الشك عندها حوالين إنك عاوز تقلل منها أو تحطها
في قيمة أدني من قيمتها بأنك متردش علمها أو بيان إنك بتتنقل.

هتلاقي ندية وتناظر في المعاملة، هتلاقي راجل واقف قصادك مش واحدة
وهتقتل أي مشاعر إنجذاب من قبل ما تبدأ .

-مرحلة التغافل-

هل من الطبيعي إن إحنا نكون مثاليين، حاجة مفهّاش غلطة زي أبطال هليود. بنطير في وسط نطاحات السحاب وبنقيم العدل وبننقد الطفل من علي حافة السطح وبنزاعي مشاعر الآخرين وكل تصرفاتنا نبيلة مفيش وراها أي غرض شخصي أو أناني .

دا الوضع اللي صدرته أفلام هوليوود للمشاهدين واللي إترفع بسببها سقف طموح كل بنت في الذكر اللي هترتبط بيه .

عاوزاه وسيم وعنده شركات وقوي وغرضه من العلاقة رومانسي مش جنسي وببحب البنّت علشان شخصيتها مش شكلها وجسمها.. السؤال هل في شخص بالكمال دة؟

إنسج في الخيال شخصيات مثالية زي ما إنت عاوز لكن هي فين في الحقيقة . الممثل يقدر يكون مثالي في مشهد مدته دقيقتين وبيعده أكثر من مرة علشان يوصله للمشاهد بشكل صادق، لكن مين يقدر يعيش بالمثالية دي طول حياته. حتي لو في فلتات فدة مش معناه إن دي القاعدة علشان كدة مخ البنّت بيصنع مساحة واسعة لتعديل الخلل دة وإلا مفيش ولا واحد هيكون مقبول بالنسبة للشخصيات المثالية اللي بيصدرها الإعلام العالمي، المساحة دي إسمها منطقة التغافل .

إحنا مش مثاليين ومش هنكون كدة ولو إحنا مثاليين هيبقي مكانا مش علي الأرض أكيد.

إحنا مش مثاليين لكن مطالبين بتصدير الصورة دي لفترة قصيرة لحد ما نوصل مرحلة التغافل.

اللي هو بنغلط بس عادي، جاذبيتنا بتشفعلنا وبتخلي البننت تتجاوز عن الأخطاء دي في مقابل الحججات اللي عجاها فينا. بس مينفعش نتبني وجهة النظر دي قبل ما نوصل لمنطقة التغافل اللي البننت ممكن تفوت فيها بعض الأخطاء اللي بتقع مننا.

واحدة كانت بتحكيلى مشكلتها مع خطيها في خطوبة دامت سنتين ظهر في نهاية السنتين أسلوب غير اللي بدأ بيه خالص، ظهرت طبيعته الحقيقية لكن كانت وصلت معاه لمرحلة من الإنجذاب بتخليها تتغافل عن كل الأخطاء دي.

علي الرغم من إن الحججات اللي كانت بتشكها منه صعب جدا إصلاحها أو تغييرها في شخص راشد إلا إنها كانت عاوزه تصلحه مش عاوزه تسيبه، وبعيد عن القصص المثالية اللي بتصورها دراما عدم التخلي في التلفزيون إلا إن مش دة كان السبب اللي خلاها متمسكة، حاولت أفهمها إن دة مش إخلاص،

الإخلاص بيكون فضيلة لما نكنه لشخص خانته الظروف ونقف معاه ونساعده إنما إيه معني الإخلاص لشخص بيختار غلطاته بنفسه، بيختار كل إسائة بيحاول يوجهلنا وهو عارف كويس صداها إيه علي نفسها.

في الحقيقة وقوف البننت دي جنبه مكنش إختيارها دا كان بفعل الحالة الذهنية اللي وصلتها واللي بتخليها تتغافل عن كل الأخطاء في مقابل بعض المكافئات اللي تبدو مجدية من وجهة نظر الجينات اللي لها رؤية معينة في الشخص اللي هترتبط بيه.. حتي لو بدا بعد كدة شواهد عقلية تنفي جدوي الإرتباط بشخص زي دة فبيكون الإنجذاب غلب وطغي علي العلاقة وبيقدر يغلب أي مساوي يبيدها الشخص علشان البننت ترفضه.

والشاهد في الأمر إن كلنا عاوزين نكون علي طبيعتنا، بس فاكر لما كريم عبد العزيز كان بيقول لسة شوية.

فكر نفسك ديما قبل ما تطلق العنان لسجيتك السيئة أو الضعيفة لغاية متوصل مع البنت لمرحلة التغافل وساعتها ممكن تنفك شوية.

دي طبعا مش دعوة إننا نكون منافقين أو ندعي حجات مش عندنا لكن خليك جنتل مان لغاية الأمور ما تستقر ولما الأمور تستقر لازم تعرف إن بردو مش كل التصرفات هتكون مقبولة منك حتي لو إنت جذاب من جوانب تانية.

لازم تعرف إنه لا غنى عن التمسك بالمبادئ والإحتكام لها ومحاولة تصليح أخطائك وديفوهات شخصيتك ودا لنفسك قبل أي شيء وساعتها حتي لو فلت منك بعض الأمور فإنت إنسان ومش معقول مش هتغلط لكن إوصل بس الأول لمرحلة التغافل وبعد كدة فرص قبولك هتكون أكبر.

-خلي بالك

في علاقتك مع البنت لازم تكون حاطط قدامك الاختيارين اللي قلنا عليهم قبل كدة .

إنت يا جذاب بالنسبة ليها وتبقى علقنت يا إما مش جذاب ومش هتبقى جذاب غير لما تغير ممارساتك معاها .

-لو إنت بتتصل بيها كتير هتطنشك لا محالة علشان كدة لازم تتعلم التقل

-لو بتسمع البنت كلام حلو كتير لازم تمل منك وتفقد شغفها .

هتحس إن الكلام مالوش فاتورة عندك وإنك بتتكلم على الفاضي والمليان ومستسهل الحوار .

المفروض البنت تفهم إن عندك مبادئ جواك هي اللي بتتحكم في كلماتك مش تقعد تتكلم على الفاضي والمليان وتهربها كلام حب .

ددة معناه إنك شبعتها وقلت كل اللي ممكن يتقال ومفيش جديد عندك .
أنا مش فاكِر إني مرة قلت لبنت إني بحبك غير مرة واحدة بس وكانت بعد شهر من العلاقة اللي كانت متطورة معاها مش سطحية، كانت مش مصدقة نفسها مع إنها كانت شخصية قوية جدا، بس بردو إنت تقدر تختار وضعك منها مهما كان .

-اعمل كل حاجة مع البنت بس متقولش بحبك وبموت فيكي وكلام الفرافير دة .

صدقني عن تجربة الكلام دة أكثر حاجة بتخلي البنت تمل وساعتها هتبقى بتتحسر على نفسك وإنت شايف ناس غيرك بتحظى بالتقدير وبياخدوا من البنت اللي هما عاوزينه لمجرد إنهم منضبطين عنك .

-خلي كلامك الحلو مع البنت حاجة نادرة علشان تقابل بتقدير قوي، الموضوع عرض وطلب زي ما اتفقنا قبل كدة، علشان كدة قلل المعروض على قد ما تقدر .

-متسألش على البنت كتير ومتتصلش كتير .

مشكلة معظمنا في الجزئية دي بالذات إن مشاعر اللفظة بتغلبه ومبيصدق إنه كلم بنت وتلاقية كل شوية بيتصل ويتصل أكثر من مرة ورا بعض ودا أسرع واحد بياخد السكة، البنت بتبتدي تطنشه كتير لحد ما تزهد منه خالص ومع السلامة .

لازم تقاوم رغباتك تجاه البنت ومتندلقش عليها من الأول علشان مش هتحصل من الدلقة دي غير خيبة الأمل .

من المفهوم إن الإنسان مش شغال بزوار وأول ما تقوله قاوم اللفظة وامسك نفسك شوية هيعمل كدة في وقتها.

لكن لازم تعيد صياغة أفكارك تجاه البنات علشان تقدر تطبط تصرفاتك معاهم.

طول ما إنت فاهم إن مجرد حديثك مع البنت هو فرصة العمر اللي مش هتتكرر متفضل ماشي وراها وبتتلف وساعتها مترجعش تعيط وتقول أنا البنت مش بتقدرني أو مش عارف احصل على علاقة قوية مع البنت، لكن لو بتشوف البنت على إنها حاجة في منها نسخ كثير وإنه التنازل اللي هتقدمه هيكون أكبر من المكسب مهما كان حجم المكسب فدة هيزود قدرتك على الممانعة وهيخليك تبقى تقبل أكثر مع البنت.

مينفعش تقول أنا لازم أتقل علشان إنت مش شغال بالريموت، لكن لازم تصيغ جواك مبدأ يخدم فكرة التقل.

-متحاولش تنزل على البنت بالهدايا وتحسسها إنها مدللة زيادة عن اللازم. علشان الهدايا الكثير دي مش بتمس أي مبدأ من مبادئ القبول عندها لكن كل اللي البنت بتفهمه إنك عاوز تتودد لها وبس وبالتالي هي بتفسر دة على إن هي بتقدم ليك قيمة إنت متحلّمش بيها وتزيد عندها الممانعة، ضيف على كدة كمان إن البنت عاوزة تحس بتأثيرك إنت عليها من خلال إيمانك بنفسك مش إنك بتحاول تتودد أو تغريها بالهدايا.

الهدايا ممكن تتقبل في إطار إن هي ملاطفة للبنت لكن مش وسيلة بتحاول تكسب بيها تضامنهما، إنت بالطريقة دي بتقولها استعليني، وساعتها عمرها ما هتتشد ليك.

في ناس بتقدر تاخذ اللي هي عاوزاه من البنت بالفلوس، بس البنت بتكون معاهم بجسمها بس وبتروح تدور على حد تاني يجذبها ويرضي الدوافع اللي جواها علشان تسلمه كل زمام أمورها وهي مطمئنة.

والشاهد إن موضوع الهدايا دة لا يمكن يكون حاجة تقربك من هدفك.

-حاول تخلي مفيش آخر ليك مع البنت، لازم يفضل جزء غامض فيك هي مش عارفاه ويفضل عندها شغف إنها تكتشفه.

الصمت هو أكثر حاجة ممكن تساعدك على كدة.

في بنت كانت بتحكي لي عن علاقتها بولد كانت تعرفه والكلام دة أيام ما كنت في الفريند زون ودة المكان اللي بقدر أوصله مع البنت.

كانت بتقولي إن الولد دة بيجننها، بتقولي أنا بحبه أوي ومش عارفة استغني عنه، مع إنني ممكن أكلمه بالساعات وهو كل فين وفيين على ما يرد عليا مرة.

الولد كان في أغلب الوقت ساكت ومش مبين أي انفعال وهي كانت بتموت علشان تخرج منه رد فعل.

هو دة التقليل اللي بنقول عليه، مش أي حاجة تستحث تصرفاته وانفعالاته وبالتالي بيفضل جزء كبير من شخصيته غامض.

الناس في العموم والبنت على وجه الخصوص بيحددوا شخصية اللي قدامهم في وقت الغضب أكثر من أي حاجة.

لو بان إن ليك آخر أول ما بتزعل البنت هتبتدي تمل منك وتفقد شغفها علشان كدة لازم تكون واخذ بالك من دي كويس.

-أوعي تتنرفز أو تغضب غير لما تكون عارف إنك هتحسم الصراع لصالحك.

و الأفضل إنك تفضل هادي في أغلب المواقف وميكنش في تكلف في انفعالك لو الأمر استدعي الانفعال.

كمان مستوى فرحتك وسعادتك لازم تتحكم فيه، مش أقل حاجة تطيرك من الفرحة وتخرجك عن صوابك.

أصل أي مؤثر خارجي ممكن يخليك تظهر مشاعر معين بيتفهم إن المؤثر دة أكبر من طاقتك وقدرتك على التحكم في نفسك، والبنت لو حسنت إنك خفيف ونفسيك بتتمرجح هتديك السكة .

لازم كمان ميبانش عليك الغيرة اللي تخليك مش واثق من وجهة نظرها وفي نفس الوقت مش هتبقى قرني علشان هي مش عاوزه كدة، البنت عاوزه حد يتحكم فيها بس عن قناعة منها إن ده الشخص اللي ينفع يعمل كدة فعلا، إنما الغيرة لو بانك عليك بشكل مبالغ فيه فده بيدي إيجاء إنك مش واثق .
-متقولش قدام البنت أنا مش عارف أو مش قادر أو كذا صعب، علشان البنت بتكون طفلة أوي في الحالات اللي زي دي و مش بتفهم إن كلنا بشر ولينا طاقة.

علشان كدة لازم يكون عندك ذكاء لفظي وتعرف تختار الكلمات صح علشان متقفلهاش منك.

لازم مستوى كلماتك يناسب قناعتها في فارس الأحلام من غير ما عملي فيها أبو العربي وتكون كل حواراتك أوفر وتزودها في كل حاجة علشان دي بتقفلها بردو منك.

-البنت بتحس إنك مش واثق في نفسك لو لقتك بتتكلم كثير عن علاقاتك مع البنات، بتحس إنك عاوز ترفع قيمتك بالكلام ودا غلط، فاكر فيلم بنت الحنة، أيوا بالطبط كدة، هتخليها تسخر منك .

-من أكبر الغلطات اللي ممكن تغلطها مع البنت إنك تسبب صحابك علشانها، لو البنت حسنت إن إنت بتطنش صحابك علشانها مش هتحترمك، لو لاحظت

اهمالك لأي ركن من أركان حياتك علشانها هتحس إن مفيش عندك تقدير لذاتك ودا بيدي معنى سلمي عنك عندها .

متحاولش تسخر من حد قدامها علشان دة بيبيّنك ضعيف وبتبني على غيرك . الناس طول الوقت بتقع في الغلط دة ودة من أعظم أخطاء التواصل في العموم علشان بيخلينا مش واثقين في نظر البنت .

-بلاش تكون لحوح مع البنت علشان دي حاجة منفرة بالنسبة لهما، هي عاوزه واحد هي اللي تتحايل عليه مش هو اللي يتحايل عليها، علشان كدة متطلبش الحاجة منها أكثر من مرة واحدة بس، لو لقتك مبتسألش تاني هتحس بالذنب مع نفسها وتفكيرها هيروح في 100 اتجاه .

-متقبلش الإهانة منها، علشان هتقلبك في ثانية و دي أول حاجة بتختبرك بيها، بتحاول تحطلك معني سيء في وسط الهزار و تشوفك هتعددي و لا لا، لو قبلت تبقي عرفت اخرك .

لازم تحط حدود للبنت في الحاجات اللي زي دي .

-حاول تكون إنت اللي بتحط المواعيد و متخلمهاش تخلف معاك ميعاد، وقتك دا خط احمر مع البنت، و أوعي تفكر حاسم في بعض المواقف دا شيء ممكن يخليك تخسر البنت، بس خليك حاسم من غير تكلف .

-افهم العرض و الطلب

لو إنت فاهم إن العرض و الطلب دة في الأسواق بس تبقي غلطان، مش بس السلع و العملات اللي بتتأثر بقانون العرض و الطلب.

العرض و الطلب دا قانون في الطبيعة وأي كائن حي لازم يتأثر بيه.

اللي بيصيغ العرض والطلب أساسا هو حاجة الإنسان وقدرة الإنسان على العطاء والبذل.

يعني إنت محتاج إيه فبتطلبه أو عندك إيه فبتعرضه، هو دة العرض والطلب ببساطة علشان كدة من الطبيعي جدا إن البنت تتأثر بقانون العرض والطلب زهها زي أي انسان، ما هي انسان بردو.

في العلاقة اللي بينك وبين البنت لو فهمت إنها مطلوب منها في العلاقة بتبتدي تتمتع.

تخيل البنت مهما كانت ذكية إلا إنها مبتقدرش تقاوم القانون دة ولازم تتأثر بيه.

القانون ليه جاذبية غريبة خاصة للأشخاص اللي مشاعرهم بتتحكم فيهم مش وعيهم الحر، والبنت في العلاقة أساسا مش بتكون مستعدة تفكر فيك بوعيا.

علشان كدة البنت بتتأثر بالعرض والطلب بشكل كبير جدا.

مشاعر الإنسان في العموم زي أي سلعة بالنسبة لقانون العرض والطلب، كل ما يلاقي عليها طلب كبير يبدأ يعززها ويعلي في سعرها ويتمتع في عرضها. البنت لو حست إنها مرغوبة بشدة بتبتدي تتقل عليك بالاهتمام بتاعها وتحطك إنت في دور الشخص اللي بيطلب دايمًا ومرة تدليك وعشرة لا. الفكرة في العرض والطلب إن الشيء العزيز هو اللي عليه طلب دايمًا. لو قدرت تخلي من اهتمامك شيء عزيز هتلاقيه دايمًا بيتقابل بتقدير أكبر عند البنت، ولو زودت اهتمامك وخليت المعروض منه كبير هتلاقي البنت بطنشك كتير.

الشخص اللي بيقدر يعزز مشاعره وميخليش الكيلو منها بساغ هو اللي بيلاقي تقدير أكبر من الناس اللي حواليه.

قانون العرض والطلب بيخلق قوة جذب غريبة تجاه الناس اللي بتفهمه صح وبتعرف تلعب على أوتاره.

لو أتقنت القانون صح مع البنت فدة كفاية أوي إنك تكون مؤثر فيها وتعرف تتعامل معاها صح من غير ما تمل أو شغفها ينطفي نحييتك.

كمان أهم حاجة لازم تحافظ عليها هو إنه يبان إنك على طبيعتك ومش قاصد تطنشها أو تتقل عليها، علشان لو فهمت إنك قاصد تتقل عليها خلاص لو عملت فرد مش هتعبرك.

لازم تكون طبيعي وعلى سجيتك وإنت بتقل معروض اهتمامك.

عاوز أقولك إن أكثر بنات انجذبتلي كان بسبب إني كنت بتعامل معاهم على إني مش شايفهم أصلا، كان اهتمامي قليل جدا علشان كدة هما كانوا

مستعدين يقدموا تنازلات كتير علشان يكسبوه

-إستراتيجية الخلخلة-

فكرة الخلخلة من أسرع الطرق اللي بتجيب مع البنت، تخيل كدة معاك حاجة مغروسة بقوة في الأرض ومش عارف تخلعها أو تشيلها من مكانها بتعمل إيه ! بتبتدي تخلخلها، تهزها يمين وشمال لحد ما تستجيب ليك وتبقى مش عارفة تقاوم .

أحد أصدقائي البنت كانت بتقوله حرام عليك إنت بتعمل فيا كدة ليه ومن غير ما يفاتحها في أي حاجة أو تحس إنه عاوز يعلقها بيه . البنت بتكون عاملة زي الوند في الأرض وبتحاول تثبت نفسها على قد ما تقدر . الولد بالنسبة للبنت بيكون مجهول والبنت بتكون خايفة مش عارفة إيه اللي ممكن توصل ليه معاه، شايقة إن النتيجة مش مضمونة وبتحاول توقف نفسها على أرض ثابتة على أد ما تقدر .

من الأفكار المميزة جدا واللي اعتمدت عليها كتير هي فكرة الخلخلة . البنت لما بتحاول تقف على أرض ثابتة بتستخدم عقلها على أد ما تقدر . فكرة الخلخلة إنك بتستحث مشاعرها مرة وبعد كدة تسيبها ولا أكنها موجودة . تلاطفها مرة وتنسأها شوية، تتكلم معاهها بمنتهى التضامن بس لما تغيب عنك يبقى ولا أكنها كلمتك من أصله .

الخلخلة هنا بتكون في أفكارها، إنها بتحس إن إنت زيك زي الباقيين بس تيجي بعدها على طول تثبت لها العكس وتحسسها إنها ولا في دماغك .

دا بيخلها عاملة زي المجنونة ومستنية اللحظة اللي هتفاتحها فيها وأول ما تفاتحها مش هتقدر ترفض علشان عارفة إن إنت بتقدر تستغى بسهولة وهي مجربة دة كويس .
الطريقة دي ممكن تأثر في أي حد حرفيا وعن تجربة بس شرط تكون متقن لها

-استراتيجية الطرق وإعادة الطرق

علميا العلاقة بين الولد والبنت زي العلاقة بين البويضة والحيوان المنوي، البويضة حاجة نادرة بتيجي مرة كل 28 يوم إنما الحيوان المنوي في منه كتير وكلهم عاوزين نفس البويضة، الفكرة إن اللي بيوصل في النهاية هو الأكثر أهلية.

البويضة على قد ما هي شايفة إنها هدف عزيز ومش من السهل الحصول عليه، إلا إنها مبتقدرش تمتنع.

الوصول لها بيكون صعب لكن مش ممتنع وحط تحت دي مليون خط.
البنت زي البويضة بالظبط الوصول لها مش ممتنع حتى لو كان عزيز، أو لو هي حاطة أكبر قدر ممكن من الحواجز.

الحيوان المنوي أول ما بيوصل للجسم الخارجي للبويضة بيقتعد يخبط كتير ويدور على أضعف نقطة علشان يدخل منها.

نفسية البنت زي الجسم الخارجي للبويضة بالظبط، مهما كان في مقاومة بيكون في نقط ضعيفة البنت مبتقدرش تغطيها أو تدافع عنها علشان كدة في ولاد مش بتستسلم وبتوصل للي هي عاوزه حتما.

في حد أنا أعرفه كويس وكان شاطر جدا في علاقاته مع البنات.

كان بيقدري يستمر ويعلق البنات بيه لكن في أغلب حالاته كان بيترفض في الأول.

بس هو كان متبع استراتيجية الطرق وإعادة الطرق. الشخص اللي قدامك مهما كان قوي مش بيقدري يصمد قدام الضغط اللي بتضغطه عليه.

كان بيترفض أكثر من مرة ويتقبل في الآخر، لكن مش أي قبول، كانت البنت بتتقبله وهي مستعدة تديله أي شيء هي بتملكه. مشاعر العطاء اللي كانت بتبقى عند البنت دي كانت صناعة حاجتين بيوصلوا البنت ديما منه.

أولا كان بيلمس مناطق ضعيفة عندها في شخصيتها ودا طبعا بعد أكثر من محاولة ودة كان بيوصلها إنها مكشوفة بالنسباليه أول ما بيلمس المنطقة دي وإن الممانعة أمر ساذج وهيبينها ساذجة قدامه.

تاني أمر إنه بيحسسها بتمسكه ودا أمر قادر على إنه يغير قناعتها ويخليها تشوفه على إنه فرصة.

تعرف تطرق وتعيد الطرق بس من غير ما تطفي شغفها أو تحسسها بالملل. صديقي اللي كان بيعتمد على النظرية دي كان كل مرة بيواجه فيها البنت ويحاول معاها كانت بتحس إن دي ممكن تكون آخر مرة، ودي حاجة كانت بتعدل قناعتها بعض الشيء تجاهه، لغاية ما يحول الدفة كليا لاتجاهه، بتهيألي الحالة دي مش بعيدة أساسا وبتصادفنا كتير.

بتلاقي بنت كاتبة على الفيس دا كذا مهتم بيا وكلمني أكثر من مرة ومش عارفة أعمل إيه.

هي طبعا أول ما توصل للمرحلة دي بتكون عارفة هي هتعمل إيه كويس أوي.

و سؤالها هو أكبر دليل على إنها مستعدة نفسيا إنها تدخل في علاقة مع الشخص دة.

علشان ببساطة مفيش حاجة اسمها نص عند البنات.
البنات يا انجذبت يا إما ما انجذبتش، ومجرد سؤالها دليل على إنها اتشدت ليك.

كل شيء تقريبا بيتأثر بالطرق، لو بتخبط على جدار مهما كانت صلابته لازم هيجي وقت ينهار قدامك.
بينهار بتأثير الخبططات المتتالية، كل خبطة بتخلق استجابة إيجابية وبتقرب الهدف منك خطوة.

الحيوان المنوي اللي وصل لجدار البويضة دا معناه إنه عنده القدرة و الأهلية اللي تسمحله إنه يخترقها، علشان اختراق البويضة هو صفة بتحملها جميع الحيوانات المنوية لظالما عندها القدرة إنها توصل.

-إلمس مشاعرها-

عنيكي فيها حزن، في الثقافة الرائجة على الميديا الجملة دي تحديدا بتكون مصدر سخرية ونقد من قائلها.

علشان الجملة دي ببيان فيها دوافع قائلها أو رغباته اللي بيحاول يداريها فبيفضحها أكثر، اللي هي التقرب من البنات أو محاولة فتح كلام معاها ومن هنا بتيجي السخرية.

ومعنى الكلام هو إنت بتشوف الحزن إزاي في عنمها، الحزن شعور مش حسنة طالعة تحت الجفن زي اللي عندي دي!

على ما بيان الأمر ساذج إلا إنه مجدي فعلا وبيكون فعال لو تم اختياره في الوقت الصبح، ساعات الولد ممكن يجي للبنت وهي حزينة فعلا ويقول نفس الجملة فيلمس حاجة جواها هي متقدرش تنكرها، في بنات بتربط بولاد لا شكل ولا فلوس وفي نقط ضعف في شخصيتهم لكن الميزة اللي فيهم هي إنهم بيقدروا يقروا الحالة الشعورية للشخص اللي قدامهم و عليه بيقدروا يخلقوا نقط توافق بينهم وبين الشخص اللي قدامهم عن طريق ملامسة مشاعرهم أو الحالة الوجدانية الحالية لهم وبناء عليه بيقدروا ياخدوا استجابة إيجابية في معظم الأوقات من البنت.

بيقولك البنت بتحب اللي يضحكها، أو لو ضحكت البنت تقدر تاخذ رقمها، طيب إيه السر ورا الفكرة دي!

البنت بصفة عامة بتحب تكون مبسوفة وطالما إنت عملت حاجة تقدر تستحث بها ضحكها فإنت بتعمل توافق بينك وبين رغبتها ومشاعرها، علشان كدة أولاد كتير بتجيب أرقام بنات وبتخلق حلقة تواصل لمجرد إنهم بيضحكوهم!

كل الحالات الشعورية اللي بتيجي للبنت هي فرصة مناسبة للولد للولد علشان يتسلق عليها وياخذ خطوة تجاه البنت.

في واحدة كانت بتحكي إن هي وبناتها كانوا ماشيين في شارع ضلمة وقالت إنها كانت خايفة ومش عارفة تكمل لآخر الشارع وبعدين في حد سمعها وهي بتتكلم مع بنتها إنهم خايفين، فما كان منه إلا إنه شغل نور العربية فنور الشارع علشان يحسسهم بالأمان، الست دي بتقول إنها بعد مدة إتعلقت بالرجال لمجرد إنه عمل كدة، قدر يعالج مشاعر الخوف عندها بشكل صادق فوصل لها بمنتهى السهولة.

في مرة من المرات كنت بكلم أحد أقاربي بمنتهى العفوية حوالين فكرة القوامة وإن الواحد عنده استعداد فعلا إنه يموت في مقابل إن مفيش حد من عيلته أو ذويه يحس بالخوف أو حد يقلقه، وكان الحديث حوالين واقعة محددة كانت حصلت مع أحد أقاربنا وكنت بتكلم عن طريقة معالجة الأمر، و كان رأيي إن في بعض الأمور بتحتاج حزم وبعضها بيحتاج مبالغة في الحزم وإذا خص الأمر انزعاج أنثى تخصك من ذكر غريب فأفضل شيء إن الأمور تعالج بحزم شديد، حتى لو هتموت فيها بمعنى أصح.

كان الكلام على مسمع أحد صديقات قريبتى اللي تخصها المشكلة وهي كانت يتيمة الأب وملهاش إخوات ولاد.

من الطبيعي جدا إن مشاعر الفقد عندها تكون قوية وملازمة لها معظم الوقت، ولمجرد إنها سمعت كلامي العفوي مع الشخص اللي كنت بكلمه تخيلت إنها وجدت أكثر من اللي بتدور عليه.

الكلمات لمست الحالة اللي هي عيشاها وملازمة لها وحست إن هي تقدر تربط على جرحها لما تسمع حاجة زي دي.

وبعدين لقيتها بتكلمني علشان تسألني حوالين المشكلة اللي البننت كانت واقعة فيها وكإنها عاوزه الكلام يتعاد تاني وتسمعه، وقتها كنت متقن في فهمي للبننت لمجرد إنني بقدر أعرف إذا كانت منجذبة أو لا من أبسط تصرفاتها وحركاتها.

واللي شوفته من البننت دي كان انجذاب حقيقي، انجذاب أنا مقصدهتوش ولا كنت في مواجهة البننت وأنا بقول كدة حتى، لكن لمجرد إنني لامست حالتها الشعورية وكلماتي عالجتها بطريقة ما، فكان دة كافي إنها تنجذب.

الكلام دة ليس قصرا عليا أو حاجة خاصة لكن هي أدوات وناس كتير بتستخدمها علشان تأثر في اللي حوالهم من الجنسين على حد سواء.

تعالى أخذك لحتة دقيقة شويتين وفهمها هيفرق معاك كثير جدا، معظم البنات الحلوين بيكون شايفين نفسهم، الغرور بيكون حالة ملازمة لهم معظم الوقت، واحدة طول الوقت بتتعاكس والولاد بتبص عليها في الشارع، أو بتتعامل بلطف من وبتسهيلات كبيرة في مجتمع الذكور، طبيعي جدا تتغر وتحس إن عندها سلاح قوي ومؤثر.

طيب لو كان الغرور والشعور بالنفس والثقة الزيادة دي هي الحالة الشعورية لها هل دة معناه إنى أحاول أخلق توافق بيني وبين الحالة دي أو أحاول أرضيها بأي كلمات أو نظرات توحى إنى زي زي غبرى!

هنا لازم نسأل سؤال دقيق بردو، هو البنت لما بتتغر دا بيكون شعور إيجابي ولا سلبي، والإعتراف بأسباب الشعور دة عند البنت هيجد منه ولا هيزوده؟ طبعا هو شعور سلبي والاعتراف بأسبابه هيجد سبب زيادة وطغيان ليه عند البنت وبالتالي لازم البنت تحس إنها غريبة في وسط مشاعرها دي لما تتعامل معاك.

لازم تعيد صياغة قناعتها من أول وجديد حوالين معايير القبول عند الراجل. ساعتها هتلاقي تصرفات عشوائية جدا وهتلاقها عمالة تجرب علشان تشوف هي هترضيك بأي طريقة.

محاولتها الكثير علشان تستحث إعجابك هي تنازل عن غرورها ومن هنا تبدأ الأمور تترن وتبقى إنت جذاب أكثر من غيرك بالنسبة لهما.

الموضوع عامل بالظبط زي إناء الماية اللي مليون لغاية الحافة بتاعته، علشان تعرف تشيله تمشي بيه لازم تفرغ منه شوية.

لكن تخيل إنك بدل ما تفرغ منه زودت فيه مائة أكثر، النتيجة هتكون إيه!

مش هتعرف تشيله والماية هتزيد وهتعرق هدومك.الحالات الشعورية للبننت، أو نقص وزيادة المشاعر كلاهم على حد سواء دي أوتار حساسة جدا وفي ناس بتجيد اللعب عليها. الست اللي متجوزة بعد ما بيفوت فترة على الجواز ويكون الزوج حس بالملل وحس إن هي زيه زي أي حاجة من مقتنيات الشقة والشعور دة طبعا بيوصلها ويبسيطر عليها.

خطأ فادح بيقع فيه الأزواج وبيسبب كوارث ألا وهو فتور المعاملة مع زوجته وتحويل الحياة بينهم لأمر روتيني ممل، بتلاقي الزوج حتى مش بيغير عليها أو غيرته بتقل وبيدها مهمات مش من مهماتها على حساب راحتة الشخصية. وهنا الست بتبقى في حالة فقد للاهتمام، أو مش حاسة إنها شيء غالي أو ليه لازمة وبناء عليه أي حد بيقدر يتوافق مع رغبتها في طلب الاهتمام بيلقها بيه وبتنجذبله.

الوتر دة بيتلعب عليه كثير جدا وبتحصل كوارث بسببه. علشان كدة لازم يكون في اتزان في المشاعر بين الزوجين ولزام الزوج مهما زادت مهماته ومشاغله يحط في دماغه منسوب المشاعر عندها. علشان طلب الاهتمام هو استجابة تلقائية عند أي إنسان وما أكثر المهتمين بالأنثى المتجوزة واللي بيقدموها يد المساعدة في عروض لا تنتهي علشان يرضوا الشعور دة عندها.

_من بين السطور

زي ما احنا متفقين إن في لغة جسد وإن البننت مش بتاخذ بالكلام المنطوق لكن بتاخذ بلغة تانية أصدق وهي لغة جسد الشخص واللغة اللي بتنطق بيها تصرفاته..ومن القاعدة دي حابب أشاور علي حاجة مهمة أوي من وجهة

نظري الشخصية.. فبعد الإعراف بأن لغة الفعل أوثق وأدق من اللغة المنطوقة حابب أشاور علي حته أدق كمان وهي إن التصرف نفسه ملوش مدلول بقدر ما يكون إحساسك وانت بتتصرف ليه مدلول.

وعلشان أحول الصورة صح لذهنك هحكيلك تجربة شخصية ليا مع بنتين كنت بشوفهم في طريق العمل وكنت علي معرفة سطحية بهم هما الإتنين.

كنت بقابل الإتنين بنفس الإبتسامة تقريبا وممكن عيني تيجي في عنيمهما الإتنين بردو عادي.. بس المفارقة إن في واحدة منهم كان واصلها إني منجذب ليا وكانت بتتصرف علي الأساس دة، ودا بشكل ما كان حقيقي وكنت بحاول أتحكم في الإنجذاب دة قدر الإمكان.

التانية مكنش في أي مشاعر ناحيتها وكان دا واصلها بردو وبتتعامل معايا علي الأساس دة.. في الحقيقة الموقفين دول خلوني أفهم إن المشاعر نفسها بتتلامس حتي لو مظهرتش بأي شكل من الأشكال علي تصرفاتنا.

المشاعر بتتلامس وبتتحس بشكل مباشر من غير حتي ما يتم تمريرها عبر التصرفات.. بتتلامس زي الجلد ما بيتلامس بالظبط وبتكون محسوسة وواضحة وبتوصل للي قدامك زي السهم.

ليه البنات بتحب تحط رأسها علي صدر الرجل؟ ببساطة الوضع دة بيعسسها بالإحتواء اللي جينتها معترفة بإحتياجها ليه علشان تفضل علي قيد الحياة وتنتقل عبر الأجيال.

انا بالنسبالي أكثر شيء جذاب في البنت هو نظافتها الشخصية.. ويقال إن 80٪ من الرجال بينجذب للصدر وبصفة عامة الرجال بتهتم بالقوام والصفات الجسدية ثم الأنوثة والتدلل ولكن بصدق من غير أي إدعاء أو محاولة للتحايل لتحقيق هدف باطني.

طيب دا بالنسبة للولاد، بالنسبة للبنات إيه ممكن يحركها تجاه الولد.

أكثر شيء ممكن يخلخ البنت من حالة التماسك اللي بتكون فيها تجاه الجنس الآخر هو الحضور.. الحضور الصادق الغير مصطنع.

البنت بطبيعتها بتنجذب للولد اللي جسمه رياضي ومنضبط، الولد الطويل اللي من غير كرش واللي صدره عريض.

بعض البنات قالتلي حرفيا أنا إخترت الشخص دة علشان جسمه حلو.

طيب إيه علاقة الجسد بالحضور؟ صراحة الجسد هو طريق بدائية وغبية لقياس الحضور عند البنات والدليل إنها مش منطقية بالمره.

المفترض في لاوعي كل بنت إن الجسد الأقوي والأقوم بيكون صاحبه أكثر حضورا بس دي مش حقيقة.. لكن هو إيه عند البنت منطقي أو حقيقي.

بس الفكرة الدقيقة اللي حابب أوصلها لك إن مش جسمك اللي بيكون جذاب للبنات لكن حضور جسمك هو اللي بييفرق معاها فعلا.

هو دة جوهر الإنجذاب للجسد عند البنت، وبالتالي حتي لو إنت جسمك مش
جذاب أوي تقدر تنعي حضورك وأوعدك إنها هتشوفك سوبر مان حتي لو
كنت في حجم الراجل اللي ضرب محمد هنيدي في فيلم وش إجرام.
مش معني كدة إنك متهمش بصحتك وبشكل جسمك.. لكن أنا حبيت أطمئنك
إن دة مش جوهر الأمر.

وإن في ناس كتير أجسامهم قوية ومش جذابين علشان ملهمش حضور قوي
بشخصياتهم، ما هو في النهاية الجسم دة ما هو إلا جثة لو مفيش عقل
بيحركه والعقل ما هو إلا نظرية علي الورق لو مفيش شخصية قوية بتدعم
قرارته.

إذا الجسد هو آخر ما يمكن إنه يعتد بيه في تقييم الشخص.

وإن قوة العقل بتخلي الطرف التاني يتغافل عن ضعف الجسم وقوة
الشخصية بتخليها تتغافل عن كل حاجة.

هي وبس.. لكن ازاي !

شوفت قصيدة على لسان بنت على السوشيال ميديا القصيدة عبارة عن نقد ساخر لحال البنات اللي بتتعلق بسرعة ويدخل عليها حوارات الولاد وتعيش في قصص حب وهمية.

لو كنت سمعت القصيدة دي من اربع سنوات كنت قولت هي فين البنات دي، هي فين بجد!

أنا مش شايف بنات بتتعلق وتسهر تفكر أنا كل اللي أنا شايف بنات مش في دماغها وبنات تانية بتقلب بعد أول ميعاد، إنما البنات اللي بتتعلق وتتمنى وتسهر تفكر دي اكيد ساكنة في المريخ مش هنا!

برنامج رضوي الشربيني اللي بتعلم فيه البنات إزاي ما يتمش إبتزازها عاطفيا ومنعنويا ولربما الأمر يتطرق لإبتزاز مادي على خلفية الحالة المعنوية والعاطفية الضعيفة اللي البنات بتكون وصلتها.

في ناس بتفرض على حلقاتها تقول أكيد دول بنات غير اللي نعرفهم واللي بيعمل كدة رجالة غيرنا.

شوفت أول موسم من البرنامج وأنا مستغرب جدا من المشاكل اللي بتتعرض فيه ومن التوصيات اللي بتقدمها مذيعة البرنامج للبنات صحاب المشاكل. الناس اللي فاكرة أن البنات صخرة أو حاجة صلبة صعب تتعلق بحد، في الحقيقة دا صح لكن في حالة واحدة بس.

البنات مش هتتعلق لما ما يكونش عندها أحلام، مشاعر ودوافع، إنجذاب فطرى للجنس الآخر.

بعد ما خلص أول موسم من البرنامج وبدأ الموسم التانى وكانت رؤيتي للأمر تطورت لإن تجربتي اختلفت وشوفت مناطق مكنتش شايفها من خلال ناس كتير قدرت أكون سبب في إني أساعدهم عن طريق إني أنقل لهم تصور ذهني صحيح، كانت نفس المشاكل بتتعرض في البرنامج ودا مش غريب طبعاً لإن البنات نمطية والأنماط إلى بتعتمد عليها في معالجة مشاعرها بتسبب مشاكل نمطية متكررة عند اغلب جنس البنات بالضرورة.

الشاهد إني أوقات كنت بضحك علشان شايف إن البنات المتعذبة بسبب مشاكل عاطفية دى مش محتاجة إنها تسأل حد علشان يقولها على حل الوضع إلى هي فيه.

إلى هو إنتى مش عارفة إيه ورتك كدة، مش عارفة إنه بيلعب بيكي، ملكيش عبرة في البنات اللي حوالليكي اللي وقعوا في نفس المشاكل،... إيه السذاجة دي! وبعدين بلاقى مقدمة البرنامج بتقدم نصايح للبنات أظنها أبعد ما يكون عن الحل أو عن إن النصيحة دى يكون لها جدوى أو تساهم في حل مشكلة البنات علشان ببساطة البنات اللي متعلقة بولد ومعذرها تفكير وأرهق مشاعرها مش مستنية حد يقولها إعمليله بلوك علشان مشاكلك تتحل، البنات بتوصل لمرحلة إنها حرفياً لا تملك أي شئ من تصرفاتها وبتبقي عاملة زى اللي بيمشى وهو نايم.

في نصيحة جات للبنات اللي الولد لعب بيها في نص القصيدة اللي اتكلمت عنها في بداية الفصل بتقولها خليكى ثقيلة، الحقيقة أنا سمعت الجملة وإبتسمت، يعنى إيه خليكى ثقيلة!

بيكلموا البنت عن حاجة هي مبتملكهاش في الوقت الحالى.
البنت اللي وصلت لمرحلة إنها تتعلق بولد و كل يوم تعيط بسببه، تفكر فيه كل
يوم لحد الفجر و تتصل بيه طول النهار علشان يرد مرة و يطنش 100 مرة.
دي كدة تنقل إزاي، مستنية حد يقولها إتقلي أو يقولها ابعدى أو إعملى بلوك،
هل الأفكار دى كانت تايمه عنها مثلا!

كلها توصيات تتحكم للعقل في وقت العقل فيه بيكون نايم وبيشخر كل حاجة
بتبعته رسايل وهو ولا هو هنا.

البنت لما بتنجذب مش بتعرف تتحكم في دة بتكون وقعت تحت تأثير مخدر
وعقلها بينام نوم عميق ومعالجة المشكلة دى عندها بتحتاج تقديم حلول
أعمق من التوصيات الشفوية اللي ممكن حتى الأذن متستقبلهاش ولا
تسمعها.

في كتاب الجينة الأنانية الكاتب يقول إن الجين بيتحكم فينا وهو اللي بيخلينا
نتصرف بشكل أنانى لكن دا مش معناه إننا منقدرش نتمرد على الجين دة وإننا
نعيش بإستقلال.

الحكاية كدة بالظبط بالنسبة للبنت المنجذبة لولد ومش عارفة تسيطر على
دة، فعلا الإنجذاب بيتحكم في تصرفاتنا وبيوجهنا وبيخلينا مش عارفين إحنا
بنعمل إيه، لكن دة مش معناه إننا نفضل خاضعين ليه.

الحقيقة البنات في مواضع كتير بتصعب عليا من حالات الإبتزاز اللي ممكن
تتعرض لها على خلفية إنجذابها لحد من الجنس الآخر، في مهاذل حرفيا
بتحصل قد تصل في بعض الحالات لتنازلات ضخمة ولحالات إنتحار لما البنت
تلاقي كل الطرق متقفلة في وشها.

علاج الإنجذاب أوله وأساسه معرفة أسباب و جذور الانجذاب دة واللي
إتذكرت تفصيلا في الكتاب.

أي حل شفوى لمشاكل البنت الواقعة تحت تأثير الانجذاب العاطفي ما هو إلا
علاج سطحي لمشكلة عميقة، مسكن لصداع سببه مشاكل في المخ، الصداع
بيروح ساعة و بعدين بيرجع تانى لو معالجتش أساس المشكلة .
الحقيقة مشكلة إنجذاب البنت للولد هي مشكلة الجنس البشرى عموما،
الانجذاب بأسبابه المتعددة و الغير محصورة واللي بتخلينا نجري ورا اللي
بيطنشنا، أو ننجذب لعربية واو، أو نجري ورا ممثل أو لاعب كورة مشهور
علشان نتصور معاه، أو نحاول نتقرب من منصب على أو شخص غنى، من
بنت حلوة، أو ولد جذاب !

كلها حاجات بتتصاغر أمامها النفس البشرية وبتتخلي عن ذاتها في مقابل
السعى ورا مؤثر خارجي، وغالبا بتفقد ذاتها ومش بتطول الحاجة اللي هي بتجري
وراها .

الشخص اللي بينجذب لو وقع في أيد حد معندهوش أخلاق فدة على أفضل
تقدير بينداس على وشه، بيتلعب بيه وبمشاعره الكوره، بيلبس أسود بالمعني
الحر في للكلمة، وبيحصل فيه كل دة وهو مبسوط أو متخدر على الوجه
إلأصح .

دا حال البنت لما بتنجذب، بيتم السيطرة عليها وإبتزازها وتوجهها لتصرفات
مش في صالحها بمقتضى الانجذاب دة .

حالات شبه كدة قد اللي بيشتكوا على المديا يوميا عشرات المرات، بعدد
البنات اللي في الدنيا ممكن يكون في حالات مستنية رضوي تساعدهم إلا من
رحم الله .

في بنات قليلة جدا صادفتني عندهم وعي بذاتهم وبالمناطق الضعيفة اللي مش بيغطيها العقل واللي ممكن يتسلل حد لهم منها ويحاول السيطرة عليهم .
لكن حتي دول في بعض أوقات بيحبوا إن حد يحتال عليهم ويبكونوا عارفين بس حابين يعيشوا الشعور دة معاه، لكن هما مش زى غيرهم بردو ويبكونوا اسرع في تدارك الموقف .

والشاهد في كل دة إن مافيش حاجة ممكن تعصم البنت غير تعلقها بالمبادئ وأسس التربية و التدين أولا ، وإن البنت المتورطة في علاقة غير حقيقية وواقعة تحت تأثير الانجذاب بتكون أكثر ما تحتاج اللية هو نظرة أعمق من الناس اللي بتحاول تساعدها، لإن أوقات وبدون مبالغة بتكون زى الغريق في نص البحر وكل المساعدات اللي بتوصله عبارة عن أصوات بتقوله عوم وأخرج!!
ديفيد هنري ثرو ليه مقولة جميلة جدا وملهمة بيقول : لم أجد حقيقة محفزة في حياتي أكثر من قدرة الإنسان علي تغيير حياته مستخدما جهوده الواعية من أكثر العبارات اللي أثرت فيا فعلا وغيرت حياتي بشكل أنا مكننتش أحلم بيه.
ديما الجهود الواعية تقدر تدارك الموقف مهما كانت الحالة صعبة ومهما كانت الهزيمة مرة ومهما كانت الدنيا ضيقة في نظرنا في وقت ما .. الوعي هو أنسب شيء ممكن يعصم البنت من الإحتيال الفكري .

الخلاصة

في النهاية زي ما قلتلك قبل كدة الموضوع مش هيظبط من أول مرة لكن لما تبقي محترف هتبقى 90٪ من محاولاتك ناجحة وإنك وشطارتك. لازم تكون عارف كمان إن الحكاية محصلة زي ما قلنا وإنك لازم تكون مؤمن بالمحصلة وإن الناس الناجحة هي اللي بتقدر تحصل على أفضل محصلة مش اللي بتحاول تنجح في كل مرة بتجرب فيها، علشان ببساطة مفيش نسبة نجاح 100٪، لكن في اسالليب ممكن تتبعها علشان تحصل أكبر قدر ممكن من النجاح في مقابل التنازل عن بعض المحاولات الفاشلة .

حاول تغير عقليتك وتعامل مع الأمور على إنها احجار على رقعة الشطرنج مش حاجة توديك وتجيبك وتلعب بمشاعرك، ولزام تكون عارف كويس إن اللي بيعتمد على مشاعره مهزوم من قبل ما يبدأ اصلا .

مش غريب إن اغلب البشر تكون على طبيعتها ويكون الموضوع صعب عليها، من أصعب الحاجات في حياة الإنسان إنه يحط حدود لنفسه ويلزم نفسه بيها علشان يصنع المجد أو التفوق في أي مجال عاوز يقتحمه وهو دا التحدي الحقيقي فعلا، ببساطة كلنا مدمنين حرية وإحنا مش عارفين إزاي نستخدمها صح أو نصيغ ليها معني مفيد نقدر نستغله في مصلاحتنا .

الحكاية مش هتبقى إرتباط بس أو إنك عاوز تحصل على حاجة نفسك فيها، لكن حياتك كلها هتتغير لما تقدر تثقل شخصيتك من أول وجديد .

إنتباهي لموضوع الإرتباط فرق معايا في حاجات كثير أوي، يمكن علشان إتعلمت في الموضوع بشكل قوي لكن الفرصة معاك بردو اهي والكورة في ملعبك. مش هتعرف تحقق اسكور عالي في موضوع البنات دة غير لما تعمل تغيير حقيقي في حياتك، تغيير يلمسه كل اللي حواليك مش إنت بس . هتحس أول حاجة إنت أثيرك زاد و فاعليتك وقدرتك على التغيير بيزيدوا معاك .

هتلاقي نفسك إتحولت من شخص اعتمادي أو شخص تصرفاته مؤضعية لشخص مبادر بيواجه كل المشاكل وهي لسة في مهدها . اللي يهتم بمبادئ الإنجذاب عند البنت ويعيش سلطة تطبيق المبادئ دي على نفسه هيلقي إن في حاجات تانية بتسبق حبه في التنظيم، حاجات زي بناء الشخصية، تحصيل التقدير، والحصول على الكاريزما . بالنسبة لتجربتي واني بدأت من تحت الصفر في موضوع التنظيم حسيت إني لما وصلت لنص الرحلة إني بملك سلطة عظيمة، المعرفة لوحدها سلطة، وتطبيق المعرفة سلطة تانية، الكتاب دة هيمنحك التميز الفكري ودا الإطار الأشمل، قبل ما تكون مميز مع البنات وبتعرف تظبط . معاك فرصة تحسن جودة حياتك بشكل كامل لو قدرت تطبق حتي بعض التوصيات اللي في الكتاب مش كلها، وأنا بردو مش عاوز يكون سعيك لأنك تحقق كل حاجة قريتها علشان متصعبش على نفسك الأمور، لكن وضع بعض الأمور فقط في الحسبان كفيلا إنه يعيد صياغة وضعك من أول وجديد مع الجنس الآخر .

بس محتاجك ديما تفكر نفسك بمدي أهليتك للأمر وإن مفيش حاجة كتيرة عليك وإنك مخلوق أساسا علشان تجذب البنات ودا الوضع الفطري اللي

اتخلقنا عليه كلنا، بعيد عن الحضارة اللي أعادت صياغة مبادئ القبول بين الطرفين بشكل ظاهري ومشوه فإنت ديما تقدر تقف على الحقيقة وترجع للوضع الفطري اللي اتخلقنا علشان نكون عليه من غير أي تكلف.

انك تجتهد في موضوع جذب البنات ده شبه اجتهادك في الحياة بالظبط، في مقاربات كتير بين كلا الأمرين، اكبرهم إن النجاح في الاتنين لازم يخالف أسلوب القطيع، النجاح في الإرتباط زي النجاح في الحياة ميحيش غير بالتميز والإنفرد بتصرفاتك عن بقية اللي حواليك.

سعات بحس إن فكرة الإنجذاب واحدة في العموم أو على الأقل في مقاربات كتير بين إنجذاب الأشخاص ليك وإنجذاب الأشياء كمان .

إنجذاب الحياة و لنجاح بشكل أشمل كمان بيحتاج انك تكون مختلف ، لازم تيعش التجربة دي بنفسك وساعتها هتحس السلطة اللي هتحصل عليها لما يكون عندك قابلية لصناعة تغيير حقيقي في مبادئك وطباعك وقيمك علشان تصيغ الحياة كلها من أول وجديد وبصورة أفضل بكثير في نظر نفسك.

لازم تكون عارف إنه مش هينفع تقرا الكتاب مرة واحدة وكمان متستعجلش في القراءة، كل ما تقرا الكتاب هتلاقي نفسك بتكتشف حاجات جديدة وبيظهر قدامك اسقاطات مكنتش واخذ بالك منها فالزم تدي نفسك فرصة تستفيد أكثر.

من ناحية تانية الكتاب ده مش مؤامرة على البنت زي ما وضحت بشكل مفصل في أول الكتاب لكن الهدف منه إن الولد والبنت يقدرؤا يوصلوا لأحسن شكل للعلاقة من غير ما يحصل عدم قبول أو ملل في نص العلاقة.

الكتاب ممكن يكون موجه للبنت أكثر من الولد بالنسبة للبنات اللي بيهتم بفكرة الوعي الذاتي ومحتاجة تطور القدرة دي عندها.

المفروض البنت تكون فاهمة نفسها بشكل أوضح علشان تعرف هي بتختار على أي أساس وميتمش الاحتيال عليها فكريا زي ما قلنا قبل كدة. كون إن البنت عندها مبادئ خاصة بيها في قبول أو رفض الأشخاص اللي حواللها وبشكل خاص عن البشر فده معناه إن منهج الوعي الذاتي بالنسبة لهما يحمل نفس طابع الخصوصية، يعني الوعي الذاتي عند البنت محتاج معرفة معينة تم شرح نسبة كبيرة جدا منها .

البنت على وجه الخصوص لما تقرا الكتاب ده هتحس إنها بتعزف أجمل مقطوعة على انفراد في طريق وعيها بذاتها و هتحس إنها قدرت تنقل نفسها خطوات في طريق إدراك الذات .

والبنت لما تكون مدركة لذاتها هتقدر تحافظ على بيتها وزوجها بشكل أقوى وهتكون مدركة للمعني الحقيقي للإنجذاب وطريقة تلقيها للأشخاص وهتقدر تزود مقاومتها بالنسبة للاحتيال الفكري اللي ممكن يتم عليها، وهتقدر تفعل وعيها الحر بشكل أوثق.

اغلب الظن كمان إن أي راجل متجوز يقرا الكتاب كويس ويعرف المبادئ اللي بيشتغل عليها هيقدر يحافظ على بيته وإتقرار أسرته بشكل أكبر علشان ما أكثر مشاكل الطلاق في الأيام الحالية .

وأخيرا، أنا حاولت شرح الإتساق اللي كنت شايفه بين إرادة البنات في الولد اللي هترتبط بيه وبين القاعدة العامة اللي ممكن تحكم الإرادة دي وتساعد على توقع اتجاهها، ومن الوارد جدا إنني أكون مخطأ في بعض الأمور لإنني بشر ومش معصوم وأتمنى من كل قارئ أن يرى بشريتي قبل ما يشوف اخطائي، وإن القارئ يعامل الكتاب على إنه معرفة وسيبقي في حيز النظرية لو مجردش بنفسه وبالتالي لازم يجرب .

الفهرس

- 1- سؤال مهم (8-12)
- 2 - مقدمة لازم تقراها (13-20)
- 3 - تجربتي الشخصية (20-25)
- 4 - مركز القرار عند البننت (26-42)
- 5 - البننت بتشوفك ازاي (43-54)
- 6 - البعد النفسي (55-60)
- 7 - ليه البننت ممكن تشتري منك (61-67)
- 8 - لازم تتعلم تواصل (68-88)
- 9 - اظبط البوصلة (89-102)
- 10 - خصال جذابة (103-120)
- 11 - أتصرف ازاي في الأول (121-132)
- 12 - ازاي تعلقها بيك (133-157)
- 13 - هي وبس.. لكن ازاي (158-162) 14 - الخلاصة (163-166)